



1992

LES ODES
D'OLIVIER DE MAGNY

Texte original

AVEC NOTICE

PAR E. COURBET

TOME SECOND



176013
27. 11. 22

PARIS
ALPHONSE LEMERRE, ÉDITEUR
27-31, passage Choiseul, 27-31

• M. D. CCC. LXXVI

LES ODES

D'OLIVIER DE MAGNY

LYON

IMPRIMERIE ALF. LOUIS PERRIN & MARINET

LES ODES
D'OLIVIER DE MAGNY

Texte original

AVEC NOTICE

PAR E. COURBET

TOME SECOND



PARIS
ALPHONSE LEMERRE, ÉDITEUR
27-31, passage Choiseul, 27-31

M. D. CCC. LXXVI



PQ

1629

M3A7

1876

t. 2.



LE TROISIÈME LIVRE
DES
ODES D'OLIVIER DE MAGNY,
QUERCINOIS.

A MADAME DIANE DE POYTIERS,

Duchesse de Valentinois.

ODE.

Si j'osois au retour de la nouvelle année
Faire que de ma main vous fussiez estrenée,
Je croy qu'il me faudroit discourir longuement
Avant qu'auoir de quoy le faire dignement:
Pource que ie ne voy chose aucune en ce monde,
Qui plantureuse en vous & voz graces n'abonde.

*Du tyge de noz Rois, Dame, vous descendez,
Vous obtenez des Roys ce que vous demandez,
Vous estes riche ayant la ducale coronne
Qui d'un reply d'honneur vostre chef enuironne,
Et que le Roy vous donne, ainsi comme lon veoid,
Ains qui vous la remet, comme il vous la debuoit,
Ne pouuant voz ayeux en transporter l'usage
Sans interesser ceux de leur futur lignage.*

*Des faueurs qu'à bon droit du Roy vous receuez,
Vser non abuser doucement vous sçaez,
Et bien que ses faueurs à vous seule il adresse,
Si les départez vous d'une meure sagesse
A mil & mil encor, selon que vous sentez
Que merite l'endroiçt où vous les départez :
Car le ciel qui vous fist si parfaite en prudence,
Vous graua dans l'esprit si bien la cognoissance
Des merites d'autrui, que par vostre moyen
Nul n'est onq auancé sans le meriter bien.*

*Vous haïssez de mort ceux qui sont heretiques,
Vous aymez tous ceux la qui sont bons catholicques,
Vous estes charitable, & tousiours soulagez
Tous les necessiteux & tous les affligez :
Vous auez sur le front vne grauité douce,
Qui l'homme audacieux seuerement repousse :
Et qui l'humble & modeste appelle & fait venir,
Pour luy prestier faueur & pour luy subuenir.*

*Si vous aymez quelcun, c'est d'une telle sorte
Qu'impossible est aymer d'une amitié plus forte :
Et non tant seulement vous l'aymez si tresfort
Durant qu'il est en vie, ains apres qu'il est mort
Faisant cette amitié aux siens hereditaire,
Vous faictes pour les siens ce que vous pouuez faire.*

*Vous auez l'esprit bon & susceptible & vif,
Et descendu du ciel pour n'estre point oisif,
Si qu'il n'a point de peine à viftement comprendre
Tout ce que lon vous dit & qu'il vous plaist entendre.
Les pauvres orphelins vont à vous à recours.
Les vefues ont en vous leur fidele secours.
Et ceux qu'une prison estroitement enferme,
Soyent prisonniers pour debte, ou prisonniers de guerre,
S'ilz vous disent leur droict & leur necessité,
Vous les faictes sortir hors de captivité.*

*Vous n'oubliez iamais ceux qui vous font service.
Vous ne cherchez iamais faueur en la iustice.
Vous n'auez pas cest heur seulement que de veoir
Croistre tous voz enfans en honneur & pouuoir,
Mais encor les enfans qui de voz enfans naissent,
En honneur & pouuoir vous voyez comme ilz croissent.*

*Par tout où vous allez & de iour & de nuit,
La piété, la foy, & la vertu vous suyt,
La chasteté, l'honneur & l'alme temperance
Ayans avecques vous tousiours leur demeurance.
Vous ne vous esmouuez pour la felicité,*

*Ny ne vous estonnez pour vne aduersité,
Et soit qu'un de voz filz en gardant vne place
Vaillement resistant tombe en quelque disgrâce,
Et soit qu'il meure apres sortant de sa prison,
Vous domptez la fortune avecques la raison.*

*Vous lisez volontiers, & pour vostre lecture
Vous ne prenez iamais vne vaine escripture,
Ains tousiours vous prenez vn liure vertueux,
Afin de tousiours faire vn lire fructueux.
Vous n'aymez point vn homme en vostre compagnie,
Qui parle mal d'autrui & qui le calomnie:
Et si vous n'aymez pas encore avecques vous
Un affecté flateur, du bien d'autrui ialoux,
Qui de son doux babil veult vn chacun attirer,
Ayant tousiours le cueur à la bouche contraire.*

*Que diray dauantage? on ne peut desirer
Rien pour se faire grand, ou se faire admirer,
Qui ne soit tout en vous, en vous seule repose
Le comble & le miroir de toute belle chose.
Si doncq' vous tenez tout, & si tout vous auez,
Et si tout le plus beau vous pouuez & sçauuez,
Sans que de rien qui soit vous ayez iamais faulte,
Dequoy puis i'estrener vne dame si haulte?
Il ne faut point porter à Neptune des eaux,
Et ne fault à Corinthe admener des vaisseaux,
Si vous veux ie donner: parquoy doncq' ie vous donne
Pour tout ce que ie puis, le cueur, & la personne,
L'esprit, la main, la plume, & tout ce qu'elle sçait,*

*Et tout ce qu'elle escript, & tout ce qu'elle faict,
Le vous le donne tout, & l'humble obeissance
Pour vous servir tousiours de toute sa puyssance.
Receuez doncq' ce don, & les Dieux imitez,
Qui regardent plustost aux humbles voluntez,
Qu'à la grandeur des dons, exhauçant la priere
D'un pauvre humilié, qui ne leur donne guiere,
Aussi tost que d'un Roy ilz exhaulcent les vœux,
Qui dessus vn autel leur immole cent baufz.*

A ELLE MESMES,

LVY PRESENTANT LES LOUËNGES

du iardin d'Ennet.

ODE.

N*e me sentant, Madame, estre assez bien appris
Pour chanter voz grandeurs & voz diuins espritz
Et avec voz vertus, vostre royalle race,
Je laisse pour vn autre vn labeur si diuin,
Et m'arreste à chanter de vostre beau iardin,
Pour gaigner quelque part en vostre bonne grace.*

*Mais ayant peur encor n'estre assez bien appris,
Pour sortir dignement de cest æuure entrepris,
Le n'ay faict que ce peu qu'ores ie vous presente,
Ayant bien resolu de l'acheuer du tout,
Et d'en venir pour vous heureusement à bout,
Si cognoistre ie puis que ce peu vous contente.*

*Aux ongles du lyon le lyon on cognoist,
Auecq l'eschantillon toute la piece on veoid,
Et pour bien peu d'ouurage vn ouurier se descæuure,
Voyez ce que i'apporte, & faictes iugement
Quelle sera la fin par le commencement,
» C'est le commencement qui faict moytié de l'æuure.*

*Pour vous dorefnauant mes autelz fumeront.
De vous seule sans plus mes Muses chanteront,
En vous seule sans plus ie prendray ma matiere,
Voyez donq ce fragment, & iugez quel il est,
Et me faictes semblant tant soit peu qu'il vous plaist,
L'auray bien tost mis fin à l'æuure toute entiere.*



LES LOVENGES DV IARDIN D'ENNET.

ODE.

M^{VSE} fille du Roy des Dieux,
Qui de tes vers melodieux
Fais viure des Princes la gloire,
En vne eternelle memoire,
Accorde mon luth à ta voix,
Et faiç qu'ensemble à ceste fois
Nous chantions si bien les louēges
De ce beau iardin, que le son
De nostre nouuelle chanson
S'entonne aux oreilles estranges.

C'est ce beau Iardin florissant,
Ce Iardin tousiours verdissant,
Que **DIANE** pour sa plaisance
Faiçt en son palais d'excellance,
Non ceste Diane qui luisst
Quand le iour faiçt place à la nuit,
Quoy que trois testes on luy donne,
Mais vne qui luyt icy mieux
Par sa vertu, que dans les cieux
Cette la qu'enfanta Latone.

*Cestecy d'un œil plus constant,
En sa lumiere persistant,
Sans tant de fois l'an se refaire,
De iour & de nuit nous éclaire,
Et sans monstrier ores en rond,
Ores en voute, son beau front,
Jamais eclipse elle n'endure :
Aussi le soleil si tresgrand
De qui ses clartez elle prend,
Est un miracle en la nature.*

*Quelque fois chantant le bon heur,
La gloire, les faictz & l'honneur,
Des Roys & des Ducz de sa race,
Nous dirons sa diuine grace,
Sa prudence avecq sa bonté,
Son esprit avecq sa beauté,
Qui l'heur de nostre siecle augmente :
Mais or' nous dirons seulement
Si bien du iardin l'ornement,
Que la maistresse en soit contente.*

*Toufiours Phebus à son resueil,
Alors que d'un pourpre vermeil
Le sommet des montz il redore,
Redore ce iardin encore,
Quoy que l'architecte sçauant
Ne l'ayt faict asseoir au leuant :
Car tant les vertuz il admire
De la dame de ce iardin,*

*Qu'aussi tost qu'il sort au matin
Il ne faut iamais d'y reluyre.*

*Cettuy là qui l'a diuisé
L'a de parterres composé,
Où plusieurs armes il a mises,
Et plusieurs chiffres & deuises,
Le tout en herbe si bien feint
Qu'on diroit presque qu'il est peinct,
Voyre peinct d'une grace telle,
Que Titian, ny Iacopin,
Miquel l'Ange, ou celluy d'Vrbin
Ne l'eussent sceu peindre plus belle.*

*Ici veoid on vn grand croissant,
De peu à peu se remplissant,
Et là est en mesme apparance
L'escuffon des armes de France,
Qui royalement coronné
Est d'un bel ordre enuironné
Et là se veoid encor la lettre,
La lettre premiere du nom
Du grand HENRY dont le renom
Iusqu'au bout du monde penetre.*

*Auprez de ce grand escuffon,
On veoid en pareille façon
Celluy de ceste Royne grande,
Qui dessus la France commande,
Où d'un costé sont my partiç*

*Les trois fleurons des royaux lis,
De l'autre costé se tesmoigne,
Comme de Florence elle vient,
Comme Lauragois elle tient,
Et qu'elle est du sang de Boulongne.*

*Comme les deux grandes clartez
Des deux astres au ciel plantez,
A tout ce que faict la Nature
Donnent lumiere & nourriture :
On ne veoid rien au ciel plus beau
Que l'un & que l'autre flambeau,
Aussi n'est il rien de semblable,
Et Dieu qui fist leurs beaux rayons,
Les feist afin que nous voyons
Son pouuoir plus esmerueillable.*

*Ainsi les diuines splendeurs
De ces deux Royales grandeurs,
Donnent à nostre France entiere
Sa nourriture & sa lumiere :
Leurs vertus seruent d'ornement
A tout le monde entierement,
Aussi rien n'est qui leur ressemble,
Et Dieu gestant ça bas ses yeux
Fit lors la terre égale aux cieux,
Quand il les mist tous deux ensemble.*

*A costé gauche on veoid dressé
Un lozenge bien compassé,*

Où en l'vne des moytiez sortent
Les croix que ceux de Brezè portent,
Et en l'autre on veoid des Bezans,
Des fleurs de lis, & des croissans,
Et vn chef endenté encore,
Qui sont les armes de Poytiers,
De Coultron, & des Saint valiers,
Dont nostre Princeſſe s'honore.

» Le naturel de l'homme tient
» Touſiours du lieu duquel il vient :
Ces Bezans ſont en forme ronde,
Et rond eſt le ciel & le monde,
Les fleurs de liſ viennent des Dieux,
Ces croiſſans ſont grauez aux cieux,
Et ces poinctes qu'on veoid deſcendre
Du long de ce chef nompareil,
Semblent les raiſ que le ſoleil
En eſté ſur nous faiçt eſpandre.

Ses couleurs ſont de blanc & noir,
Par ces couleurs nous faiſant veoir
La lune blanche en la nuit noire
Et c'eſt pourquoy nous deuons croire,
Aueques ſon nom qui eſt tel
Qu'il eſt de ſoy meſme immortel,
Qu'elle eſt dame toute diuine,
Et qu'en ſes armes & ſon nom,
Et ſes couleurs & ſon renom,
Des Roys & des Dieux elle eſt digne.

*Sur ce lozange ainſi traſſé,
Qu'vn beau cordon entrelaſſé
Faiſt à pluſieurs nœudz enuironne,
Eſt vne ducale coronne,
Semée de petites fleurs,
Toutes de diuerſes couleurs,
Si qu'à les veoir de ceſte ſorte
On diroit que ce ſont rubiz,
Grenatz, eſmerauldes, ſaphiz
Et perles que d'Inde on apporte.*

*Non loing de là ſur vn tombeau,
Faiſt d'vn artifice nouveau,
Vn feu deuers le ciel ſe geſte,
D'où ſort vne belle ſagette,
Ayant d'vn & d'autre coſté
Vn rameau de palme planté,
Couuert d'vne coronne belle,
Et ceinſt d'vn long rouleau qui diſt,
En ce qu'on y trouue d'eſcrit,
ELLE VIT SEVLEMENT EN ELLE.*

*Tout d'vn reng on trouue liez
Des rethz & des filetz pliez,
Et puyſ des trouſſes renuerſées,
Auec des fleſches deſpeçees,
Et des arcz ſans corde laiſſez,
Tous pareillement deſpecez,
Qui vaut pour elle autant à dire,*

*Ayant si bien attainct & pris
Tout ce qu'elle auoit entrepris,
QVE RIEN PLVS ELLE NE DESIRE.*

A MADAME LA VICOMTESSE DE GORDON,

Marguerite de Cardaillac.

ODE.

Vous auez l'esprit plain d'une ardeur éternelle
Qui soustient dedans vous vos pensers haultement,
Vous faictes voz discours tousiours profondement,
Et vous fondez tousiours en raison naturelle.

Vous estes de visage & de personne belle,
Vous traictez voz enfans d'un double traictement,
Dont l'un se faict au corps, l'autre à l'entendement,
Traictement plus louable en toute ame fidelle.

Entretenant quelcun tresbien vous deuisez,
Espagnol & François & Tuscan vous lisez,
Et si scauez tresbien les entendre & les lire.

*C'est ce qu'en peu de temps de vous hyer ie compris,
l'espere encore en brief auoir de voꝝ escriꝝ,
Pour comprendre le reste & le vous sçauoir dire.*

LE POLYPHEME.

A MONSIEVR DV THIER, CONSEILLER DV ROY,

Secretaire d'Estat & de ses finances.

ODE.

Ny baulme tant soit il parfait,
Ny ius d'herbe, escorce, ou racine,
Tant soit il diligemment faict
Auecq tout l'art de Medecine,
Ne peuuent guerir le tourment
Qu'amour imprime dans vne ame,
Lors qu'il la blesse viuement
Par la beauté de quelque dame.

*Les Muses ont bien le pouuoir
D'ayder aux amantz miserables,*

*Mais chacun ne peult pas auoir
Les Muses pour soy fauorables :
Aussi telles sont ces neuf Seurs,
Que dans vne vile poitrine
Elles n'espandent les douceurs
Iamais de leur flamme diuine.*

*Polypheme alors qu'il ardoit
D'une amour non iamais domtée,
Et qu'à rien il ne se gardoit
Fors qu'aux beautés de Galathée,
Polypheme en ses sons diuers,
Ce grand Cyclope Polypheme,
Sceut bien ce que valent les vers
Au mal de celluy qui trop ayme.*

*Car il cherchoit d'auoir souuent
Quelque plaisir en sa tristesse,
Mais tout s'en alloit comme au vent
S'en va quelque fumée espesse,
Sans plus son chant amenuysoit
La douleur qu'il portoit en l'ame,
Et plus douce encor luy faisoit
Trouuer son amoureuse flame.*

*Quantesfois ses bestes au soir
Sentant venir la nuit humide,
En leur estable a lon peu veoir
S'en retourner sans nulle guyde,
Tandiz que pallement transi*

*Sans soin de ses troupes saoulées,
Il trompoit sa douleur ainsi
Sur le bord des ondes salées.*

*O Galathée, disoit-il
Nymfe qui me meines la guerre,
Du rayon qui sort si subtil
De ton œil luyfant comme verre,
Ton front est plus clair & plus beau
Qu'en Januier n'est belle la glace,
Et les ailletz du renouveau
Ressemblent le teint de ta face.*

*Pourquoy dedaignes tu si fort
Mon amour, ma peine & ma vie,
Pourquoy me donnes tu la mort
Sans l'auoir si peu defferruie ?
Tu es plus cruelle cent fois
Qu'yne ourse ne le sçauroit estre,
Et si sembles quand ie te vois
L'aigneau qui ne vient que de naistre.*

*Quand le sommeil loge dans moy,
La nuit bruniſſant toutes choses,
A doncques, Nymfe, maugré toy
Douce pres de moy tu reposes :
Mais alors que le iour nous luit,
Te trouuant tu t'en fuis farouche,
Plus viſte qu'vn cheureau ne fuit
D'vn vieil loup affamé la bouche.*

Par ainſi le bien qui me vient
Eſt touſiours vne choſe vaine,
Et le mal qui touſiours me tient
Demeure vne choſe certaine :
Comme vn chetif qui ſommeillant,
Se trouue en fortune proſpere,
Et puis ſe trouue en ſ'eſueillant
Plus que iamais en ſa miſere.

Le iour, Nymfe, que ie te veiz
Auecq ta mere en ce riuage,
Ce fut lors qu'au cueur tu me miꝝ
L'amour qui le tient en ſeruage.
Mais ie doy bien blaſmer le iour,
Et doy bien la place mauldire,
Où ie commençay cet amour,
Qui me liure tant de martire.

Car depuis on m'a touſiours veu
Plain de doute & plain d'aſſurance,
Tantost d'un deſeſpoir repeu,
Et tantost repeu d'eſperance,
Ore deſpit, ore content,
Ore en vne, ore en autre ſorte,
Mais touſiours fidele & conſtant
En l'amitié que ie te porte.

Peut-eſtre que tu fuys ainſi
ans ceſſe deſpite & ſauuage,

*Pour ne veoir que souz vn Sourcy
Vn seul œil dedans mon visage.
S'il est vray, regarde comment
Le Soleil à Tethys sçait plaire,
Et si n'a qu'un œil seulement
Dequoy tout le monde il esclaire.*

*I'ay mille & mille autres taureaux
Qui paissent emmy ces campagnes,
Et mille & mille autres troupeaux
Qui paissent emmy ces montaignes,
De poulains encore à domter,
De bledz, de vins, d'huyle & de leine,
I'en ay tant, que de le conter
I'auroy trop de honte & de peine.*

*I'ay pour le froid, i'ay pour le chaut,
Toufiours ma demeure ordonnée,
Et de fruietz plus qu'il ne m'en faut
Toutes les saisons de l'année,
Et si i'ay si douce la voix,
Et la douceur tant allechante,
Qu'Echo ne dedaigne en ces boys
Resonner cela que ie chante.*

*I'ay cent fois dedans ces ruyssieux
Regardé quel est mon visage,
Mais iamais les Nymphes des eaux
Ne dedaignerent mon image.
Seule felonnie tu t'en fuis,*

*Loin deuant mon ardente fuyte,
Et d'autant que plus ie te suis
D'autant tu renforces ta fuyte.*

*Mais si c'est pour mes longs cheveux,
Que ie souffre tant de malaise,
Ie les couperay si tu veux,
Afin qu'apres mieux ie te plaise :
Deianire ne laissoit pas
Pour le poil herissé d'Hercule,
De le tenir entre ses bras,
Estaignant le feu qui me brusle.*

*L'appaste deux fans tous les iours,
Rendant l'vn & l'autre facile,
Auecq vn pair de petitz ours,
Les plus beaux qui soyent en Sicile,
Comme bien tost tu pourras veoir.
Pour autant que bien tost i'espere
T'en faire vn don, pour t'esmouuoir
D'auoir pitié de ma misere.*

*Laisse doncq' tes eaux & ta mer,
Tant de tempeste & tant d'orage,
Et souffre que le dieu d'aymer
Te poigne pour moy le couraige,
Souz ces arbres tant odorans,
Loing du soupçon & de l'enuye,
Tous deux ensemble deniourans
Menerons plus heureuse vie.*

*Icy tu verras mille prés,
Et mille argentines fontaines,
Mesmement mille antres secretz
Pour cueillir le fruit de noz peines.
Aymeras tu doncq viure mieux
Parmy tant de sel & d'escume,
Que d'un fruit si délicieux
Sauouer la douce amertume.*

*Si ie sçauoy si bien nager
Qu'un dauphin, aux ondes marines
L'iroy sans craindre nul danger,
Adorer tes beautés diuines,
Et si tu tournois par dedain
Arriere ta face excellente,
Cent fois ie baiseroy ta main
Au lieu de ta bouche odorante.*

*Au printems ie te donneroy
Des lys & des roses plus belles,
En esté ie t'apporteroy
Un plain paneret de groiselles,
L'automne ie t'iroy porter
Deux de noz moyffines plus meures,
L'hyuer ie t'iroy presenter
Un cent de chastaignes meilleures.*

*Mais puis que mon astre malin
Ne veut que ce bon heur m'aduienne,*

*Vien ten à l'ombre de ce pin,
Adoucir la tristesse mienne,
Vien mon amour, vien mon tresor,
Que ie tiens plus cher que mes bestes,
Et plus cher que mon ail encor,
Vien ten acomplir mes requestes.*

*Or sur ces tertres bossus,
Ore dans ces basses valées,
Ore follastrant pardeffus
Le bord des eaux plus reculées,
Tous deux également contens,
Menerons vne telle vie
Que les Dieux de noz passetems
Auront possible quelque enuie.*

*Toufiours l'astre du chien felon
Ne tarit la source des fleuves,
Et toufiours le froid Aquilon
N'oste aux forestz leurs robes neufues,
Toufiours le clair soleil aussi
Ne dort au sein de sa nourrice,
Et toufiours tes fiertez ainfi
N'auront sur moy tant de malice.*

*Venus qui nasquit en tes flotz,
Venus l'amoureuse Déesse,
Porte bien en son cueur encloz
Le traict de l'Archer qui me blesse:*

*Vien ten doncq, Nymfe, en ces pastiz,
Souz ses loix avecques moy viure,
Car moins que de fuyure Tethys,
Tu n'auras d'honneur de la fuyure.*

*Mais, Venus, qu'est ce que ie veoy !
Que veoy ie si pres de moy ore !
Ie voy ce semble auprès de moy
La rare beaulté que i'adore.
O Dieux quelz fantosmes nouueaux,
Cela que si mal luy ressemble,
Ce sont les verdissants rameaux
Qui florissent en ce beau tremble.*

*Hé qu'est cecy ! ie me deçoy
Sans cesser en diuerse guise,
Pensant que tout ce que ie veoy
Soit celle la qui me méprise,
Elle est peut-estre ore bien loing,
Et de moy bien loing se contente,
Sans auoir tant soit peu de soin
De l'amour qui tant me tourmente.*

*Le chef me deult de tant chanter,
Et mes piedz se lassent encore
De tousiours dolent me porter,
Depuis le leuer de l'Aurore.
Ie sens augmenter mon amour,
Et sens empirer mon martire,*

*Attendant doncq le nouveau iour
Il vault mieux que ie me retire.*

*Voyla, DVTHIER, voyla comment
Ce grand Cyclope Polypheme,
Se complaignoit incessamment
Ore à s'ame, ore à soy mesme,
Et voyla quand il lamentoit
Allegeant sa peine cuyfante,
Le rustique lay qu'il chantoit,
Qu'ore humblement ie te presente.*

*Et bien que ce present si bas
D'une basse Muse te vienne,
Tu ne le dedaigneras pas
Encores qu'il ne te conuienne,
Car or' que de nuit & de iour
L'amour dans mon ame foisonne,
Ie ne sonne rien que d'amour,
Ny rien que d'amour ie ne donne.*



SVR LA PRISE DE CALAYS.

ODE.

QUELLE *fi* belle nouvelle,
Oy ie bruire en ce palais?
Quelle nouvelle *fi* belle
Murmure lon de Calays?

Quelle nouvelle allegresse
Tient tout ce peuple surpris?
Quelle voix en ceste presse
Crie que Calays est pris?

Ce Calays inexpugnable,
Cè vieil rampart des Angloys,
Qu'on disoit tant imprenable
Est il pris à ceste fois?

Est il possible de croire
Qu'en ce temps iniurieux,
Nous ayons eu la victoire
D'un Calays *fi* glorieux?

*Vn Calays que lon renforce
Depuis plus de deux cens ans,
S'est il peu prendre par force
En vn si petit de tems ?*

*En vn si petit espace
A lon peu prendre le fort,
D'une si guerriere place,
Les murailles & le port ?*

*S'est il peu trouuer des ruës,
Pour boucher & pour tarir,
Ses marestz & ses escluzes,
Afin de la conquerir ?*

*Mon Dieu que ceste merueille
Nous a de l'aise donné !
Plus ce bruit m'entre en l'oreille,
Plus i'en demeure estonné.*

*Mais d'où vient que ie me donne
Vn tel esbayssment ?
Plus ie veoy que ie m'estonne,
Moins i'en trouue d'argument.*

*Et plus mal aysé ie treuve
Qu'on voye vn Calays domter,
Et plus, en fin, ie l'espreuve
Bien aysé de surmonter.*

*Ne sachant en fin comprendre
Comment il eust sceu durer,
Si du Roy qui l'a sceu prendre
La force on veut mesurer.*

*Grande est certes l'entreprise
D'une telle place avoir,
Mais du Roy qui l'a conquise
Plus grand est bien le pouvoir.*

*Du grand Roy qui l'a gagnée
D'un bras si victorieux,
La fatale destinée
Veult que lon espere mieux.*

*Le ciel qui ceste conquête
Luy donne avecques tant d'heur,
Mille autres lauriers appreste
A sa Royale grandeur.*

*Et ia veoid on apparoiſtre
Son Croissant à double front,
Pour ne faire plus que croistre
Jusqu'à tant qu'il ſoit tout rond.*

*Comme vn grand torrent qui noye,
Arrache, renuerſe & rompt
Tout ce qu'il trouue en la voye
Descendant de quelque mont :*

*Les campagnes il saccage
De son cours audacieux,
Et du bruit de son outrage
Il remplit l'air & les cieux.*

*Mais quand ceste fiere audace
Par apres luy vient à cheoir,
Auecq sa fierté se passe
Son dommageable pouuoir.*

*Si que sa fureur haultaine
Pert son cours pernicieux,
Et on le passe en la plaine
A pied sec, en mille lieux.*

*Ainsi fut Calays naguere
Qui, superbe qu'il estoit,
Pensoit d'yne audace fiere,
Qu'vn chacun le redoubtoit.*

*Il disoit que comme vn liege
Le plomb iroit sur les eaux,
Allors qu'on verroit le siege
Deuant ses braues creneaux.*

*Et ainsi par tout le monde,
Où son nom bruyre on oyoit,
Feut sur la terre ou sur l'onde,
Vn chacun il effrayoit.*

*Mais ores que nostre Prince,
Nostre Roy l'honneur des Roys,
L'a reioinct à sa prouince,
Le bridant deffouz ses loix,*

*Tout honteux la teste il courbe,
Et les yeux de rage ardans,
Reçoit la guerriere tourbe
Des François qui vont dedans.*

*Si qu'en noz bandes si fortes
Il n'est si petit souldart,
Qui ne le poigne en cent sortes
De quelque iuste brocard.*

*Aprenez doncq Angleterre,
Aprenez doncques Anglois,
De mieux garder vostre terre
De ceux du sang de Valoys.*

*Car alors que vous voulustes
Calays dessus eux gaigner,
Plus d'unze moys vous y fustes,
Auant que de l'expugner.*

*Mais d'une adresse plus forte
Sans craindre tous voz secours,
Nostre Prince ores l'emporte
En moins de cinq ou fix iours.*

*En moins que d'une sepmaine
Ce Prince, cest autre Mars,
Par les forces qu'il y meine
T plante ses estendars.*

*Comme quand le vent se leue,
On veoid le fresle rouseau,
Baïsser sa teste plus greue
Tout à coup au fond de l'eau.*

*Et comme aux champs qu'on moissonne
On veoid le chaume allumé,
Si le vent à trauers donne,
Soubdain estre consumé.*

*Ainsi sa teste orgueilleuse
Baïssa Calays plein d'effroy,
Quand la force merueilleuse
Il veid de nostre grand Roy.*

*Et sa force acoustumée
Par tant d'ans se renforceant,
Soubdain on veid consumée,
Deuant ce Prince puissant,*

*Qui dans leur antique place
Ses Liç faict ores semer,
Et les Lyepardz en chasse,
Loing loing par delà la mer,*

*Voulant que l'Anglois en sorte,
Defarmé de teste & flanc,
Sans qu'autre chose il emporte
Qu'en sa main vn baston blanc.*

*O infigne Duc de Guise,
Qui si bien deffendis Metz,
Metz, & ceste autre entreprise,
Te feront viure à iamais.*

*Mille Athenes, mille Rommes,
Ont en toy bel argument,
Pour te faire entre les hommes
Durer eternellement.*

*Cent mil hommes à ta face
Cesar mist pour Metz auoir,
Lors qu'abbaisant son audace
Tu le mist en desespoir.*

*Mais ores de moins de forces
Saige & vaillant conducteur,
Malgré luy Calays tu forces,
Compaignon d'un plus grand heur.*

*Ayant ta vertu louable
Borné par ces deux endroictz,
D'une borne perdurable
Le domaine de noz Roys.*

*Va doncq' tes denrées vendre,
Va doncq' ailleurs les troquer,
Il te fault ailleurs qu'en Flandre,
Espaigne, les trafiquer.*

*Et vous Flandre & Angleterre,
L'Espaigne il vous fault lascher,
Car le passage on vous serre
Par où vous l'allez chercher.*

*Vous pensiez pour la victoire
Qui vous vint à Sainct Quentin,
Qu'au naistre de vostre gloire
La nostre deust prendre fin.*

*Mais tu te trompois Espaigne
Flandre & Angleterre aussi,
L'heur qui mon Prince accompagne
Ne perira pas ainsi,*

*Ains croistra deç l'Hyperbore,
Iusqu'au More plus ardent,
Et des le liêt de l'Aurore
Iusqu'au plus bas occident.*

*Dieu ce mal voulut permettre,
Non pour le veoir abbatu,
Mais afin de mieux cognoistre
Sa magnanime vertu.*

*Dont il a veu la constance
Telle en son aduersité,
Qu'il veoid orès sa prudence,
En ceste felicité.*

A BERENGVIER PORTAL,

Treforier de France.

ODE.

AVANT que mon liure acheuer,
Le veux qu'on y puyffe trouuer
Portal descript en quelque page,
Afin que le siecle suyuant
De ce que ie l'ay veu viuant
Reçoyue quelque tesmoignage.

*Mais que diray-ie, dis le moy ?
Dy moy que ie diray de toy ?
Enseigne moy que doy ie dire,
Dy moy, ie te pry' rondement
Où ie doy prendre l'argument
Pour plus dignement te descrire.*

*Mais non, car ie viens de penser
Ou ie doys cela commencer
Que dire de toy ie propose,
Pensé ie l'ay, & l'escriray,
Et en l'escriuant ne diray
Mon Portal, qu'une seule chose.*

*Ie ne veux dire qu'un seul poinct,
Qui toutesfois ne sera point
Que d'une importance notable,
Car il va iusqu'à ton honneur,
Qui ioinct avecques ton bon heur
N'est qu'à ce seul poinct redeuable.*

*Es tu point quelque peu douteux ?
Es tu pas grandement honteux
De ce qu'il fault que ie te dye ?
Auras tu bien pour m'esclouter
Sans rougir & sans t'irriter,
L'ame & la face assez hardie ?*

*Celuy que celebrer on veult,
Et qu'on louë tant que lon peult,
S'il est present, il s'en offense :
Et s'offense encores celuy,
Qui oyt regester dessus luy
Quelque reproche en sa presence.*

*Mais ce que ie diray, Portal,
Tu ne recevras point à mal,*

*Ains le prendras comme il faut prendre
Ce qui vient d'un fidele amy,
Qui ne dict iamais à demy
Tout ce qu'un amy doit entendre.*

*Ce que te dire ie pretens
Ne se dict gueres en ce temps
A nulle personne qui viue,
Aussi c'est un si tresgrand cas,
Que plusieurs nous ne voyons pas
Dignes que lon le leur escriue.*

*Or, Portal, pour plus ne te veoir
En trauail d'esprit, de sçauoir
Ce que i'ay vouloir de t'escrire :
Portal, tu es homme de bien,
Homme de bien ne s'en fault rien,
Voilà ce que ie voulois dire.*

*Homme de bien certes es tu,
Qui aymes & suys la vertu,
Fuyant la fraude & la malice,
Car celluy seul est vertueux,
Lequel n'est point voluptueux,
Et lequel deteste le vice.*



A GVILLAVME BLANCHY.

ODE.

IE ne conuoite point les tresors plantureux
Des Perses, ny ceux la des Arabes heureux,
Et si ne cherche point les pierres qu'on va querre
Bien loin en la mer rouge & par mer & par terre.

Aussi ie ne demande pas
Les grans pompes, les grans estatz
Du monde, & les grandes maistrises :
I'ay l'esprit qui point ne se paist,
Et qui point encor ne se plaist
De telles vaines conuoitises.

Ny le ciel, ny le sort souz lesquelz ie suis né,
Vn seul de tous ces biens ne m'ont point destiné,
Et ne m'en donnent point, mais point ie ne m'estonne,
Et ne me plains du sort de ce qu'il ne m'en donne.

Ie cherche sans plus de cognoistre
Quel ie suis, & quel ie doys estre,
Et cherche en ce faisant le bien,
Le bien à qui tout autre cede,

*Et qui iamais ne se possede
Par ceux la qui ne valent rien.*

*Ce bien duquel ie parle & que ie cherche tant,
Et que tout bon esprit doit aller souhaitant,
C'est le souuerain bien, & la vertu s'apelle,
Vertu iamais vaincue & tousiours eternelle.*

*C'est elle seulement qui faict
Que l'homme est homme tout parfaict,
C'est celle encor qui l'achemine,
Le faisant compaignon des Dieux,
Et le guidant là haut aux cieux,
Lieu premier de son origine.*

*C'est pourquoy ie la cherche, & c'est encor comment
En cherchant la vertu, ie cherche ensemblement
Des amys vertueux, comme toy qui embrasses
Vn infiny tresor de vertus & de graces.*

*C'est vn cas commun que de veoir
Vn homme riche, pour auoir
Beaucoup de biens de la fortune :
Mais de veoir vn homme vestu,
Et riche des biens de vertu,
Ce n'est vne chose commune.*

*Ie r'ay cherché long tems & r'ay en fin trouué,
Et te trouuant, Blanchi, i'ay en fin esprouué
Qu'entre les grans tresors il n'en est ce me semble
Tel qu'un tresor d'amys qui par vertu s'assemble.*

*la la Nature nous a mys
Au chemin d'estre faictz amys,
Faisant noz corps d'une mesure :
Que pleust aux Dieux que l'esprit mien
Fust aussi bien semblable au tien,
Que semblable est nostre stature.*

*Il ne tiendra qu'à toy que pareilz tout ainfi
Que nous sommes de corps, nous le soyons aussi
De cueur & de vouloir, sans que nostre alliance
Tombe iamais au lac d'une ingrate oubliance.*

*Desia nostre cueur est egal
En l'endroit de ton Cardinal,
Car si sa grand vertu i'honnore,
Tu l'honnores ainfi que moy,
Et si son loz est dict par toy,
Par moy il sera dict encore.*

*Iamais vn bon esprit des amytiéz ne quiert,
Que par les voluptez & presentz on acquiert :
Pour autant que tousiours elles sont peu durables,
Et sont tousiours des fins qui sont trop miserables.*

*Car tant que les presentz se baillent,
Et que les voluptez ne faillent,
L'amytié iamais ne perit,
Mais dez que les presens perissent,
Et que les voluptez tarissent,
L'amytié soudain se tarit.*

*Les amis comme on dict ce sont images d'or :
Et pour cela iadis & Pollux & Castor,
Et Pylade & Oreste, & Hercule & Thesée,
D'un amour reciproque eurent l'ame embrasée.*

*De ceux cy l'un iadis fust tel,
Qu'il partit son estre immortel
Pour estre à l'amy fauorable :
Et l'autre encore ayma si fort,
Qu'il s'offrit à souffrir la mort
Pour sauuer son amy coupable.*

*Il faut bannir bien loing ces froides amytiēz
Tous ces offres si promptz, & ces vaines moytiēz,
Dont on pipe & deguise, & dont on veut attirer,
Ayant tousiours le cueur à la bouche contraire..*

*Le vray debuoir ce m'est aduis
De ceux qui se disent amis,
C'est d'auoir vne ame commune
Se conseiller, se conforter,
Se secourir, se supporter,
En l'une & en l'autre fortune.*

*Ie iure par les Dieux & par les elemens,
Ie iure par les cieux, & par leurs mouuemens,
Apellant à tesmoins l'une & l'autre Thalye,
Les verdz lauriers de Cyrre & l'eau de Castalie,*

*Que tant que viuant ie seray
Blanchi, ie te reuereray
De pure volonté non faincte,
Sans iamais enfreindre les loix,*

*En quelque fortune où tu sois,
De nostre amitié si treffaincte.*

*La doncq ouvre ta main & la mienne reçois,
Laquelle en te donnant ie te donne ma foy,
Et pour rendre à iamais ceste foy perdurable,
Redonne moy la tienne & me fais le semblable.*

*L'ardeur de quoy nous nous aymons,
Naist de ce que nous estimons,
A sçavoir de la vertu haulte :
La vertu ne sçauroit mourir,
N'ayons doncq peur de veoir perir
L'amitié que par nostre faulte.*

A PIERRE GILBERT

Tholosan.

ODE.

QVAND iamais ie n'eusse sçeu veoir
Les beaux vers qu'au luth tu compasses,
Pourueu que i'eusse peu sçavoir
Le bon heur de tes autres graces,
L'eusse tousiours tenu bien cher

*D'accorder ma lyre d'ivoire,
Pour dessus ses cordes toucher
L'un des merites de ta gloire.*

*Celuy qui tafche à conquer
Entre les doctes quelque efime,
Pour trop importun emprunter
De l'un & l'autre quelque ryme,
S'enfle orgueilleux du vain honneur
Qu'il reçoit de l'aure non fienne,
Attendant que tout ce bon heur
En vitupere luy reuienne.*

*Et foit loing chaffé d'entre nous,
Non toy, à qui les neuf Pucelles
Ont faict prefent d'un luc fi doux,
Pour dire des chofes fi belles,
Et qui d'aucun vers efranger
L'honneur faulcement ne fouhaites,
Pouuant autrement te renger
Dans le reng des meilleurs poëtes.*

*Le Soleil ne veid onq' des cieux
Icy bas chofe qu'il dedaigne,
Si fort que l'homme vicieux
Que l'ingratitude accompagne :
Sifyphe en fon affliction
Trop ingrat fes fautes adouë,
Et le miferable Ixion
L'efprouue encor dessus fa rouë.*

*Et c'est pourquoy ces petitx vers,
Pour ne cheoir en semblable crime,
Le contr'echange aux traitx diuers
De ta docte & coulante ryme,
T'assurant que l'estroicte foy
De nostre amitié commencée,
Ne sera non plus que de toy
De par moy iamais offensée.*

CONTRE AVCVNS MALVEVILLANS

D'un sien grand amy.

ODE.

Si ceux qui vostre honneur soustiennent en tous lieux
Sont ores offensez, Muses filles des Dieux,
Ne doy ie pas pour vous soustenir leur querelle,
Comme ilz ont soustenu vostre gloire immortelle.
La doncq' vengeons le tort que lon fait à celluy
Que i'ayme plus que moy, qui m'ayme plus que luy,
Et qui des son ieune age au coupeau de Parnase
Vous fistes à longs traitx boire aux eaux de Pegase.

*Mais fuyez, doctes Seurs, & me laissez icy
De la vengeance avoir la peine & le soucy :
Car vostre tendre cueur si vous m'escoutez dire
Vous feroit trop de mal en vomissant mon ire.
Sus sus doncques mes vers, sus doncques commençons,
Et filant noz propos, vne corde tiffons
Pour en pendre quelcun, comme iadis l'lâmbe
D'Archiloc pendre fait le malheureux Lycambe.*

*L'amour & la vertu, l'honneur & la pitié
Sont conuertis en hayne, en vice, & mauuaislié,
Et maintenant hélas ! la damnable malice
Poursuit impuniment l'equitable Iustice.
Vous le sçauiez, malins, qui d'un iniuste effort
Contre vn pauvre innocent machinez vn grand tort.
Et quoy n'auous point peur dites race maudite,
Que le Roy Iupiter contre vous se despote,
Et que d'un fouldre aigu sur voz testes getté,
Il punisse bien tost vostre meschanceté ?
Ie voy deia le ciel qui s'obscurcit la face,
Ie le voy courroucé qui voz fautes menace,
Et de pluye & de gresle & de ventz fierement
Presage voz desseins estre faictz vainement.
Defia mes vers sur vous ont quelque seigneurie,
Et defia ie vous voy suyuiç d'une Furie,
Qui d'un fouet retors de serpens furieux
Bourrelle sans repos voz bouches & voz yeux.
Ie voy d'un noir venin ia voz gorges mouillées,
Ie voy de sang infaiçt voz poytrines souillées,
Ie voy dix mille soins & dix mille remordz
Vous liurer des tormentz pires que mille mortz.*

Tous voz lietz desormais seront semez d'espines,
Et avecq' voz defirs voz cautelles malignes
Retourneront sur vous, pour vous donner l'ennuy
Dequoy meschamment vous poursuyviez autrui :

- » Car les Dieux en tout tems vengent la iuste offense,
- » Et s'ilz ont retardé quelque fois la vengeance,
- » Ilz la font à la fin tellement en courroux,
- » Que l'exemple en demeure à iamais entre nous.

Je ne sçauois penser qu'une femme benigne
Vous ayt peu concevoir dans sa douce poytrine :
Car vostre naturel ennemy de douceur,
Et voz traistres defirs, me font maintenant seur
Que quelque ourse cruelle enfle de felonnye
Vous enfanta iadis aux rochers d'Hircanye.
Vous ne vous peustes oncq, malheureux, que de fiel,
Vous ne dressastes oncq voz yeux deuers le ciel,
Mais tousiours embourbez dans quelque sale ordure,
Vous faictes voz effetz telz que vostre nature.
Voyci la sage vierge ententive à mes vœux,
Qui vient de sa Gorgonne espreindre les cheveux,
Et de l'infection qui par terre s'escoule,
Pour vostre vray repas vostre gorge elle saoule,
Je voy ia ses dragons qu'elle tient par la main,
Afin de tourmenter vostre cueur inhumain,
Je les vois acharnez dessus vous ce me semble,
Je les voy mutinés s'entrecombatre ensemble,
A qui sera premier à deschirer ce cueur,
Que vous auez si plain de rage & de ranqueur.

Le mal que sent Syfippe, Ixion, ou Tantale
Pour son meschant forfait en la troupe infernale,

N'aprobe point du mal qui vous est appresté,
Pour punir iustement vostre inhumanite.
Et qu'il ne soit ainsi, vostre ame est ia sayfie
Du tourment eternal de telle ialousie,
Que ie ne sçay, peruers, si ceux la des enfers
Ont de si griefz tourmentz pour leurs crimes souffertz.
Mais c'est le moindre encor du tourment de voz ames :
Car ceux la d'entre vous qui plus aymés voz femmes,
Verrés deuant voz yeux sur vostre front asseoir
Les branches de malheur qu'on porte sans les veoir.
Et quand dorefnauant vous attendrés à table
Voz repas en repos, vne horreur effroyable,
D'un estocq affillé sur voz testes pendra,
Qui tousiours vostre vie en suspens vous tiendra,
Puis quand des presentz metz dont le goust nous conuie
Vous cuyderez menger & passer vostre enuie,
Trois Harpyes soubdain du bec vous vrolleront
Voz morceaux, & pour vous tousiours se soulleront.
Ainsi de vous subgectz à telle destinée
Qu'elles tindrent subgect le malheureux Phynée
Elles rauront tout & lairront le lieu plain
D'une grand' puanteur & vous d'une grand' fain
Qui deuiendra tousiours & plus grande & plus forte,
Iusqu'à tant qu'il suruienne vn tourment d'autre sorte
Pour vous desaffamer, & lors vous mengerez
Encores quelque fois, & seruiz vous serez
Du plat mesme & des metz dequoy l'enuie blesme
En son obscur manoir se repaist elle mesme.
Et si quand ces viures vous aurez acheuez
Quelque peu d'apetit encor vous vous trouuez,

*Desireux de gouster de quelque autre viande
On vous la donnera encore plus friande.
Car ayant rempli d'eau votre esthomas profond,
Vne vipere en vie on rura dans le fond,
Qui s'enflant dans ceste eau d'une despitueuse ire,
En vous rechatouillant vous pourra faire rire.*

*Puis quand la noire nuit viendra chasser le iour,
Vous trouuerez, mutins, à chasque carrefour
Vne Hecate à trois cheffz, qui d'une voix horrible
Vous mettra dedans l'ame vne crainte terrible,
De sorte que sentant sa froideur au dedans,
Fremissant des genoux, & craquetant des dentz,
Les cheueux herissez, & le visage blesme,
Vous vous en refuyrez d'une frayeur extrême,
Et courant roidement vn tel sault tumberez
Que la moytié du test vous vous en casserez :
Puis estant releuez, & fuyant de plus belle
Ferez de vostre sang vne trace nouuelle,
Et ne trouuerez chose au deuant de voz piedz,
Qu'estre vous ne pensez cela que vous fuyez :
Comme vn troupeau de fons quand ilz ont veu leur mere
Occise entre les dentz d'une fiere Panthere,
Qui ne trouuent aux boys, arbre, tronc, ny buysson
Qui soubdain ne leur donne vne horrible frisson,
De sorte qu'il leur semble à tous coups que la beste
Ait desia mis sa dent sur leur craintiue teste.*

*Mais c'est le moindre effroy que vous pourrez auoir :
Car l'ombre de vous mesme en venant à la veoir
Vous en donnera tant, que plus froidz que du marbre,
Vous vous irez tapir souz les branches d'un arbre,*

*Afin d'euter mieux à vous veoir de rechef :
Et soudain vous orrez gronder sur vostre chef
Vn tonnerre des cieux, & tumber bas vn fouldre
Qui sans vous offenser brisera l'arbre en pouldre,
De sorte que tremblans plus que iamais de peur,
Vous vous en refuyrez, traistres de meschant cueur,
Sous vn tombeau de mort en quelque cimitiere
Pensant plus seurement passer la nuit entiere.
Mais vous ne vous serez si tost mis en ce creux,
Qu'un fantosme vestu d'un linceul tout terreux
Monstrant au lieu des yeux vne grande ouuerture,
Et s'esleuant, hideux, hors de sa sepulture
Vous en fera sortir, avecq plus de terreur,
Que vous n'aurez oncq eu de martire & d'horreur.*

*En fin vous paruiendrez chacun en sa demeure,
Et vaincu de travail vous gecterez de l'heure
Sur voz litz attendans, où laissez de gemir
Après mille souspirs vous pourrez endormir.
Mais vous n'aurez si tost cloz l'œil souz la paupiere,
Que vous esprouerez vne peine plus fiere,
Songeant qu'un grand dragon vous vueille deuorer,
Et que plus vous voudrez le secours implorer
D'aucuns hommes loingtains, de peur qu'il vous affolle,
Et tant moins vous aurez de voix & de parolle,
Puis estans esueillez & le iour euidant,
Vous le passerez tout comme le precedent,
Et filerez ainsi le cours de vostre vie,
A mille pauuretez iustement asseruie,
Iusqu'à tant que la Mort vous enuoyra là bas
Paistre voz meschans cueurs d'un plus meschant repas.*

AV PETIT ENFANT

De sa dame.

ODE.

DE quel vers digne de ton heur
Pourray ie chanter ton honneur,
Margarin, l'enfant de Madame,
Qui te paiz en l'aïllet vermeil
Qui croist en sa bouche de basine,
Lors que pour t'induyre au sommeil
Te baissant d'aïse elle se pafme :

Je ne tiens ton heur des plus grans,
Margarin, pource que tu prens
Ton nom d'une grand Marguerite,
Ny pour la race dont tu sors,
Quelque honneur qui dans elle habite,
Ny pour les biens & les trefors
Dont ie voy que ton pere herite.

Mais heureux ie te dy cent fois,
Pour avoir reposé neuf moys

*Aux flancz d'une dame si belle,
Qui semble descendre des cieux
Comme vne Pandore nouvelle,
Et qui d'un seul traict de ses yeux
Faiçt languir cent hommes pour elle.*

*Et ne pense point que les biens
Qui doyuent vn iour estre tiens,
Ny que ton heur plus desirable,
Coulast en toy quand tu nasquis
De ton ascendant fauorable,
Car l'heur & le bien t'est acquis
Par l'heur de ta mere admirable.*

*Quel Arabe aussi tant heureux,
Ou quel Indois si plantureux,
De plus beaux presentz nous ameine
Que l'or de son poil annellé,
Que l'ambre gris de son haleine,
Et que de son front estoilé
Les petitz arcz de noir hebene?*

*Nulle mer deux couraulx plus beaux
Ne cache au profond de ses eaux
Que ceux de sa bouche vermeille,
Ny nul gay printemps ne nous peint
En may, vne roze pareille,
A celle qui croit en son teinct
Plaine d'honneur & de merueille.*

*Du soleil l'ardente chaleur
Des ailletz flestrit la couleur,
Et la bize quand l'hyuer dure
Seche les plaines & les boys:
Mais ny le chault ny la froidure
Par les chaultx ou froidureux moys,
A son teint ne peult faire iniure.*

*En tout temps, petit Margarin,
Le mastic, & le romarin,
La lauande & la mariolaine,
Croissent de sa bouche à l'entour,
Bouche de roses toute plaine,
Et en tout temps l'enfant Amour
Armé de son arc s'y promeine.*

*Aussi cettuy-la ne sçait point
Comment ce petit Dieu nous poinct
D'un trait plain d'aise & de martire,
Qui ne l'oit doucement parler,
Qui ne la veoid doucement rire,
Et ne la veoid par fois baller,
On ne l'oit quand elle souspire.*

*N'es tu doncq heureux de pouvoir
Quand tu veulx à ton aise veoir
Ce poil qui l'or mesmes efface,
Ces yeux, deux celestes brandons,
Ces lix qui croissent en sa face,*

*Et ces beaux petitz Cupidons
Qui volent en sa bonne grace.*

*Voyla seulement ce qui faict,
Margarin, ton heur si parfaict,
Mais qui faict agrandir ta gloire :
C'est que tu prens le iour cent fois
Ces tetins qui semblent d'iuoyre,
Et les testastant de tes doigtz
Mignard leur demandes à boire.*

*Le nectar que lon boit aux cieux,
Ne fut oncq si delicieux
Que la liqueur qu'elle te donne,
Et croy qu'à bon droit Iupiter,
Iupiter le grand Dieu qui tonne,
Lairroit pour en venir taster
Son sceptre & sa grande couronne.*

*Garde doncq' bien, petit enfant,
Enfant de mon heur triumpant,
D'offenser sa blanche poytrine,
De tes ongles par marrisson,
Ou de ta gensive pourprine,
Mesmes or' petit enfançon
Qu'elle est encore en sa gesine.*

*Mais heureux va tousiours croissant,
Et quand ton printemps florissant*

*Viendra coutonner ton visage,
D'un petit poil d'or foleton,
Ne sois, Margarin, si peu sage
Qu'importun comme vn Phaëton,
Cerches toy mesmes ton dommage.*

*Ains r'acheminant à bon train,
Laisse tousiours guider le frain
De tes chaultz desirs à ta mere,
Et ne sois si fort effrené
Que celluy qui du libre Pere
Fut à sa requeste estrené
De tant d'or à son vitupere.*

*Et si i'ay de toy merite
Pour auoir ta gloire chanté,
Margarin, quelque recompense,
Ie te pry, mignon, donne luy,
Donne luy bien tost cognoissance
De la langueur, & de l'ennuy
Que ie sens ore en son absence.*

*Et faiz, Margarin, si tu peulx
Qu'elle reçoie encor les vœux
Qu'humblement deuot ie luy dresse,
Et que l'aigreur de mon tourment
Elle change en douce allegresse,
Permetant que plus librement
Ie luy descouure ma destresse.*

*Qu'ainfi puiffes tu plus heureux
 Deuenir vn iour amoureux
 De quelque dame auffi diuine,
 Et par vn semblable moyen
 La trouuer plus douce & benigne,
 Pour en fin obtenir le bien
 Qu'apprend l'amoureuſe Cyprine.*

L'HYMNE DE BACCHVS,

A PIERRE DE RONSARD

Vandosmois.

ORES qu'en ce banquet nous faiſons, chere troupe,
 Courir de main en main cette vineuſe coupe,
 Chantons pour acomplir ce myſtere diuin,
 Quelque bel hymne au Dieu des coupes & du vin,
 Afin qu'en ces feſtins touſiours il nous rapelle.

O guerrier excellent, nay de race immortelle,
 De qui les ſainctz autelz, la victoire & le nom,
 Eſtans defia preueuz, deſpiterent lunon,
 Tant qu'elle fiſt mourir par ſa caulte fineſſe,

D'une trop dure mort ta mere en sa grosseſſe.
Le monde cogneuſt bien ce iour la que les Dieux
Vouloient faire deſcendre vn miracle des cieux :
Car Iupiter armé de fouldre & de tonnerre
(Ne pouuant autrement) deſcendit ſur la terre,
Et pleurant de regret vint ta mere acoller,
Et l'acollant luy vint ſa poytrine bruller.
A l'heure tu ſortis du ventre de ta mere
Tout noircy de fumée, & Iupiter ton pere
Pour acomplir le temps propre à l'enfantement,
Te cacha dans ſa cuyſſe auſſi ſoubdâinement :
Et t'y tint ſi long temps, que la lune cornuë
Etoit preſque dix fois deuers nous reuenuë,
Auant que tout formé tu ſortiffes au iour,
Veoir la clarté qui luyt en ce commun ſeiour.

Ainſi né par deux fois on te mit à nourrice,
Mais il faluſt bien toſt t'aller cacher à Nyſſe,
Car la fiere lunon, pour ſa rage guerir,
Te cerchoit en tous lieux pour te faire mourir.

Depuys, Pere ioyeux, croiſſant avecques l'age,
Te fiant orgueilleux en l'heur de ton lignaige,
Tu fiſz ſentir au Perſe, à l'Arabe, à l'Indois,
Au Baſſe, & à l'Hircain, cela que tu pouuois,
Mais tes braues honneurs, tes forces & ta gloire,
N'euffent point paranné de ton nom la memoire :
Et l'homme encor à peine euſt allumé des feuz
Sur tes ſacrez aultelz, decorés de ſes vœuz,
Ny ton vieillard Sylene, & tes folles Menades,
N'euffent acompaigné tes vineuſes Thyades,
Et n'euffent point chanté tous enſemble à la fois

Ta grandeur & ton nom d'une si belle voix,
Ainçois t'eussent laissé vaincu de ta victoire,
Si tu n'eusses appris le premier à bien boire,
Et n'eusses descouvert le premier ce beau fruit,
Qui fait le iour obscur & luisante la nuit.
Et pour cela ie croy si par bonne fortune
Tu fusses arriué quand Pallas, & Neptune,
Estoient en different d'Athenes baptiser,
Qu'elle eust voulu son nom du tien favoriser :
Si fort en le nommant les espritz il recrée,
Et si fort aux mortelz voire aux Dieux il agréé.

Mais qui seroit celuy qui pourroit dignement
Celebrer le bon vin, la vigne & le serment,
Leur beaulté, leur honneur, leurs vertus infinies,
Et l'heur qui vient par eulx en toutes compaignies ?
Sans la liqueur du vin, cette sainte liqueur,
L'homme cent fois le iour defauldroit de son cueur.
La nature reçoit du vin toute sa force.
Le vin est aux espritz vne subtile amorce,
Qui les eleue au ciel ardemment éperduz
Pour faire des discours non iamais entendu.

Quand le fleuve coulant est bridé de la glace,
Et que le champ demeure orphelin de sa grace,
Et les boys d'alentour sont des ventz abatu,

Qui fait aller ioyeux par les champs deuestu,

Et qui defaigrit plus du voyager la peine,

Que le bon vin qu'il porte en sa bouteille pleine ?

Puis quand l'aronde vient annoncer le printems,
Quel autre doux plaisir fait noz cueurs plus contens,
Qu'estre au bord d'un ruyseau, & couchés plat à terre

Couronner d'un bon vin ou la tasse, ou le verre,
Et boyre l'un à l'autre, aualant & le vin
Et tout ce que lon a de peine & de chagrin ?

- Ceres ayme le vin, & Venus est glacée
- Si la liqueur du vin n'enflamme sa pensée.

Et lors que l'auantchien eschaufe nostre iour,
Et qu'on n'ose sortir du familier seiour,
De peur que trop au vif le visage il nous touche,
Quel plaisir reçoit on de s'arrozer la bouche
Auecq quelque bon vin meslé parmy de l'eau,
Pour se desalterant n'alterer le cerueau ?

Et quand l'Autonne arriue, & qu'on veoid sur la treille,
L'esclat delicieux d'une grappe vermeille,
Quel esclat de rubis tant fust il de valeur,
Vouldroit on égaller à sa belle couleur ?

Quand le petit enfant, en sa tendre ieunesse,
Sent dedans ses espritz quelque lente foiblesse,
On le faict reuenir par le vin seulement.
Le vin sert à l'enfant & de nourrissement,
Et d'un soustien encor, qui les membre conforte,
Et qui croit la chaleur en son ame peu forte.
Aussi quand l'homme arriue en son eage parfait,
Il ne faict sans le vin iamais un bon effect,
Et seul le vin luy sert de soustien, & defense.
Et quand l'homme vieillard à radoter commence,
Et qu'il veoid ia la mort de pres le talonner
Que peult on que du vin pour confort luy donner ?
La seule odeur du vin de la tombe le tire,
Et faict que decrepit il ayme encor à rire.
Bref en toutes saisons il nourrit nostre corps,

*Il tient en paix en nous les discordans acordz,
Il chasse nostre crainte & croist nostre courage,
Il chasse la paresse, & fait bien dauantage,
Car d'une sainte force il fait veoir à noz yeux
Les poles, les cerceaux, & les Astres des cieux,
Il faict veoir de Phebus la flambante carriere,
Il faict veoir de Phebé l'inconstante lumiere,
Les douleurs d'Orion, l'extrême ardeur du chien,
Et les deux plains tonneaux & de mal & de bien.
Il nous conduict aux montz où les Muses habitent,
Et où mille beaux vers par cueur elles recitent,
Il nous faict caroller avecq elles au son
Ou du luth de leur Frere, ou de quelque chanson.*

*O vieil harpeur Gregeois ! que sept villes approuuent
Pour leur cher nourrisson, tant grand elles te trouuent,
Tu sçaiç que vault le vin, car il t'accompagnoit,
Et ta carte & tes vers bien souuent il teignoit,
Quand tu faisois rougir les vndes de Sca mandre,
Du sang des filz de Troye ains qu'elle fut en cendre,
Et quand rompant de nuict la besoigne du iour,
Penelope attendoit d'Vlysse le retour.*

*Aussi c'est la raison qui t'a faict, Pere libre,
De pampre & de l'yerre enuironner son liure,
Comme estant l'ornement de tes propres cheveux.*

*Je te salue Pere, & te dresse mes vœux,
Enfant que Iupiter eust iadis de Semele,
Je te saluë encor d'une autre ardeur nouvelle
Euan, Iâch, Bacchus, Bromien, Lyéan,
Thyonée aux beaux yeux, Thebain, Victylean,
Et de ce verre plain, deuot en ton seruice,*

*Le m'en vaiꝝ commencer vn nouueau sacrifice,
Auecques mon Ronsard l'honneur du Vendosmois,
Pour ioindre à cest honneur, l'honneur du Quercinois,
Fauorise nous doncq, & de pampre façonne
Pour chacun de nous deux vne belle coronne.*

A BACCHVS ENCORE,

POVR PVNIR VN GOVRMANT

De raisins.

ODE.

TOY, qui iadis d'un puissant bras
Feiz si bien tresbucher à bas
Les Geantz enfans de la terre,
Allors qu'en eschellant les cieux,
Ilz osoient encontre les Dieux
Commencer de faire la guerre:

*Toy diz ie pere Lempnien,
Enfant du grand Saturnien,*

*Qui d'une puissance indomtée
As si bien vengé de ta main,
Le tort l'oultrage & le dedain
Que t'ont fait Lycurgue & Panthée :*

*Toy dis ie encore Dieu puyssant,
Toy Dieu vengeur & punissant,
Qui as dompté l'Inde & le Gange,
Venge nous de ce vieil Breton,
Qui de iour & de nuit glouton
Hume toute nostre vendenge.*

*Car encore que les raisins
Ne soyent en ces coustaux voisins
De toutz poinctz meurs, & que l'Automne
Ne les ait du tout colorez,
Le gourmand les a deuorez
Et se rid quand on s'en estonne.*

*Celenon, ny ses seurs aussi,
N'eust tel goufier que cettuy cy,
Qui toutes noz vignes deuore :
Et quand l'Orque retourneroit
Qui tant de vierges deuoroit,
Tel goufier il n'auroit encore.*

*Escarte doncq, Pere vengeur,
Cest insatiable vendengeur,
Et nous deffendz de sa grand gueule,*

*Car autrement ton fruit divin
Nous sera vain, & nous sans vin
Ne boirons que l'eau toute seule.*

VOEV A PAN.

NAGVERE *cerchant dans ces boys
Vn cheureau que perdu i'auois,
Le veiz vne bische cachée
Dans vn buysson demy couchée:
Parquoy ie prins mon arc soubdain,
Et tirant vn trait inhumain,
La beste i'ataignis de sorte
Qu'aussi tost elle tomba morte.
Et lors ie m'encourus pour veoir
Le coup qui l'auoit faicte cheoir,
Et trouuay deux fans deffouz elle,
Tenans chacun vne mammelle,
Et tous deux comme neige blancz,
Fors quilz auoient taschez les flancz
D'une petite tasche grise,
Certain augure de ma prise:
Car ie les mis le lendemain
Dans vn panier faict de ma main,
Et m'en allay avecq l'Aurore,
En faire vn present à ma Flore,*

*Le porte brandon de Cypris,
Pour aultant que d'un filet gris
Et d'un blanc elle entortillonne
Tous les bouquetz qu'elle me donne.
Depuys ayant faict escorcher
Et faict roustir toute la cher,
Auecq de bon vin que i'appreste
A mes compaings i'en feiz la feste.
Ore en ta faueur, ô Dieu Pan,
Sur ceste arbre esbranché i'appen'
Le chef & la peau de la beste,
Pour t'honorer de ma conqueste.*

VOEV A PALES.

POUR auoir en ceste prée,
A toy Pales consacrée,
Folastre deux ou trois fois,
Deux ou trois iours de ce moys,
Auecq ma Nymphette gaye,
Tandis que sur ceste haye
Cent petitz oyseaux chantoient
L'aise auquel ilz nous sentoient,
Ie te dresse, ma Déesse,
Ma Déesse, ie te dresse
Sur ces quatre gazonz verdz,

*De nouvelle herbe couuertz,
Vn petit autel de terre
Tapiſſé de verd lierre :
Et ces rozes, & ces liz,
Que i'ay naguere cueilliꝝ,
Sainte Pales, ie te donne
Pour t'en faire vne coronne.*

VOEV A BACCHVS.

I*E te ſucre, filz de Semele,
En ces beaux vignobles pamprez,
Cette belle treille nouvelle
Couuerte de raiſins pourprez,*

*Afin ô Pere, que tu gardes
Ces autres ceps & ces raiſins :
Et non pas des cheures rongeardes,
Ny des vieux ſatires voiſins,*

*Non pas de la tempeſte encore,
Qui peult les vins endommager,
Mais du Breton qui les deuore
Ains qu'il ſoit temps de vendenger,*

*Car il peult faire du dommage
Plus en vn iour, qu'en vingt ſuyuans,
N'en feroient ne cheure ſauuage,
Satyre, ne greſle, ne ventz.*

VOEV A MERCVRE.

O Dieu des Dieux le messager,
Dieu trucheman, Dieu voyager,
Qui l'esprit des hommes esueille,
Et qui les endors à ton gré,
Faisant de ton sceptre sacré
Cent mille plus belles merueilles,

Si tu faiç qu'au partir d'icy
l'aille sans cheoir iusqu'en Quercy,
Et que de Quercy ie reuienne,
Sans cheoir & sans me faire mal,
Ne montant iamais sur cheual
Dont quelque dommage m'aduienne,

Si tu le faiç, ie te donray,
Desque de retour ie seray,
Mon fouet, & mon escharpe grise,
Mon caban long iusqu'aux talons,
Mes bottes & mes esperons,
Mon coyffinet & ma valise.



VOEV A VENVS.

Si par toy, fille de la mer,
Mere du Dieu qui faict aymer,
Déesse qu'en Cypre on adore,
Et Royne du tiers de noz cieux,
Qui es la volupté des Dieux,
Et celle des hommes encore :

Si par toy, Royne, ie puis veoir,
Veoir & auoir en mon pouoir,
Ma douce maistresse si belle,
La baisant quand il me plaira,
Et lors que bon me semblera
Couchant encore avecques elle :

Ie n'iray deffus ton autel
Honnorant ton nom immortel,
Aporter vn grand sacrifice,
Ny ne m'amuseray encor,
Sur de grandes colomnes d'or
Te bastir vn grand edifice.

Mais bien i'iray à ton honneur,
Si par toy i'ay tant de bon heur,

*T'apporter des rozes nouvelles,
Des ailletz freschement cueilliꝝ,
Des marguerites, & des lis
Avec vn pair de Colombelles.*

A SA DEMEVRE

Des champs.

ODE.

PETIT iardin, petite plaine,
Petit boys, petite fontaine,
Et petitꝝ coustaux d'alentour,
Qui voyez mon estre si libre,
Combien serois ie heureux de viure,
Et mourir en vostre seiour !

Bien que voz fleurs, voz bledꝝ, voz arbres,
Et voz eaux ne soyent pres des marbres,
Ny des palays audacieux,
Tel plaisir pourtant i'y retire,
Que mon heur si ie l'ose dire
Ie ne voudroy quicster aux Dieux :

*Car ou soit qu'un liure ie tienne,
Ou qu'en refusant il me souuienne
Des yeux qui m'enflamment le sein,
Ou qu'en chantant ie me promeine,
Toute sorte de dure peine,
Et d'ennuy me laisse soubdain.*

*Toutesfois il fault que ie parte,
Et fault qu'en partant ie m'escarte
De voz solitaires destours,
Pour aller en pays estrange,
Souz l'esper de quelque louenge,
Malement trauailler mes iours.*

*O chaste vierge Delienne,
De ces montaignes gardienne,
Si i'ay tousiours paré ton dos,
D'arc, de carquois & de sagettes,
Couronnant ton chef de fleurettes,
Et sonnant sans cesse ton loz,*

*Fais que long temps ie ne seiourne,
Ainçois que bien tost ie retourne
En ces lieux à toy dediez,
Revoir de tes Nymphes la bande,
Afin qu'en ces autelz i'appende
Mille autres hymnes à tes piedz.*

*Mais soit qu'encore ie reuienne
Ou que bien loing on me retienne,*

*Il me refouuiendra toufiour,
De ce iardin, de cefte plaine,
De ce boys, de cefte fontaine,
Et de ces couftaux d'alentour.*

A MICHEL DE MAGNY,

Son pere, mourant.

ODE.

T*u as vefcu, mon pere cher,
Sans qu'on te puyffe reprocher
D'auoir eſté pauure, ne riche,
Ny d'auoir ton temps deſpendu,
Qu'aux lettres aſſez entendu,
Sans eſtre n'auare, ne chiche.*

*De nulle ambition ſurpris,
Sain du corps, & plus des eſpritz,
Pourueu d'yne charge honnorable,
Conſtant en ton aduerſité,
Modeste en ta felicité,
Et toufiours aux tiens ſecourable.*

*Maintenant tu t'en vas aux cieux,
Gouster l'heur que donnent les Dieux,
Va doncq', mon cher pere, y reuiure,
Et faiç pour ton filz garentir
Des travaux qu'il pourroit sentir,
Que bien tost il t'y puyffe suyure.*

SVR LE TOMBEAV DE MARGVERITE

De Parra, sa mere.

ODE.

MVSES laissez vostre coupeau,
Pour assister sur ce tombeau,
A la complainte trop amere
Que ie faiç de ma chere mere,
Ainsi qu'il vous pleust assister
Muses, à sa plainte profonde,
Quand son heure vint d'enfanter,
Et que ie deuz entrer au monde.

*Et ne dedaignez ceste fois
D'accorder voz sons à ma voix,*

*Comme elle viuante en ces places
N'a iamais dedaigné voꝝ graces,
Car soubdain que ie sceuz parler,
Elle pour plus heureux me rendre,
Me fit aux estudes aller,
Pour les douces lettres apprendre.*

*Et tant eust de soing de me veoir
Profiter en vostre sçauoir,
Que mille fois en sa presence,
Pour auoir quelque cognoissance
De ceila que i'auoys appris,
Elle me le faisoit relire,
Ou, pour exercer mes espritꝝ
Par cueur me le faisoit redire.*

*Et tandis qu'elle m'escoutait,
De sa pochette elle gettoit
Quelque poire ou quelque cerise,
Pour me nourrir en mignardise.
Puis à mon maistre deffendoit
Me faire nul traictement rude,
Et par ce moyen me rendoit
L'esprit plus ardent à l'estude.*

*Maintenant pour recompencer
Le soing qu'elle eust de m'auancer,
Et pour le regret que ie porte
De ce que si tost elle est morte,
L'espens sur sa tombe ces fleurs,*

*Maint bel œillet, & mainte roze,
Et de ce lait, & de ces pleurs
Tefmoins de mon dueil ie l'arrose.*

A FRANCOIS PESLOE,

Sur la mort d'une sienne sœur.

ODE.

SON pouuoit par pleurs & par plainctes
Quand les personnes sont estainctes,
Hors du tombeau les retirer,
Ranimant leur terrestre masse,
Je voudrois quand quelcun trespasse
Qu'on ne fist que plaindre & pleurer.

Mais puis que sans esgard la Parque
Nous gecte en l'infemale barque,
Pour passer le fleuve oublieux,
Sans espoir que plus on reuienne,
Il fault sans plus qu'on se souuienne
Que les Dieux font tout pour le mieux.

*La doncq', resouldz toy & t'effuye
De cette larmoyante pluye,
N'estriuant encontre le ciel:
Et pense que c'est la coustume,
Que tousiours apres l'amertume
Plus doux on sauoure le miel.*

*Ta sœur acheuant fortunée
Tout le cours de sa destinée,
S'en monte maintenant la hault,
Où de nulle angoisse suyuie,
Elle va commencer la vie
Dont le bien iamais ne deffault.*

*Nous auons le froid sur la terre,
Et le chault qui nous faict la guerre,
Tantost la pluye, & le beau temps:
Mais aux lieux ausquelz à cette heure
Ta sœur va faire sa demeure,
On ne veoid iamais qu'un printems.*

*Tousiours la saison y est vne,
Et tousiours le Soleil, la Lune,
Et les Astres y sont tous vns:
Mesmes de fruidz & fleurs les plaines,
Y sont tousiours largement pleines,
Et les biens y sont tous communs.*

*Si doncq quand l'esprit abandonne
Le pauvre corps d'une personne,*

*La personne abandonne aussi
Toutes ces miseres molestes,
Pour aller entre les celestes
Viure sans peine & sans soucy.*

*C'est mal fait, s'il aduient qu'on meure,
Que le mort on souspire & pleure,
Quand il part d'un si pauvre lieu :
Viurons donc, & quoy qu'il aduienne,
Suyuons d'une adresse crestienne
La sainte volunté de Dieu.*

SVR LA MORT DE MELLIN

De Saint Gelay.

ODE.

CVPIDON de trop grand ennuy
En plourant son honneur deplore,
Et Venus plourant comme luy,
Comme luy se deplore encore,

*Sans cesse cest ennuy sentant,
Et plourant encore sans cesse,
Mesmes sans cesse lamentant
L'object de leur griefue tristesse.*

*De l'un les brandons sont esteintz,
De l'autre le carquoys est vuyde,
Mais de mesme douleur atainctz
Ilz ont de pleurz la face humide.*

*Soit que Phebus se leue aux cieux,
Ou soit qu'en la mer il se couche,
Mille pleurs sortent de leurs yeux,
Et mille plainctes de leur bouche.*

*Le fiel leur semble ore estre doux,
Et le doux leur semble amertume,
La paix leur semble ore courroux,
Et glaçons ce qui nous alume.*

*Ilz n'ont repos ne iour ne nuit,
Et n'ont nul plaisir qui leur plaise,
Que le desplaisir qui les fuyt,
Pour les plonger en ce malaise.*

*Naguiere plourant leurs malheurs,
Pallas qui suruint dauanture,
S'enquit qui leur causoit ces pleurs,
Et ceste complaincte si dure.*

*Cesse dict Amour de tenter,
Cesse de tenter Vierge sage,
Qui me meult de tant lamenter,
Et baigner de pleurs le visage.*

*Et te ressentant de l'esmoy,
Qui faict que iustement ie pleure,
Pleure Déesse, avecques moy,
Pleure iustement à ceste heure.*

*Et vous Muses, pleurez aussi,
Pleurez encor Graces si belles,
Et venez vous Nymphes d'icy,
Pleurer encore avecques elles.*

*Mellin vostre plus grand honneur,
Mellin nostre plus grande gloire,
Mellin nostre commun bon heur,
Est en bas sur la riue noyre.*

*De dire plus oultre son nom,
Et son sçauoir & son merite,
Et ses vertuz & son renom,
Ce seroit chose trop redicte.*



DE LA CONDITION

DE LA VIE DES HOMMES.

A Ian Castin.

ODE.

MON Castin, quand i'apperçois
Ces grans arbres dans ces boys,
Despouillez de leur parure,
Ie rauasse à la verdure
Qui ne dure que six mois.

Puis ie pense à nostre vie,
Si malement asseruie,
Quel' n'a presque le loisir
De choisir quelque plaisir
Qu'elle ne nous soit rauie.

Nous semblons à l'arbre verd,
Qui demeure vn temps couuert

*De mainte feuille nayfue,
Puis deç que l'hyuer arriue
Toutes ses feuilles il perd.*

*Ce pendant que la ieunesse
Nous respand de sa richesse,
Toufiours gays nous florissons
Mais soubdain nous flettrifions
Affailliz de la vieillesse.*

*Car ce vieil faucheur, ce Temps,
Qui deuore ses enfans,
Ayant aisé noz années,
Les faict voler empannées
Plustost que les mêmes ventz.*

*Doncques tandis que nous sommes,
Mon Castin, entre les hommes,
N'ayons que nostre aise cher,
Sans aller la hault cercher
Tant de feuz & tant d'atomes.*

*Quelque fois il fault mourir,
Et si quelcun peult guerir
Quelque fois de quelque peine,
En fin son attente vaine
Ne sçait plus où recourir.*

*L'esperance est trop mauuaise
Allons doncques souz la braizé*

*Cacher ces marrons si beaux,
Et de ces bons vins nouveaux
Appaisons nostre mesaise,*

*Aisant ainsi nostre cueur,
Le petit Archer vainqueur
Nous viendra dans la memoire,
• Car sans le manger & boyre
• Son traict n'a poinct de vigueur.*

*Puys avecq' noz Nymphes gayes
Nous irons guerir les playes,
Qu'il nous fist dedans le flanc,
Lors qu'au bord de cest estang
Nous danfions en ces saulayes.*

*Quand d'aymer ie cesseray
Vieil & foible ie seray,
Et c'est pourquoy ie desire
Que la mort d'icy me tire
Soubdain que i'enuieilliray.*

*Car ayant perdu la grace,
Et portant cresppe la face,
On est dedaigné tousiours,
Et vault mieux finir ses iours
Dez que la ieunesse passe.*



A IAQVES GUYON.

ODE.

CE iourduhy tandis que l'Aurore,
Tithon estant au liét encore,
Le ciel des Indes esmailloit,
Et que souz le fraiz de ses rozes
Au souuenir de mille choses
Mon esprit vague trauailloit,

La promesse que ie t'ay faicte,
Se voulant descouurir parfaicte,
M'a renflammé d'un doux desir,
Et m'a faict décrocher ma lyre,
Pour dessus ses cordes élire
Ces vers, compagnons du plaisir.

Les biens, Guyon, & la richesse,
Qui font haulser la petiteſſe,
Se peuuent auoir en tout temps,
Mais non pas vne amytié ferme,
Qui n'a borné d'un prochain terme
Ses effectz rares & constans.

*Les rayons d'une amitié sainte,
Offusquent la personne feinte,
Et la font honteuse à jamais,
Toutesfois ie ne doy point craindre
Qu'ilz puyssent nullement estaindre
L'amitié que ie te promet.*

*Car elle est si clairement seure,
Qu'il n'est possible qu'elle meure,
Ny s'obscurisse tant soit peu,
Aussi le ciel l'a faite naistre
Et veult par tout faire apparoitre
Les clartez de son premier feu.*

*Reçoy la Guyon, & me paye
D'une bien vueillance aussi vraye,
Qui n'ait peur des ans voyageurs
Ny de la mort qui tout moissonne,
Afin qu'une Ode ie fasse
Pour la mander aux estrangers.*

*Tandis puis que l'heure subite
Ton deslogement precipite,
Adieu, Guyon, iusqu'au reuoir:
Tu t'en vas esloigné d'enuye,
Cerchant le repos de ta vie
Cueillir les fruitz de ton espoir.*

*Tu t'en vas heureux, & me laisses
Au milieu de mille tristesses,*

*Malheureusement combatu,
Toujours pincé de la tenaille
De ceste enuyeuse canaille
Qui ne hait rien que la vertu.*

SVR LA MORT D'VN PETIT CHIEN.

ODE.

MUSE du ciel, Muse m'amyé,
Muse qui sembles endormie,
N'oys tu point le chant si diuin,
Le chant du diuin Angeuin,
De l'Angeuin que tant i'honnore,
Qui la mort de Ploton deplore,
Ploton ce petit chien poly,
Des petitz chiens le plus ioly !
La doncq, Muse l'heur de ma vie,
Puys qu'à chanter il nous conuie,
Reueillons nous, chassons l'ennuy,
Et plaignons Ploton avecq luy.

*La main de la sage nature
Meit iadis son art & sa cure*

Pour le faire beau de tout poinct,
Et d'un grasselet en bon poinct,
D'un poil aussi blanc qu'une hermine,
Taché de noir dessus l'eschine,
D'un nez dans le chef enfoncé,
D'un ail hors du chef repoussé,
D'une alaine douce & plaisante,
D'une dent aussi reluisante
Comme une perle d'orient,
D'un petit musequin friand,
D'une oreille pendante & basse,
Et d'une fretillante grace,
Telles qu'on l'eust sçeu desirer,
Elle le fait pour l'admirer.

Et ne voulant que son ouvrage,
Reçeut çabas moins d'avantage
Qu'il en auoit reçu des Dieux,
D'elle, des Astres, & des cieux,
Aussi tost qu'elle l'eust fait naistre,
Il eust un grand Seigneur pour maistre :
Si que Pluton fut en son temps
D'un grand Seigneur le passetemps,
Et fut en sa forme indicible
Le plus beau chien qu'il est possible.
» Mais quoy ? nostre contentement
» Ne dure iamais longuement,
» Et volontiers la chose exquise
» Par la mort est bien tost conquise.

Ploton, & de nuit & de iour,
Estoit de son maistre alentour,
Et iamais ne print plaisir d'estre
Aupres d'un autre que son maistre.
Et soit que son maistre veillast,
Qu'il repeust ou qu'il sommeillast,
Cette beste de sens pourueüe
Iamais ne le perdoit de veüe.
Et eust bien le petit Ploton
En son viuant l'esprit si bon,
Et plain de telle cognoissance,
Que si quelcun en sa presence
Parloit à son maistre pour bien,
Le petit chien ne disoit rien:
Mais s'il luy trauailloit la teste,
De quelque importune requeste,
Ploton en aboyant alors
Le contraignoit d'aller dehors,
Et sa guerre oncques n'estoit morte,
Qu'il ne l'eust faict passer la porte.

Ploton couroit, Ploton sautoit,
Ploton iamais ne s'arrestoit
Lors que son maistre estoit bien ayse:
Mais s'une nouvelle mauuaise,
Ou si quelque autre empeschement,
Luy occupoit l'entendement,
Ploton comme vne sage beste,
Iamais à nul ne faisoit feste:
Ainçois comme attainct d'un grand soing,

*S'alloit cacher en quelque coing,
Et là bellement sans mot dire
Attendoit qu'il fut temps de rire,
Puys soudain que venoit ce temps
Il redoubloit ses passetemps.*

*Ploton en son amour extreme,
Aymoyt Monsieur mieux que soy mesme,
Et Monsieur, Ploton aymoit mieux,
Qu'il ne faisoit l'un de ses yeux,
Et si l'un estimé doit estre
Heureux pour avoir un tel maistre,
L'autre le doit estre aussi bien
Pour avoir un tel petit chien,
Qui vault qu'une tombe on luy donne
Comme on fit au chien d'Hyppamone.*

*Ploton ne mangea iamais cher,
Ny n'en voulust iamais toucher
Ayant cognoissance certaine
Qu'aux chiens elle gaste l'aleine :
Mais bien de miettes de pain
Qu'il prenoit de la seule main
De son maistre, & de belle eau claire,
Ploton faisoit son ordinaire.*

*Ploton qui avoit ce bon heur
De dormir pres de son seigneur,
Comme faueur bien desservie,
N'attendit iamais de sa vie
Qu'il eust la peine de crier
Pour faire leuer un chambrier :
Car deç que l'aulbe estoit leuée,*

*La petite beste priuée,
Pour le chambrier faire leuer,
S'en alloit au liēt le treuer,
Et là de sa petite patte,
Et de sa bouche delicate,
Grondoit si bien & fretilloit,
Que le chambrier s'en esueilloit,
Et soudain s'en alloit remettre
A faire seruice à son maistre.*

*Ploton si son maistre escriuoit,
Guettoit quand quelcun arriuoit,
Qu'en faignant quelque chose dire
Son escripture il ne vint lire.*

*Ploton comme vn oiseau voloit,
Allors que son maistre vouloit
Que quelque chose il allast prendre
Qu'il gettoit bas pour la luy rendre.*

*Ploton n'estoit poinct paresseux,
Ny sorty de race de ceux
Qui iadis leur malheureux maistre
Firent mourir sans le cognoistre.
Ploton estoit plain de douceur,
Mais Ploton n'estoit poinct chasseur,
Et ny par vaulx, ny par montaignes,
Ny par forestz, ny par campagnes,
Ne couroit pas fort voluntiers
Après cerfz, lieures, ou sangliers.*

*Ploton auoit plus de notice
Que le chien qui cogneust Vlysse*

*Vingt ans apres le sac Troyen.
Ploton n'estoit pas vn grand chien
Comme ces dogues d'Angleterre,
Car il ne faisoit point la guerre,
Fumant de bouche & de naseaux,
Deuant les Princes aux toreaux :
Mais de petite & belle taille
Ploton faisoit vne bataille
Contre vne souris, beaucoup mieux
Que le dogue plus furieux.*

*Ploton n'auoit point tant de ruzé
Qu'en eust la chienne d'Arethuse,
Qui sa mairesse delectoit
Quand son espoux absent estoit.
Ploton de sens ie parangonne,
Au chien qui iadis Erygone
Conduisist au lieu seurement,
Auquel fut miserablement
Par des gens champestres rauie
De son pere Icare la vie.*

*Ploton fut doux comme vn aigneau,
Ploton fut gay comme vn moyneau,
Simple comme vne Collombelle,
Loyal comme vne tourterelle,
Friand comme vn rat foleton,
Mignard comme vn petit chaton,
Bref Ploton fut plus agreable,
Plus fretillard, plus amyable,
Plus benin, plus obeyssant,
Plus aduisé, plus cognoissant,*

Plus vigilant & plus habille,
Et de nature plus gentille,
Et plus digne d'en dire bien,
Que ne fut iamais petit chien.
Mais quoy ? cette parque felonne,
Qui iamais n'espargne personne,
Ialouse de veoir noz esbatz
Nous l'a faict descendre là bas.
Cette lice, cette execrable,
Cette Parque tant miserable,
Despite de nous veoir contens,
Nous a rauy noz passetemps.
Cette Parque, cette bourrelle,
Cette mort meschante & cruelle,
Ministre du Prince Pluton,
A tué le petit Ploton :
Le petit Ploton delectable,
Le gentil Ploton souhaitable,
Le ioly Ploton qui n'auoit
Rien d'imparfaict quand il viuoit.

Comme vne bonne mesnagere,
Qui son fil d'une main legere
Deuide de iour & de nuict,
Et tant son ouurage poursuiet
Que du ploton qu'elle deuide
En fin sa main demeure vuide,
Et son ouurage tout entier,
Fors que d'un petit de papier
Que dedans on entortillonne

*Afin que mieux il se façonne :
Ainsi quand le fil de tes iours
Ploton a eu finy ton cours,
Et que ta vie ainsi guidée
A esté toute dévidée,
Tu es mort, tu es mort, hélas !
Sans laisser rien à ton trespas
Qu'un papier que Bellay traße ores,
Et cettuy que ie traße encores,
Que ie me prometx estre tel
Qu'il te pourra faire immortel.*

*Va doncq passer ame benigne,
Digne d'estre au ciel vn beau signe,
Va doncq ame de petit chien
Passer le fleuve Stygien :
Suyuant Mercure qui te guide
Aupres du perroquet d'Ouide,
Et du beau petit passereau
Dont Catulle a faict le tombeau.
Et si ces vers que ie compose
Meritent de toy quelque chose,
Ie te supply que quand la mort
M'enuoyrra là bas sur le port,
Pour ma dernière residence,
Ie te suppli qu'en recompense
De ce que ie chante de toy,
Tu t'en viennes aupres de moy,
D'une nompareille allegresse
Sautelant me faire caresse :*

*Afin que l'ennuy qui me point
Là bas ne me tormente point,
Et que ta gaillardise viue
Garde que mon mal ne me suyue,
Et que vif & mort langoureux
Je ne soys tousiours malheureux.*

A IAQVES DE TOVTEINS.

ODE.

AVTANT que de maulx on espreue
Nous tourmentant diuersement,
Autant de remedes on treuve
Pour nous donner allegement,
Ayant pour soy chascune nation
Remede propre à son affliction.

Celluy qui naist en Alemaigne
Enyure ses plus grandz malheurs,
Et celluy qui naist en Espaigne
Pleure ses plus grandes douleurs,
L'Italien tous ses ennuy's endort,
Et le François chante son desconfort.

*Si vray doncq est le commun dire,
 Je suis Tuscan ou Allemand,
 Par ce que tousiours mon martire
 Le passe en beuuant, ou dormant :
 Et quand ie dors, ou tousiours quand ie boy,
 Tous mes ennuy s'en vollent loing de moy.*

*Que deormais doncq on me loue
 Ce peuple que ie tiens si cher.
 Car d'estre des fiens ie m'aduoue,
 Quand ie me voudray desfacher :
 Et deormais si tu m'en croys aussi
 Mõn cher Touteins tu feras tout ainfi.*

A GVILLAVME DV BVYS.

ODE.

POUR garder que le plaisir
 Qui nous vient ore sayfir,
 De long temps ne nous eschappe,
 Du Buys, fais porter la nappe,
 Et dresser viste à manger,

*Tandis ie vaiꝝ arranger
Deça & de la Catulle,
Properce, Ouide, & Tibulle,
Dessus la table espendus,
Entre les lucꝝ bien tendus,
Et les lucꝝ entre les roꝝes,
Et les roꝝes my declofes
Entre les œilletꝝ fleuriz,
Les œilletꝝ entre les liꝝ,
Et les liꝝ entre les tasses,
Parmy les vaiſſelles graſſes.*

*La mort, peult eſtre, demain
Viendra prendre par la main
Le plus gay de ceſte troupe,
Pour l'enleuer ſur ſa croupe
Luy diſant à l'impourueu
Sus gallant, c'eſt aſſez beu,
Il eſt temps de venir boire
Aux enfers de l'onde noire.*



A NICOLAS DENISOT,

Conte d'Alfinoys.

ODE.

S le ciel borne le cours
De noz iours,
D'une tombe si prochaine,
Vault il pas mieux viure ainfi
Sans foucy,
Chassant l'angoisse & la peine?

*Le Soleil meurt bien aux cieux,
Et noz yeux
Priue au soir de sa lumiere,
Puys au matin ensuiuant,
Reuiuant,
Nous rend sa clarté premiere.*

*Mais deç qu'une fois là bas
Le trespas*

*Nous a faict ombres descendre,
De venir encor reueoir
Ce manoir,
Il ne nous fault plus attendre.*

*Car d'un asseuré destin
Tout prend fin,
Et rien ferme ne seiourne,
Mesmes le temps qui nous fuyt,
Quand il fuyt,
Iamais plus il ne retourne.*

*Je ne parle mal appris,
Des espritz
Dont immortelle est l'essence,
D'une si mauldite erreur,
Ma fureur
Ne cherche la cognoissance.*

*Tel s'est auancé la mort,
Peu acort,
Pour estre d'ennuy deliure,
Qui mort ores n'estant rien,
Voudroit bien
Reuenir encore viure.*

*Mesmes Achille voudroit,
A bon droit,
Plustost reuiure sans gloire,
Et n'estre qu'un laboureur,*

*Qu'empereur,
La bas sur la riue noire.*

*La doncq' tandis que le cours
De noz iours
Haste le train de noz vies,
Prenons garde qu'en nul temps,
Mal contens,
Elles ne nous soyent rauies.*

*Tout le bien & le bon heur,
Et l'honneur,
Que plus grand on doyue croire,
C'est méprisant le trespas
Qu'au repas
On n'ait soucy que de boyre.*

*Au printems oyons la voix,
Dans les boys
De la gaye Philomelle,
Puis donnons deffus le verd
Au couuert,
La cotte verte à la belle.*

*En esté souz vn sapin,
Ou vn pin,
Au bord de quelque fontaine,
Folastrons & plaisantons,
Et chantons,
Auecq la bouteille pleine.*

*Mais en ce temps gardons bien
Que le chien,
Qui l'extreme chault apporte,
Pour trop excessifz nous veoir,
Nous fit cheoir
Deuant l'infernale porte.*

*Car nostre cueur ne doit point
Estre espoinct
D'autre desir que de viure,
Et viuant ne doit penser,
Sans cesser,
Qu'à viure content & libre.*

*Quand l'Automne vient vers nous,
Le vin doux
Caressons & la chastaigne:
Ayant apres auoir beu,
Pres du feu,
La belle & gaye compaignie.*

*Pour faire dessus l'amour,
A son tour,
Quelque gaillarde saillie,
Afin que noz ieunes gens,
Soient exemptz
De toute melancolie.*

*Puys quand nous verrons l'hyuer
Arriuer,*

*Ayons la table couuerte,
D'instrumentz bien accordez,
Et de dez,
Pour ne faire pas grand' perte.*

*Et ne laissons le tablier
Oublier,
Ny la paulme quand il gelle,
Ny les plus diuins auteurs,
Descripteurs
De l'amour qui nous martelle.*

*Mais pour nous esleuer mieulx
Dans les cieulx
Par quelque-chose plus belle
Allons veoir de tes portraitz
Les beaux traictz,
Dignes d'un second Apelle:*

*Et voyons les traictz diuers
De tes vers,
Dignes du loz des antiques,
Mesmes ie te pry lisons,
Et disons
Quelques vns de tes cantiques.*

*Par les œuures que tu fais
Si parfaictz,
Sur la table & sur le liure,*

*Tu t'es fait maugré la mort,
Assez fort
Pour eternellement viure.*

*Faisant ce que ie diz or',
Et encor
Prenant le temps comme il passe, ,
Sans nous estonner de rien,
Mal, ou bien,
Tort, ou droit, que lon nous face.*

*Nous viurons heureusement,
Longuement,
Sans soupçon & sans enuie :
Puis quand en bas nous irons,
Nous serons
En yne meilleure vie.*



DISCOVRS EN INCONSTANCE D'AMOUR,

A FRANÇOIS DE CHARBONIER.

I'AY grand desir de rire,
Sans vn cruel martire,
Qui dans mon cueur naissant,
Comme vn loup rauissant
M'a tousiours en sa gueule.

La Taulpe seule
Aueugle ne naist pas.
I'ay gousté les apastz
Des histoires diuines,
Et grecques & latines :
Mais le sentier plus droit
Est tousiours plus estroit.

Dans mon sein croist
L'amitié d'une dame,
Qui réchaufe mon ame
De l'ardeur d'un beau feu.

I'en voy bien peu
Qui decouurent ma braise :

Dont ie suys aise,
Et de cest aise vain
L'emply mon sein
Souz les raiç de la lune.
La nef court bien fortun e
Sans trouuer des escueilz.

Mille cercueilz
On apreste à ma vie :
Mais l'ignorante enuye
Ne se sceut oncq fouler
De la vertu fouler.

Ie voys en l'air
Descendre bas vn fouldre,
Qui met en pouldre
Vn grand mont à trois chefz,
Tout couuert de meschefz,
Vengeant France & Itale
De ce Sardanapale,
Qui cinq ans tout de reng
A teint de sang
Et de vice & de guerre
Tout le siege de Pierre.

Mais trop enquerre
Et trop dire & vouloir,
Nous faict souvent douloir.

Le Loth, le Loir,
Et la Sofne, & la Seine,
Sçauent quelle est ma peine,
Et i'en sçay mieux l'auteur.

L'espoir flateur

Le bien & le mal trompe.

*Parquoy la pompe
Efface la Vertu
Et puys le mieux vestu
Tient la meilleure place,
Qui fait par son audace
Qu'il n'est iamais repris.*

*Je voy Cypris,
Auecq Ceres la belle,
Et le filz de Semelle,
Qui peste mesle
Auecq l'oisiuete,
Suyuent la volupté:*

*Dont tout gasté
Le monde, & tout seduit,
Autre chose ne suy.*

*Et s'en ensuyt
Que la sage Pallas,
Et le nepueu d'Athlas,
Sont en leurs laz*

*Tous prestz à tresbucher.
Mais i'ay beau me fascher,
Madame est tousiours fiere:*

*Bien que naguere
On m'ait donné le choix
De deux pauoys
Pour d'elle me defendre.
Laiſſons les Roys s'offendre:
Et laiſſons prendre
Le monde à toutes mains*

On en veoid maintz
Plus hault qu'ilz ne defferuent,
Et ceux la qui ne seruent
Aux vices, abaissez.

On veoid assez
Que des Dieux la vengeance
Attend la repentence :
Mais on ne veult pas veoir

Dans le miroir
De ceste vie humaine,

La mort certaine
Qui talonne noz pas.
Castor à son trespas
A gaigné que sa vie
N'est qu'à demy rauie.

Puis vn cheual a mis
Les Gregeois ennemis
Dans la ville de Troye :

Donnant en proye
Les gendarmes Troyens,
Et tous les citoyens,
Au Roy d'Ithaque Vlysse.

Rien que malice,
Erreur, ambition,
Seduction

Et tous vices en somme,
Ne se pratique à Romme.
Celluy seul est heureux
Qui d'estatz plantureux
Est amoureux,

*Jeune, disposé & riche
Et qui non chiche
Acquiert par ses presens
Des courtisans
La faueur inconstante :
Car s'il ne vente
Et qu'il face beau temps,
Ilz sont contentz
De le suyure à la trace.
Celluy n'est sans fallace
Quand il dechasse
Vn cauteleux espoir
Qui le veult deçeuoir.
Je vois Amour qui guide
Le iouuanceau d'Abyde,
Dans les flotz de la mer,
Pour s'abismier
Aupres de son espouse.
Je vois Iunon ialouse,
Qui fait changer en vache
L'heritiere d'Inache:
Voire qui tache
D'vn despit trop amer,
A transformer
Calyste en vne beste:
Je la vois en planette
Reluyre ores aux cieux.
Je voy le Roy des Dieux,
Dessouz forme incogneüe
Ores en nue,*

*Et ores en pucelle,
Et qui recelle
Maintenant en oiseau,
Maintenant en Toreau,
En nourrice, en Satyre,
Plain d'amoureux martire,
Et en forme d'un cygne
Sa magesté diuine :
Ie l'aperçois encor
En pluye d'or.
Mais le chien plus habille
Est vne beste vile :
Et l'homme encore plus
Dont ie concludz
Que la formis legere
Est bonne mesnagere.
Cette fougere
Est propre aux enchanteurs.
Et ces menteurs
Font tousiours bonne mine,
Puis on chemine
A sourcil descouuert.
Cest arbre verd
Aucun fruiet ne rapporte :
Et cette busche morte
Sert à faire du feu.
L'homme a bien peu
S'il n'a ce qu'il merite.
La Marguerite
Est vne belle fleur.*

Et la couleur
Qui plus fort me contente
Est la changeante,
Mais ie n'en puys auoir.
Le gris veult dire espoir,
Ou trauail ce me semble,
Mais tout est fol ensemble.
Dont vient qu'Amour ne meët
Cuyrasse, ny armët,
Ny en dos, ny en teste,
Pour faire vne conqueste.
I'en voy tel mal appris qui fuyt
Quand plus pour son bien on le fuyt.
Tel respond à qui ne l'apelle,
Et tel d'une glace eternelle
Se sent la poytrine enflammer
Pour trop aymer.
Puis le renard est fin,
Bien qu'il voye à la fin
Par son destin,
Maugré sa longue queue,
Sa finesse vaincue.
Ie l'ay perdue
Ma pauure liberté,
Cette fiere beaulté,
Le flambeau de ma vie,
Me l'a rauie
Et me fait estre ainfi
Solitaire & transi.
Voyla, Charbonier, voyla comme

*Ce pendant que ie suis à Romme,
Pensant à mes vieilles amours,
Ie faiç mille nouueaux discours,
En plus d'inconstante souffrance
Qu'à l'heure que i'estois en France.
Ore disant l'amour tout fiel,
Ore le maintenant tout miel,
Et disant qu'il me menasse ores,
Et soubdain qu'il me flatte encores,
Ores il m'ayde, ore il me nuyt,
Ore il me fuyt, ore il me fuyt,
Ore il me brusle, ore il m'englace,
Ore il m'appelle, ore il me chasse,
Ores il me promet du bien,
Ores il ne me promet rien,
Ore il s'en souuient & l'oublie,
Ores il m'estreint & deslie,
Et faisant mes desseins contens,
Me blesse & guerit en vn temps,
Ores en riz, ores en plainte,
Or' en assurance, or' en crainte,
En mes tenebres esclercy,
Il me fait demander mercy.
Ores il fait qu'un autre l'ayme
Pour me vouloir mal à moy mesme,
Ore il me louë expertement,
Ore il me blasme accortement,
Ore il me haulse, ore il m'abaisse,
Ore il me dedaigne & caresse,
Et fait qu'en mon affliction*

*Tout ainfi qu'un autre Ixion,
Je me fuys, me fuys & me tourne,
Et iamais content ne feiourne,
Ayant de rire un grand vouloir
Sans le mal qui me fait douloir.*

FIN DV TROISIESME LIVRE.



LE QVATRIESME LIVRE
DES
ODES D'OLIVIER DE MAGNY.

A LAVRENS D'AVANSON,

Seigneur de Vaulserres.

ODE.

JE ne suys point en peyne à qui donner ie doy
Ces nouuelles amours: car si ie pense à toy,
Qui as l'ame gentille, amoureuse & bien née,
Mon æuure proprement est à toy destinée.

C'est à toy proprement à qui ie la debuois,
Qui sçais tresbien iuger de tout ce que tu vois,
Ayant l'esprit appris en chacune science,
Et ayant de l'amour fait tant d'experience.

*A ces graues Seigneurs tous chargez de longs ans,
Il fault tousiours porter quelques graues presens :
Mais à ceux comme toy qui ont gay le courage,
Il fault faire des dons conuenans à leur age.*

*Si dans mon cabinet i'auoys des lingotz d'or
Ou quelque belle pierre, ou quelque autre tresor,
Ie t'en feroys present : mais quoy ? ma barque est fresle,
Et ne se charge point de marchandise telle.*

*Tous les plus grans tresors que i'ay en mon pouuoir,
Ce n'est qu'un peu de vers, & un peu de sçauoir,
Dont la Muse m'honnore, & dont quand il m'ennuye,
Ie fais le cler Soleil venir apres la pluye.*

*Quelquefois sur mon luth avecq un plus hault son
Ie diray à ton loz quelque belle chanson,
Pour faire que ton nom à iamais puisse viure,
Et tandis ie t'apporte & te donne mon liure.*

*Et bien que tu sois ore au camp de nostre Roy,
Entre les gens de bien faisant preuue de toy,
Ne dedaigne pourtant ces amours & ces larmes,
Veu que Mars mesmes ayme & si porte les armes.*

*Les armes & l'amour, ainsi que dict quelcun,
Ont en tous leurs effectz un naturel commun,
Et prise lon tousiours d'une bonne vaillance
Celluy qui pour l'amour donne un beau coup de lance.*

DE SA NOVELLE AMOVR,

à Iean d'Illiers.

ODE.

I'AVOY conclud en mes espritz
Que iamais l'enfant de Cypris
N'auroit plus sur moy de puyssance,
Et ia defia ie cognoissoy,
En mille lieux où ie passoy,
Combien valoit ma resistance :

*Mais ce Dieu deuenu moqueur
De la liberté de mon cueur,
Vint raillant me dire naguere,
Qu'il me feroit bien tost sentir
Si ie me pouuoy garentir
Du coup de sa fleche guerriere.*

*Et deslors ce petit Archer
Va secretelement se cacher
Dedans vn des yeux de Loyse,*

*D'où traistre il descocha sur moy
Le fier traict plain d'aise & d'esmoy,
Qui rompt si bien mon entreprise.*

*A dieu doncq' pauvre liberté:
Cest aueugle enfant irrité
Dequoy ie dedaignoy ses armes,
Comblant ma poytrine d'amour,
Me liure de nuict & de iour
Sans repos mille autres alarmes.*

DES QUALITEZ DE SON AMOVR,

à sa Dame.

ODE.

TES beaux yeux causent mon amour
Mon amour faict que ie desire,
Le desir m'ard & nuict & iour,
L'ardeur me donne vn grand martire,
Le martire faict que i'empire,
L'empirer me liure la mort,
Et toy qui ne faiz que t'en rire
Ne me daignes donner confort.

Soit que l'aulbe d'un front vermeil
Des Indes le iour nous apporte,
Soit que le renaissant Soleil
Ameine vne clarté plus forte,
Ou que la claire lune sorte
Pour venir de nuict luyre aux cieux,
Nulle clarté tant me conforte
Que la clarté de tes beaux yeux.

L'amour qui iadis enflammoit
Le diuin esprit de Catulle,
Ny cil qui Properce allumoit,
Ny celluy qui brulloit Tibulle,
Ny celluy dont ardoit Marulle,
Ne fut oncq plus grand que celluy,
Qui sans fin me poingt & me brulle,
M'emplissant d'un amer ennuy.

L'ardent desir qu'eust Menelas
De r'auoir son espouze Heleine,
Celluy dont le nepueu d'Athlas
Pour Herse eust la poytrine pleine,
Ny celluy qu'eust le filz d'Alcmene
Au pourchas de l'amoureux bien,
Tant leur ayt il donné de peine,
Ne fut oncq plus grand que le mien.

Le feu qui iadis consuma
Le grand Herculle, ou la grand Troye,
Ny cil que Didon aluma

*Se donnant aux vmbres en proye,
Ny celluy dont ore on guerroye
Pour mieux gagner loy de veinqueur,
Ne feut tel que cil qui foudroye
La liberté dedans mon cueur.*

*Le tourment que souffre Ixion,
Là bas en la troupe infernale,
Ny la felonnie affliction
Qu'endure le chetif Tantale
Ny cell' de Syfippe n'egalle,
Le mal que de nuict & de iour
Triste, affamé, pensif & palle
Le porte & souffre en ton amour,*

*Celluy qui chasque nuict passoit
Sans barque la mer pres d'Abyde,
Ny cettuy-la qui pourchassoit
Son vmbre dans l'onde liquide,
Ny cil qui d'un fer homicide
Souz un meurier s'occit d'esmoy,
N'ont suyui le Dieu qui nous guide
Là bas, plus volontiers que moy.*

*Heureux donc l'amour, & les yeux,
Et le desir dont ie m'alume,
Heureux le feu tant precieux,
Et le tourment qui me consume,
Heureuse encores l'amertume*

*De la mort que souffrir ie doy,
Puis que ta cruaulté presume
Que c'est le guerdon de ma foy.*

DES GRACES ET PERFECTIONS

DE S'AMYE,

à Ioachim du Bellay Angeuin.

ODE.

QVAND vn luth ma Nymfe manye,
La nouvelle & douce harmonie
Qu'elle esmeult d'vn doigt tresexpert,
Efface la gloire d'Albert.

Et quand la petite Brunette
Sur les marches d'une espinette
Fait retentir ses nouveaux sons,
Jean du Gay cede à ses chansons.

Ou quand vne fluste elle touche
Diuinement elle l'embouche,

*Et de ses passages rait
L'escoutant, comme Iean Daur.*

*S'elle de son estuy defferre
L'odorante & douce guyterre,
Aux longs fredons qu'ell' passera
Bernardin son ieu cessera.*

*Ou si d'un archet elle accorde
Quelque beau chant dessus la corde
D'un violon, aussi soubdain
Elle faict taire Iean Alain.*

*Mais outre ces graces parfaites
S'elle met rien en choses faictes,
Arcadelt ne peut refuser
Ce qu'il luy plaist de composer.*

*S'elle accorde avecq sa voix douce,
Les doubles fredons de son poulce,
Lambert bien qu'il hante les Roys,
Ne chante de plus belle voix.*

*Si d'aucune chose elle parle,
Elle a le langage de Carle,
Si du tout non si doctement,
Au moins aussi disertement.*

*Et s'il luy vient en fantaisie
De faire de la poésie,*

*Saingelays bien qu'il soit parfait,
Ne la fait point mieux qu'elle fait.*

*Ou bien si elle veut en prose
Discourir quelque belle chose,
Son discours elle fait si bien
Que Duthier l'aduouroit pour sien.*

*Et si sa prose elle desire,
Ou ses vers de sa main escrire,
Ell' passe escriuant de ses doigtz
La main du Conte d'Alfinois.*

*Si homme ou Dieu elle veut peindre,
De tant que Nature on peut feindre,
Si bien la Nature elle feint,
Que Ianet mieux qu'elle ne peint.*

*Et s'elle sur la toile fine,
Sur la gaze, ou sur l'estamine,
Tire vn ouurage ingenieux,
La Flamande ne le fait mieux.*

*Si par fois dedans vne salle
Elle avecq ses compagnes balle,
Virgille avecq' plus de compas
Ne dansa iamais les cinq pas.*

*Ainsi, Bellay, voy si la peine,
Que i'ay pour ma Maistresse pleine*

*De tant rares perfections,
N'a merité mes passions.*

*Et voy puis qu'elle ainfi surmonte,
Et qu'ell' fait tant d'honneste honte
A tant & tant d'espritz diuers,
S'elle n'est digne de tes vers.*

*Mais si chacun qu'ell' parangonne
Merite vne belle couronne,
Toy qu'on ne peut parangonner
Merites de la coronner.*

*La doncques, Bellay, ne refuse
Le sacré travail de ta Muse
Aux raretez de ce subiect,
Dont ie t'apporte le progect:*

*Car ces honneurs sainctz de la belle,
Dignes de ta gloire immortelle,
N'attendent rien plus de diuin
Que l'immortel luth Angeuin.*



DE LA COGNOISSANCE DE SON AMOVR,

à Remy Belleau.

ODE.

Si ie n'ay dans le sang humain
Souillé mon innocente main,
Et si ie n'euz onc en ma vie
Le cueur attainct d'aucune enuie,
Estant ialoux de l'heur d'autrui,
Pourquoy me faict on cest ennuy?

Si par haine ou temerité,
Ie n'ay dict contre verité,
D'yne vengeance furieuse,
Parolle aucune iniurieuse:
Pourquoy doncq supporte-ie ainfi
Tant de langueur & de soucy?

Si ie n'ay despité les cieux,
Si ie n'ay blasphemé les Dieux,

*Ny de leur maïesté diuine
Conspiré iamais la ruyne,
Pourquoy doncq geste lon sur moy
Les traictz d'un fi cuyfant esmoy?*

*Si la dissimulation,
Et si l'auare ambition,
La gloire, l'orgueil, & l'audace
N'ont iamais en moy trouué place,
Pourquoy verse lon sur mon chef
Un fi miserable meschef?*

*Si ie me prosterne aux autelz,
Tous les iours, des Dieux immortelz,
Pour deuot y faire l'office
D'un humble & iuste sacrifice,
Pourquoy doncq' la peine & l'effort
Sans mourir sens ie de la mort?*

*Si ie ne fuz oncq apperceu
Ingrat du bien que i'ay receu,
Et si ie ne veulx apparoiſtre
Pareſſeux de le recognoiſtre,
Pourquoy doncq' pour d'autruy iouyr
Me faiſt on moymesmes hayr?*

*Si ie n'ay oncq rompu les loix,
Si ie n'ay oncq fraudé les droitz,
D'une amytié bien commençée,
Soit de faiſt ou soit de pensée,*

*Pourquoy m'acablant de trauaulx
Me faict on souffrir tant de maulx?*

*Si par vn courage oultrageux
Ie n'ay souillé d'un pied fangeux,
Parmy les plaines & les prés,
Les eaux & les herbes sacrées,
Pourquoy porte ie incessamment
Vn si miserable tourment?*

*Las! ie voy le mal qui me suit,
Et cognoy cella qui me nuyt,
C'est Amour, c'est Amour en somme,
Luy mesme en moy mesme se nomme,
Ie le voys & cognoys, c'est luy
Qui me donne tout cest ennuy.*

*C'est luy qui faict à Iupiter
Son trosne & son fouldre quicter,
Pour venir asseruir son ame
Aux beaultez d'une simple femme:
C'est luy qui cause en moy aussi
Tant de langueur & de soucy.*

*C'est luy qui auillit le cueur
D'Herculle des monstres vainqueur,
Qui par luy ses armes despouille
Pour s'agenfer d'une quenoille:
C'est luy qui gecte aussi sur moy
Les traictz d'un trop poignant esmoy.*

*C'est luy qui l'esprit de Rolland
Attainct d'un traict si violent,
Et d'une puyssance si forte,
Que tout en tout il le transporte:
C'est luy qui verse sur mon chef
Un si miserable meschef.*

*C'est luy qui Terée affola,
Tant que sa sœur il viola,
Et couppa la langue à la belle,
De peur d'estre accusé par elle,
C'est luy qui la peine & l'effort
Me faict, vif, sentir de la mort.*

*C'est luy par qui le beau Narciz,
Au bord d'une fontaine assiz,
Où trop ses beaultez il remire
Nous voyons soy mesmes s'occire:
C'est luy qui pour d'autrui iouyr
Me contrainct moy mesmes hayr.*

*C'est luy qui conduict en la mer
Le pauvre Leandre abismer,
Le faisant d'un trop grand courage
Plonger soy mesme en son naufrage:
C'est luy m'acablant de trauaulx
Qui me faict souffrir tant de maulx.*

*C'est luy encor qui nous faict veoir
Iphis en si grand desespoir,*

*Qu'il se pend lui mesme effroyable,
Deuant sa dame impitoyable,
C'est luy, c'est luy, pareillement
Qui me liure tant de tourment.*

*Bref c'est luy qui me donne ainsi
L'ennuy, la langueur, le soucy,
L'esmoy, le meschef, & la peine,
L'effort de la mort, & la haine,
Les trauaulx & maulx inhumains,
Et le tourment dont ie me plains.*

CHANSON.

I*e sers vne Maistresse,
Qui tient dedans ses yeux
Les traictz dont Amour blesse
Les hommes & les Dieux.
Qui ne le veult sçauoir,
Se garde de la veoir.*

*Mais celluy qui desire
De se faire amoureux,
Et d'vn plaisant martire*

*Se rendre bienheureux,
Vienne sans retarder,
Vienne la regarder.*

*Du premier traict que donne
Son bel oeil tant humain,
Il blesse la personne,
Et la guerit soudain,
Causant d'un mesme effort
Et la vie & la mort.*

*Venus dans son oeil dextre
Se loge avecq' Amour,
Et Mars dans le fenestre
A choisy son seiour,
Ce qui cause & qui fait
Un si contraire effect.*

*De la vermeille Aurore
Son visage elle a pris,
Et si l'a pris encore
De la gaye Cypris,
Elle a pris de Iunon
Sa gloire & son renom.*

*Du saint chœur de Parnasse
Elle a pris ses chansons,
D'une gentile Grace
Ses honnestes façons,
De Dyane a esté
Sa blanche chasteté.*

En elle la nature,
Et les diuins flambeaux,
Ayant fait ouerture
De leurs tresors plus beaux,
Ont tout voulu semer
Pour plus la faire aymer.

C'est pourquoy ie n'ay garde
De m'estonner beaucoup,
Si cil qui la regarde
En meurt du premier coup :
Car mourir ce n'est rien
S'on meurt pour estre sien.

De moy qui l'ay suyue
Comme fatalement,
Je n'ayme que ma vie
Pour elle seulement,
Et pour elle la mort
Me seroit vn confort.

S'il aduient que lon meure
De quelque beau mourir,
Vn renom nous demeure
Qui ne sçauroit perir,
Mourons doncq' pour ses yeux
On ne peult mourir mieulx.



A LA COLOMBE DE IAN DE PARDEILLAN

Prothonotaire de Pangeas.

ODE.

PETITE Colombe amoureuse,
Gentile Colombelle heureuse,
Qui soulois avant que les chantz
Des neuf sœurs du Prince de Dele
Sonnassent ta gloire eternelle,
Estre seul delice des champs.

Maintenant mon Pangeas te vante,
D'une voix si douce & sçauante
Que les sons en montent aux cieux,
Toy servant aux tables plus grandes,
Parmy les plus douces viandes,
Du metz le plus délicieux.

Vy doncq' immortelle en son oeuvre,
Car si l'aduenir ie desqueuvre,

*Le preuoy ton nom auffi beau
Que Catulle & qu'Ouide encore,
Font veoir en leurs vers que i'adore
Vn perroquet, vn passereau.*

A S'AMYE.

ODE.

QUELLE ardeur chastement diuine
Sens-ie alumer en ma poytrine?
Quelle fureur tient mes espritz
Hors de moy chastement espris!
Seroit-ce, Muse mon merite,
La beaulté de ma Marguerite,
Qui me rauissant de nouveau
Me renflammaſt d'un feu ſi beau?
Ou Phebus de ſa ſainte flame
Rechaufe vainement mon ame,
Ou cette ardente nouueaulté
Sort des rayons de ſa beaulté,
Difons doncq', Muse mon merite,
La beaulté de ma Marguerite,

*Qui de nouveau me rauissant
D'un beau feu me va remplissant.*

*Ne Pallas, ne la Cyprienne,
Ne la fille Saturnienne,
Seroient telles entre les Dieux,
Sans les espritz ingenieux,
Qui chantant leurs graces plus belles,
Ont faict leurs beautez immortelles.
Que donrois-tu doncq' à celluy
Qui te chanteroit aujourd'huy
Et qui t'aquerroit vne gloire
Digne d'eternelle memoire?
Luy donrois-tu pas de tes yeux
Mille regardz delicieux?
Luy donrois-tu pas, mignonette,
Mille baisers de ta bouchette,
Et ceignant son flanc de tes bras
Ne le caresserois-tu pas?*

*Respons donc petite friande,
Respons à ce que ie demande?
Tu respons que pour acquerir
Un renom qui ne peult mourir,
Et pour gagner que dans un liure
Tu puysses à iamais reuiure,
Mille regardz tu donneras,
Mille baisers tu liureras,
Et feras cent mille caresses,
Et cent mille delicateffes,*

*A celluy qui pour te priser
Tachera de t'eterniser.*

*Ainsi doncq' me soit fauorable,
Ainsi doncq' me soit secourable
Le chef du choeur Aônien,
Afin que ie chante si bien
Le subgect que i'ose entreprendre,
Qu'vn iour la diuine Cassandre,
L'obgect du diuin Vandomois,
S'enialouze aux sons de ma voix,
Et qu'au ciel reluyre ie face
Les diuins honneurs de ta face.*

*Ca doncq' donne moy de tes yeux
Mille regardz delicieux,
Et mille baisers m'apareille
De ta belle bouche vermeille,
Puis voutant tes bras rondz & blancz,
Serre m'en, Mignonne, les flancz,
Car c'est moy qui veux faire dire
Tes beaultez aux nerfz de ma lyre,
C'est moy qui te veux honnorer,
Qui veux ton honneur decorer,
Et par mes vers te rendre telle
Que ta beaulté soit immortelle,
Te donnant nom & renom tel
Que moy mesme en sois immortel.*



A ELLE MESMES.

ODE.

QVAND ie te vois au matin
Amasser en ce iardin
Les fleurs que l'aulbe nous donne,
Pour t'en faire vne coronne,
Le desire aussi soubdain
Estre en forme d'une abeille,
Dans quelque roze vermeille,
Qui doit cheoir dedans ta main.

Car tout coy ie me tiendrois,
Alors que tu t'en viendrois
La cueillir sur les espines,
Entre ses feuilles pourprines,
Sans murmurer nullement,
Ne battre l'une ou l'autre aïe,
De peur qu'une emprise telle
Finist au commencement.

Puys quand ie me sentiroy
En ta main, ie sortiroy
Et m'en iroy prendre place
Sans te poindre sur ta face :
Et là baissant mille fleurs
Qui sont autour de ta bouche,
Imitterois ceste mouche
Y suçant mille senteurs.

Et si lors tu te faschois
Me chassant de tes beaux doigtz,
Ie m'en irois aussi viste
Pour ne te veoir plus despite,
Mais premier autour de toy,
Ie diroy d'un doux murmure,
Ce que pour t'aymer i'endure
Et de peines & d'esmoy.

Ou si par quelque bon heur
Tu voulois fleurir l'odeur
De la roze qu'aurois prise,
Ignorant mon entreprise,
Lors que tu la fleurerois,
Alors sortant, mignonette,
De mon embusche secrette
Ta bouche ie baiserois.

Voy doncq' comment Cupidon
Rend l'ardeur de son brandon
En moy seuerement forte,

*Qui ne veult qu'en cette sorte
Je sois plain de sa poison,
Mais qui fait que ie souhaite
De changer en vne beste
Ce peu que i'ay de raison.*

*C'est cét Archer, cét Amour,
Ce tiran qui nuit & iour
De ses flammes trop cruelles
Me deuore les mouëlles :
C'est luy, c'est luy voirement
Que quelque ourse d'Hyrkanie,
De sa fiere felonnie
Allaiçta premierement.*

DE SON AMOVR

Enuers deux Dames.

ODE.

COMMENT Amour consens tu que ie porte
Pour deux obiectz vne angoyffe si forte,
Et qu'vn seul traict de ton arc belliqueur
Deux telz effortz face dedans vn cueur ?

*Je suys à toy quand l'Aurore s'esueille,
Et quand Phebus dans les ondes sommeille
Je suys à toy, & tant à toy ie suys,
Qu'estre d'autruy ie ne veux & ne puy.*

*Je ne fuꝝ onq' que disposé à te suyure
Je ne fuꝝ onq' disposé que de viure
(Tesmoins en sont & mon luth & mes vers)
Dessoubz ton ioug au nombre de tes serfz.*

*Ouvre tes yeux, aueugle en mon remede,
Je ne suys point ce guerrier Dyomede,
Qui deuant Troye assaillant les Troyens
Blessa ta mere entre les Phrygiens.*

*Je ne suys point ce Phebus qui dedaigne
Ton arc, tes traictz, ta trouffe & ton enseigne,
Ny cette la qui d'un trop chaste vau
Pucelle fuyt les ardeurs de ton feu.*

*Cerche entre nous vne ame plus rebelle
Pour l'offenser d'une naureure telle,
Et laisse moy, qui ne suis assez fort
Pour supporter doublement ceste mort.*

*Ah dure loy! ah rigueur trop extreme!
Dedans les cueurs de deux Dames que i'ayme
Ton arc Amour & ton brandon est vain,
Et ie sens bien deux flammes en mon sein!*

O durs ennuys / ô dolentes destresses !
O grans beaultez de deux belles maistresses !
Pourray-ie bien souffrir tant de trespas
Sans qu'à la fin ie descende la bas ?

L'yne me dict qu'aux cordes de ma lyre
Rien que son loz ie ne face redire,
L'autre me flatte & mignarde me dit
Qu'ell' veult auoir vn semblable credit.

Mais ie me deulx de quoy ie ne suis digne
De celebrer leur louange diuine,
Car d'vn Ronfard bien qu'il chante les Roys
Toutes les deux ont merité la voix.

Je voudroy bien si ie pouuoy me taire
Sans les louer, mais ie ne le puis faire :
Car cettuy la qui m'a le cueur atteint
Veult que par moy leur honneur soit depeint.

La doncq', garson, d'yne main diligente
Porte ma lyre, afin que ie les chante,
Et l'yne & l'autre & chacune à son tour
Par ma chançon i'entremesle à l'amour.

Couple amoureuse en laquelle se mire
Le ciel courbé, qui voz graces admire,
A tresbon droict le Roy de tous les Dieux,
Lairroit pour vous son tonnerre & ses cieux,

*Et transformant sa figure immortelle
En cygne, en beuf, en Satyre, en pucelle,
Ou bien en or pour mieux vous assaillir,
Viendrait ça bas vostre roze cueillir.*

*Qui voudra veoir ce que peult la nature
Verser de beau sur vne creature,
La decorant de mille nouveaultez
S'en vienne heureux contempler voz beaultez.*

*Et s'il ne sçait comment Amour entame,
Et comme encore il englace & enflamme,
Les cueurs de ceux qui sont en liberté,
Voye sans plus de voz yeux la clarté.*

*Il verra lors les brandons & les lesses,
Les doux appastz, les embusches traitresses,
Et les glaçons dont l'enfant de Cypris
Ard, blesse, prend, & gelle noz espritz.*

*Je vous admire & l'une & l'autre ensemble,
Et vostre teint qui les rozes ressemble,
Alume en moy de ses rayons vermeilz,
Deux feuz d'amour ardemment pareilz.*

*Mais ie ne sçay la beaulté de laquelle
Plus ardemment à vous servir m'appelle:
Car l'une & l'autre en vous me faites veoir
Tout le plus beau qu'on peult du ciel auoir.*

*Puys tout au coup en vne mesme place
Ie fuꝝ rauy de l'vne & l'autre face,
Et tout au coup en mesme place estreint
Ie me senty de l'vne & l'autre atteint.*

*Voyez Amantz comme ce Dieu qui vole
Mon cuer ardent de deux beaultez affolle,
Et comme il faict plus plaisant mon ennuy,
Entremeslant du plaisir aueq' luy.*

*Si l'vne veoit que trop de peine i'aye,
Elle s'en vient pour adoucir ma playe :
Si l'autre veoit que ie sois au mourir
Elle s'en vient afin de me guerir.*

*Si l'vne entend l'estat de ma souffrance,
Elle me paist d'une bonne esperance :
Si l'autre m'oit au prez d'elle doulour,
Elle me paist doucement d'un espoir.*

*Voila comment ie porte dans mon ame
Le vif portrait de l'vne & l'autre Dame,
Et dans le sein double amoureux esmoy,
Viuant aillieurs pour trespasser en moy.*

*Or ie les aime, & si n'ay poinct enuye
Tandis qu'icy ie fileray ma vie,
D'autre beaulté iamais me renflammer,
Ains toutes deux ensemble les aymer.*

*Me faisant fort sur leur propre assurance,
Qu'en peu de temps i'auray la recompense
De tous les maux qu'en ayment ie reçois,
De l'une ou l'autre, ou des deux à la fois.*

*Tandis mon luth leurs merites entonne,
Si haultement que le ciel en resonance,
Et que du bord où s'espanist le iour
Iusques à l'autre on faiche mon amour.*

D'AYMER EN PLVSIEVRS LIEVX,

à Guillaume Aubert.

ODE.

POURCE qu'en ceste Amour diuersement escripte
Ie parle ore avec Anne, ore avec Marguerite,
Magdaleine, & Loyse, on me pourroit blasmer
D'aymer en trop de lieux pour bien me faire aymer.

*A cella ie respons, que selon les destresses
Que i'ay long temps souffert pour ces quatre mairesses,*

*Et selon que i'ay eu d'elles bon traictement,
Le l'ay voulu descrire ainsi naifvement.*

*Mais de n'en aymer qu'une, & pour elle ma vie
Veoir à mille tourmentz pour iamais asseruie,
Je ne le sçauois faire, ayment mieux dire adieu
Pour aller chercher mieux en quelque autre bon lieu.*

*La Nature m'a faict, & la Nature est belle
Pour la diuersité que nous voions en elle:
Je suis doncq' naturel, & ma felicité
En matiere d'amour c'est la diuersité.*

*L'homme ieune est bien sot & digne qu'on le chasse
Qui ne loge son cueur qu'en vne seule place,
Et aux ongles du chat le rat doit tresbucher,
Qui ne sçait qu'un seul trou pour se pouuoir cacher.*

*Il fault de port en port chercher son auanture,
Aller par cy, par la, pour changer de pasture:
Et quand quelque faueur recevoir on n'a sceu,
Aller en autre endroit pour estre mieux receu.*

*Par les diuers pays, & les diuers voyages,
Par les hommes diuers, & les diuers langages,
L'homme se faict plus rare, & s'acquier le renom
D'un homme bien expert & d'un homme de nom.*

*Ces marmiteux Amantz qui nuit & iour souspirent,
Pour un amour auquel vainement ilz aspirent,*

*Perdent (comme l'on dict) & repos & repas,
Et souffrent tous en vie vng millier de trespas.*

*Le m'en riz & m'en moque, & leur amour si forte
Ce n'est pas vng amour qui les ames transporte,
Ains c'est vne fureur qui les transforme tous,
Et qui faict qu'en la rue on les appelle foulz.*

*Aymons donques par tout, & ces sottes constances
Chassons de noz amours & de noz alliances,
Ayant quand on nous ayme, & nous gardant tousiours
La liberté d'entrer en nouvelles amours.*

A S'AMYE.

ODE.

PUIS que la saison du printemps
Faict trop plus les hommes contens,
Lors que la terre elle colore,
Que l'esté, ne l'hyuer encore,
Il nous fault cultiuer le fruit
Que le gay printemps nous produict.

*La donq' petite Magdaleine,
Puis que le vent de ton aleine
Semble vng Zephire doucereux,
Anime vng baiser sauoureux,
Et souffle dedans ma poytrine
Ta delicateffe diuine,
Baïse moy tout beau bellement,
Baïse moy colombellement,
Ma belle petite Dione,
Ma belle petite Mignonne,
Mignonne que i'ayme trop mieux
Que la lumiere de mes yeux,
Tant & tant de tes mignotises,
De tes mignotes mignardises,
Cupidon l'Archerot volant
Me va nuict & iour affollant.*

*Baïse moy donq' & ne differe
Pour crainte des yeux de ton pere,
Nous regardant il se soubzrit,
Se soubzriant il se nourrit,
Si fort & doucement est forte
La douce amytié qu'il nous porte.
Rien n'est plus doux que l'amytié,
Viuids l'une en l'autre moytié,
Et menans vne douce guerre,
C'est vn vray paradis en terre.
La donq' puys que ie viz en toy,
Viz ie te pry, mignonne, en moy,
Et viuids ainsi pesle mesle,*

*Dressons vne douce querelle.
Tu dõnras du doz de ta main
Mille doux coups dessus mon sein,
Et ie me defendray follastre
Iusqu'à te veoir lasse de battre,
Puis t'enleuant entre mes bras,
Ie ne me contenteray pas
De cent baisers pris d'une pille,
Mais en prendray plus de cent mille,
Saoulant à mesme mon desir,
Et te laissant à ton plaisir,
Tu t'en fuiras, comme mutine,
Par derriere quelque courtine,
Et là me despitant plus fort
Dedaigneras tout mon effort,
Iusqu'à tant que ie te rebaise,
A celle fin que ie t'apaise,
Et afin que i'apaise aussi
Le doux tourment de mon souci.*



PLAINCTE D'AMOUR A VENVS,

à Iaques Bizet.

ODE.

AMOVR, Bizet, en plourant
S'en vint naguere courant
Vers la Royne de Cythere,
Et luy dict, ma douce mere,
Voy ie te pry dans ma main
Cette naureure inhumaine,
Que m'a faict en cette plaine
Vn oiselet inhumain.

C'est cét oiselet qui bruyt
Vn murmure, quand la nuit
Cede à la clarté nouvelle,
Que le villageois appelle
Ce me semble mouche à miel,
Et qui suce aux prez encore
Au reueiller de l'Aurore
L'humeur qui tombe du ciel.

*Il est comme vn papillon,
Mais il porte vn aiguillon,
Qui m'a faict de sa pointure
Dans la main cette ouuerture :
Gueris donques ma douleur,
Et fay que de cette offense
Ie puisse auoir la vengeance
Par vn contraire malheur.*

*Souffre dit ell' ce mesfaict
Mauuais garson, qui m'as fait
Bien qu'aux flancz porté ie t'aye
Vne plus amere playe,
Et qui faiz au Roy des Dieux
De ton traict tant de nuyssance,
Que pour guerir sa souffrance
Souuent il quicte les cieux.*

*Ce qui peult armer le corps
Est tout vain en tes esfortz,
Et le plastron, ny la maille
Ne vault rien en ta bataille :
Aussi le Dieu des souldars,
Bien qu'il ait tousiours ses armes,
Ne sçeust onq en tes alarmes
Se garentir de tes dardz.*

*Et si quelcun mal appris
Met tes flèches à mespris,
Tu luy faiz à toute oultrance*

*Sentir quelle est ta puyssance :
O Phebus tu le sçeuꝝ bien,
Après auoir eu la gloire
De ta premiere victoire
Sur le champ Thessalien.*

*Ton traict remply de poison
Enforcelle la raison :
Tu l'esprouuas bien Alcide
Des vieux monstres homicide,
Allors que des mesmès doigtz
Qui la terre dépeuplerent
Des serpentz qu'ilz estranglerent,
Serf d'Omphale tu filois.*

*Tu n'es point tant oultragé
Qu'il te faille estre vengé,
Souffre donq ce qui te greue,
La douleur en sera breue,
Et cesse de tant ferir,
Mesmes nous qui des Dieux sommes :
Car la Mort guerit les hommes,
Mais ell' ne nous peult guerir.*



D'VNE DEVISE QUE LVY DONNA S'AMYE

DANS VN ANNEAV,

le meurs de iour, & brusle de nuyct.

ODE.

T*v te meurs de iour,
Et de nuyct encore,
Vn brazier d'amour
Ton ame deuore,
Et si ne veux pas
Esteindre ta flamme,
Ny de ce trespas
Garentir ton ame.*

*l'ars ainfi de nuyct,
Et de iour deffine,
Pour n'auoir le fruiet*

*Qu'aprend la Ciprine,
Et toy qui me peulx
Bien heureux me rendre,
Retiue à mes vœux
N'y daignes entendre,*

*Bien que seure sois
Que ma peine ardante,
Et ma mort, ainçois
Ma douleur mordante,
Viennent de ton œil,
Qui mon cueur embraize
Me faisant en dueil
Mourir de mesaise.*

*La donq' oste toy
De ta peine dure,
Et m'oste l'esmoy
Que pour toy i'endure:
Par ainsi ton cueur,
Et mon ame heurée,
Viuront sans langueur
En ioye asseurée.*



A S'AMYE EN LVY DISANT ADIEV.

ODE.

ENCOR qu'un autre que moy
Soit le mieulx aymé de toy,
Et qu'esperance ie n'aye,
Que tu sois pour me guerir,
Pour me garder de mourir
De mon amoureuse playe,

Je ne lairray toutesfois
Par les chams ou ie m'en vois,
Entre les peuples estranges,
De chanter & de vanter,
De vanter & de chanter,
Tes immortelles louenges.

Tandis partant de ce lieu
Je te viens dire vn adieu,
Vn adieu qui me fend l'ame,
Oferay-ie l'annoncer,

*L'oferay-ie prononcer,
Adieu las, adieu madame.*

*Garde ie te pry mon cueur,
Que ie te laiffe en langueur
Pour te fuyure en mon absence:
Et garde encore qu'absent
Il sente le mal qu'il sent
Maintenant en ta presence.*

A ELLE ENCORE SVR CE MESME PROPOS.

ODE.

QVAND ie pris hyer congé de vous,
D'yn baifer fi long & fi doux
Vous feistes contente mon ame,
Que la friande s'escoula
Dessus ma bouche & s'en volla
Dans la vostre plaine de basme.

*Et depuis cette heure, depuis
Sans ame, maistresse, ie suys,*

*Sentant bien ma force rauie,
Si vous piteuse à mon torment,
Ne la renuoyez promptement
Afin de renforcer ma vie.*

*L'enuoye mon cueur messager
Deuers vous, pour contr'eschanger
Auecq' mon ame de demeure:
N'ysez donq' vers luy de rigueur,
Car si ie suys guiere sans cueur
Il fauldra du tout que ie meure.*

*Et si pour vous ie trespasseis,
Vous en sentiriez quelque fois
La bas vne peine cruelle:*
» Car les Dieux n'ont point de pitié
» D'un qui reçoit vne amitié,
» Et n'en rend point de mutuelle.



DE L'ABSENCE DE S'AMYE,

A Maurice Seue Lionnois.

ODE.

A PRES que sur le bord du Rosne,
Et que sur celluy de la Sofne
l'ay plaint longuement ma douleur,
Je viens aux riuages d'Isere,
Rempli d'amoureuse chaleur,
Lamentar ma vieille misere
S'empirant d'vn nouveau malheur.

Car plus en moy mesme ie pense
D'amoindrir mon mal par l'absence,
Ou par l'esloignement des lieux,
Et plus il croit dedans mon ame,
Pour ne veoir plus les deux beaux yeux,
Ny les beaux cheueux de ma dame,
Qui peuuent captiuer les Dieux.

*L'amour me faict hair moy mesme,
Le bien me fait vn mal extreme,
Et le feu trop chault me pallit,
Le repos helas ! me trauaille,
Le veiller m'est somme, & le liçt
M'est vn camp de dure bataille,
Où viuant on m'enseuelit.*

*Le pleurer me plaist, & le rire
M'apreste vn contraire martire,
Le repos m'est venin & fiel,
Au lieu de paix i'ay tousiours guerre,
Le voy sans yeux, & volle au ciel
Sans iamais départir de terre,
Où ieune ie semble estre vieil.*

*L'espere & crain d'un seul courage,
Mon profit m'apporte donimage,
Et le iour plus serain qui luyt
Ne m'est que tenebre mortelle,
Bref, i'ay sans fin soit iour ou nuict
D'un vieil desir peine nouuelle,
En suyuant cella qui me fuyt.*

*O beaux yeux bruns de ma maistresse,
O bouche, ô front, sourcil, & tresse,
O riç, ô port, ô chant & voix,
Et vous ô graces que i'adore,
Pourray-ie bien quelque autre-fois*

*Vous veoir & vous ouyr encore
Comme ie feiz en l'autre mois!*

*Riuages, montz, arbres, & pleines,
Riuieres, rochers & fontaines,
Antres, forestz, herbes, & prez,
Voisins du seiour de la belle,
Et vous petitz iardins secretz,
Ie me meurs pour l'absence d'elle,
Et vous vous égayez auprez.*

ELEGIE A SA DAME.

AVANT qu'Amour me naurast de ses armes,
Et me liurast tant d'affaux & d'alarmes,
Ie ne sçauoy quel heur il apportoit,
Ou quel malheur à ceux qu'il combatoit:
Ny ne sçauoy comment de ses sagettes
Il faict ainsi noz voluntez subgettes
Ayant tousiours en franchise vescu
Sans vaincre aucun, & sans estre veincu.

*Mais depuys l'heure heureusement venue
Que i'euz au cueur vostre image receuë,*

*l'ay faict l'essay par tant de diuers coups
De ce qu'il peult sur les Dieux & sur nous,
Que librement à present ie confesse
Qu'on ne sent point de plus douce tristesse.
Et sans le mal dont mon cueur se ressent
Estant de vous si longuement absent,
Je me tiendrois le plus heureux des hommes
Qui furent onc en ce monde où nous sommes:
Car ô bons Dieux conter ie ne sçaurois
Sur ce papier, le bien qui tant de fois
M'est auenu regardant vostre face,
Ou contemplant vostre courtoise grace,
Et receuant de voz yeux amoureux
Mille doux traictz dans mon cueur langoureux.*

*Il est bien vray qu'en fortune si douce
l'ay quelquefois esprouué la secousse
Du traict amer, que cét archer vainqueur
Sans y penser tire dedans vn cueur,
Mais aussi tost ie cognoissoy voisine
Pour me guerir l'heureuse medecine:
Car ayant l'heur, dame, de vous reuoir
Je delaiissoy soubdain à me douloir,
Et par voz yeux, ma fatale lumiere,
Je recouuroy ma fortune premiere.*

*Ores sans aise & sans repos aussi,
Plus que iamais i'espreuue ce soucy,
Tant pour l'ennuy que i'ay de mon absence,
Que du desir d'estre en vostre presence,*

*Vous assurant que si l'occasion
Vouloit respondre à mon affection,
L'iroy bien tost recompenser l'ysure
Des durs travaux qu'en absence i'endure.
Mais attendant le bon heur de vous veoir,
Le vy tousiours en quelque peu d'espoir,
Me faisant fort que cette absence nostre
N'esloignera mon cueur d'auecq le vostre,
Et ne fera que ferme en vostre foy
Vous ne daigniez vous souuenir de moy.
En ce pendant ie porte en ma poitrine
Incessamment vostre image diuine,
Sans craindre rien qui la puyffe effacer,
Et ces beaux motz m'amuse à repenser :*

- » L'homme ne sçait tant qu'il vit sur la terre
- » Que vault la paix s'il n'a senty la guerre,
- » Et ne sçait point que vault la liberté,
- » S'il ne fut onc en prison arresté.



DE L'EXTREMITÉ' DE SES PASSIONS,

A Gabriel du Fauffard.

ODE.

S'IL est ainfi, comme tu diç,
Que les amitiéç de iadis
Ne font rien au pris de la tienne,
Pour correspondance à la mienne,
Oy ie te supply par pityé
Ce que me cause vne amytié.

Soit que l'aulbe d'un teinct vermeil
Annonce le nouveau soleil,
Ou soit que le soleil au monde
Face veoir sa perruque blonde,
Ou soit ou serain de la nuitç,
Allors que la Lune reluyt.

Toufiours vne fiere langueur
Me va geinant mon pauvre cueur,

*Et toujours vne angoisse extreme,
Et vne misere de mesme,
Seichant mes veines & mes os,
M'ostent & repas & repos :*

*Ie me consume peu à peu
Comme la cire aupres du feu,
Ou comme la fleur delaissee,
Aux champs d'un coultre renuersee,
Ou comme au soleil sur un mont
La glace ou la neige se fond.*

*Helas ! auoys-ie merite'
Qu'avec tant de feuerite',
Vne misere si mortelle
Me causast vne angoisse telle,
Et me feist pour me secourir
Vouloir & ne pouuoir mourir ?*

*Ie porte toujours dans mes yeulx
Ce qui m'est tant pernicieux,
Et toujours ie loge en ma teste
Ce qui me faict tant de tempeste,
Par ainfi portant & logeant
Ce qui me va tant oultrageant.*

*Ie ne puy iamais approcher
De montaigne, ny de rocher,
D'antre, de forest, ny de pleine,
De fleur, de pré, ny de fontaine,*

*Que peint il ne m'y semble veoir
L'obgect qui tant me faict douloir.*

*Amour ce petit Dieu vollant,
Ce petit Dieu si violent,
Qui le ciel & la terre enflamme,
Se faisant maistre de mon ame,
Et m'ayant tout à soy rauy,
Tout à soy me tient asseruy.*

*C'est luy qui tant me faict gemir,
Qui tant me garde de dormir,
Et qui tant mes espritx affolle:
C'est luy qui m'oste la parole,
La franchise & le sentiment,
Sans trouuer nul allegement.*

*Bref c'est luy qui tient ma raison,
Et mon esprit en sa prison,
C'est luy qui tant de maulx me liure,
Et qui me faict en aultruy viure,
Mourant cent fois le iour en moy,
Par trop d'esperance & de foy.*

*Comme souuent on veoid le vent
Foible & petit en se leuant,
Renforcer apres son aleine,
Croullant des arbres en la plaine,
Et faisant en tournant voler
Vne obscure poussiere en l'air.*

*Il faict les ondes de la mer
Par grandes vagues escunier,
Des grans montz il abat le feste,
Et porte vne telle tempeste,
Que le bestail au boys caché
En meurt soubz le boys arraché :*

*Ainsi nasquist Amour petit,
Quand premier il me combatit,
Puis apres redoublant ses forces,
Il me fait mille & mille entorses,
M'arrachant d'une grand fierté
Mon esprit & ma liberté.*

*Plus ie voys le repos cherchant,
Plus le travail me va faschant,
Et plus ie quiers ou paix ou trefue,
Et plus la guerre on me faict greue,
Croissant tousiours ma grand ardeur,
A l'enuy d'une grand froideur.*

*L'ay essayé tant que i'ay peu
De pouuoir esteindre ce feu,
Et encor sans cesse i'essaye
De guerir ceste amere playe,
Mais en vain, car le mal encloz
A penetré iusques à l'os.*

*Ainsi qu'un malade qui boult
D'une soif qui l'enflamme tout,*

*Et qui s'endort sur ceste enuye
De veoir ceste soif assouuie,
Ne songe en dormant qu'à des eaux,
Des fontaines & des ruyssaux:*

*Tout ainsy quand i'ay bien veillé,
Et que i'ay long temps trauaillé
Pour l'amour qui tout me transforme,
S'il aduient qu'allors ie m'endorsme,
Ie ne faiç que songer tousiours
A la beaulté de mes amours.*

*Ore il me semble que ie voy
La belle qui vient deuers moy,
D'autant plus douce & plus priuée
Que ie l'ay plus fiere trouuée,
Me promettant allegement
A mon miserable tourment.*

*Et tout soubdain ce m'est aduis
Me trouuant d'elle viç à viç,
Ie la voy fiere qui me tance,
Blasmant ma grand aultrecuidance,
Et monstrant son cueur endurci
Pour n'auoir aucune mercy.*

*Comme le soleil nous voyons
Endurcir d'vn de ses rayons
L'argille sur laquelle il tire,
Et quant & quant mollir la cire,*

*Causant tout en vn mesme temps
Deux effectz si fort differentz.*

*Ainsi la Dame que ie sers
Cause en moy deux effectz diuers,
Me faisant d'une seule aillade
Tout en vn temps sain & malade,
Ore de feu tout enflammé,
Ore de glace tout pasiné.*

*Mais quoy? Faussard, c'est à bon droit
Qu'on me trauaille en cest endroit:
Car ma Dame tant elle est belle
Porte vn paradis avecq' elle,
Et moy pour ses perfections
Porte vn enfer de passions.*

A S'AMYE.

ODE.

Elle est à vous, douce maistresse,
Ceste belle & dorée tresse,
Qui feroit honte au mesmes or,

*Et ce front qui d'iuoir semble,
Et ces yeux deux astres ensemble,
Maistresse, sont à vous encor.*

*A vous est ce beau teinct de rozes,
Et ces deux belles leures closes,
Qui semblent deux brins de coral:
Et ces dentz par où se repousse
Le musc de vostre aleine douce,
Qui semblent perles ou cristal.*

*Bref à vous est la belle face,
Le bon esprit, la bonne grace,
Qu'on veoid en vous & l'entretien:
Seulle est à moy la peine dure,
Et tous les trauaulx que i'endure
Pour vous aymer & vouloir bien.*



SVR VN DESPIT QV'IL PRINT

Auecques s'Amye.

ODE.

C'EST ores vrayment que ie suys
Allegé de tous les ennuy
Qui m'ont fait si long temps oppresse
Ayant recouré ma clarté,
Mon esprit & ma liberté
Des mains d'une ingrata maistresse.

Amour voyant ma loyaulté
Digne de plus grande beaulté,
Est venu se rendre coupable,
Et s'est excusé de m'auoir
Fait à tort sentir son pouuoir
Pour vne dame impitoyable.

Il m'a rendu l'entendement,
Et la raison pareillement,

Qu'il m'a si longtemps detenuë:
Il m'a d'amour le cueur laué,
Et m'a des yeux encor leué
Le bandeau qui bandoit ma veuë.

Si bien que ie veoy clairement
Ce qui m'a tenu longuement
Afferuy d'une erreur si folle:
Et veoy combien mon oeil trouble
Estoit follement aueuglé
D'adorer vne telle idole.

Comme vn prisonnier attaché
S'esfouyst estant relasché,
Ou comme apres vn grand oraige,
Le nocher qui cherche le port
S'esfouyst quand il est à bord,
Eschappé de quelque naufrage,

Ainsi apres que i'ay esté
Esclaue long temps arresté
D'une ame si sourde & si fiere,
L'esprouue vn indicible bien,
Or' que ie retourne estre mien
Avec ma liberté premiere.

Le veoy ces caduques beautez,
Et ces fragilles nouueaultez,
Qui souloyent enflammer mon ame,
Le veoy l'ardeur de ma fureur,

*Et la fureur de mon erreur
D'où ne peult proceder que blasme.*

*Ainsi iadis au desloger
Apparust Alcine à Roger,
Après qu'en despit d'Erifile,
Il eust de son amour iouy,
Ayant ouuert l'oeil esblouy
Pour retourner à Logistille.*

*Or ie iure, atteste, & promectz
De ne suyure plus desormais
L'amour qui tant m'a faict d'opresse,
Ou ie promectz si ie la suis,
Que ie la suiuray si ie puis
Seruant quelque douce maistresse.*

*Car lors ie ne regreteray
Les ennuyes que ie porteray
Attainct de l'amoureuse flamme:
Pour ce que ie tiens à grand heur
Ce qu'on souffre estant seruiteur
D'une belle & courtoise dame.*



PALINODIE.

MON esprit trop enflammé d'ire
Me fit hier contre vous escrire,
Mais ores que nostre courroux
Se passe, & s'esloigne de nous,
Maistresse, ie me veux desdire.

Ie me desdiz donc, & confesse
Qu'en ayant beaucoup de destresse
Pour vous, ce m'est vn plus grand heur
Que de deuenir seruiteur
Iouyssant d'yne autre maistresse.

Pardonnez moy donc ie vous prie,
Et puis que mercy ie vous crie
Mon offense remediez moy,
Receuant de nouveau ma foy,
Sans espoir que plus ie varie.

Les petites noises qu'on seme
Allors qu'ardemment on s'ayme,

*N'esteignent pas vne amytié,
Ains la font estre la moitié
Plus forte encore & plus extreme.*

DE SES DESIRS, A S'AMYE.

ODE.

PAR trop d'aise ou par trop d'ennuy,
Nous voyons plusieurs aujourd'huy
Desirer changer de semblance,
Et viure en cest ardent desir,
Pour durer plus en leur plaisir,
Ou pour moins sentir de souffrance.

Quant à moy qui sens nuit & iour
Le fiel & le miel de l'amour,
Je voudrois estre la dorure,
Que sur vostre chef vous portez,
Pour mieulx contempler les beaultez
De vostre blonde chevelure.

Je voudrois estre d'abondant,
La perle que ie voy pendant

*Au bout de vostre belle oreille:
Pour plus commodement pouuoir
Vous faire le secret sçauoir
De mon amytié nompareille.*

*Je voudrois estre le colet,
Qui sur vostre sein grasselet
Couure ces deux tetons d'iuoir:
Pour auoir l'heur de les toucher,
Et pour pouuoir mieulx empescher
Qu'autre n'eust part en ceste gloire.*

*Voluntiers ie serois encor,
Ceste belle ceinture d'or
Qui les flancz vous ceint & vous lye:
Pour estroitement vous lyer,
Et pour garder de m'oublier
Non plus que ie ne vous oublie.*

*Je voudrois estre vn oreiller,
Afin de vous veoir sommeiller:
Et si voudrois estre vne mouche,
Quand en esté vous sommeillez,
Pour mieulx baiser les beaux oeilletz
Qui sont autour de vostre bouche.*

*Je voudrois estre transformé
En quelque beau gand parfumé,
Pour baiser souuent à mon aise,
De vostre main les doigtz poliꝝ,*

*Les doigtz molz & blancz comme liz
Qui me font Dieu quand ie les baïse.*

*Ie voudrois estre ce liuret,
Si bien couuert & si propre,
Qui vous pend à vostre ceinture:
Afin que quand vous l'ouuririez
De mon cueur que vous y verriez,
Vous fissiez aussi l'ouverture.*

*Ie voudrois estre le miroir,
Où vous vous esbatez à veoir
Les beaultez de votre visage:
Afin que ie iouysse mieulx
Des doux regardz de voz beaux yeux,
Dont vous m'enflammez le courage.*

*Voluntiers ie serois aussi,
Le bust que vous portez ainsi
Que sur l'esthomas on les porte:
Afin que ie fusse en ce poinct
Attaché tout le iour, & ioinct
Auecq' vous d'une amytie forte.*

*Ie voudrois puis que Dieu voulust
Que ie deuinsse vostre luth,
Vostre cistre, ou vostre espinette:
Afin quand vous voudriez sonner,
Que vous n'ouyssez resonner
Qu'allegez moy plaisant brunette.*

*Enfin ie vouldrois deuenir
Vne puce pour me tenir
Toute la nuit dans vostre couche:
Afin de librement tenter
Si vous me vouldriez contenter,
Sans m'estre iamais plus farouche.*

DES CONTRAIRES EFFECTZ

de son amour, à Iehan de Iehan.

ODE.

AVOIR peu de repos en beaucoup de destresse,
Ne veoir point d'assurance en vn doute cogneu,
Veoir la douceur couuerte & l'amertume à nu,
En cueur vuide de foy & remply de finesse.

*Ne rire que parfois & larmoyer sans cesse,
Se veoir pour vn grand bien en grand mal detenu,
Se veoir à mille mortz en viuant paruenu,
Auecq' trop gaye perte au gaing d'une tristesse.*

*Chercher toujours vng heur sans le pouuoir trouuer,
Au plus chault de l'esté cent hyuers esprouuer,
Estre sans cesse oyssif & sans cesser en peine,*

*Se fascher du plaisir, se plaire de l'esmoy,
C'est ce qui faict, Amy, toujours avecques moy
L'esperance douteuse & la douleur certaine.*

DE LA DIVERSITE DE SON AMOVR,

A Iean de Faure.

ODE.

Nous sommes en vn mesme temps,
Tous deux diuersement contens
En nostre amoureuse poursuyte,
Et tous deux en nombres diuers,
Escriuons mille amoureux vers
Qui des ans deuantent la fuyte.

*Toy d'un cueur ardemment espris
Des saintes flammes de Cypris,*

*Aymes vne vierge gaillarde:
Et moy enflammé du brandon
Du petit Archer Cupidon,
Adore vne femme songearde.*

*L'vne a defia ployé le col
Dessouz le ioug doucement mol,
Que donne aux nopces Hymenée:
L'autre encor ceinte du ceston,
Garde le flourissant bouton
De sa chasteté fortunée.*

*L'vne voudroit d'un cueur marry,
N'auoir point encor de mary,
Tant le sien luy faict de martire:
Et l'autre auoir vn en voudroit,
Pourueu que ce fust en l'endroit
Qu'ardemment elle desire.*

*L'vne de son amy bien loing,
N'a point au chef de plus grand soing
Que son amour constante & forte:
L'autre plus pres de son amy,
N'a iamais l'esprit endormy
En l'amitié qu'elle luy porte.*

*L'vne à son amoureux escrit,
Qu'elle supporte en son esprit
Pour l'absence vne angoisse vaine:
L'autre à son amy va contant*

*Qu'en amour elle endure autant
Comme luy d'inutile peine.*

*L'une d'un poil iaulne doré,
Et d'un oeil de vert coloré,
Doucement te prend & t'enflamme :
L'autre de son poil noircissant,
Et de son bel oeil brunissant,
Enflamme & captiue mon ame.*

*L'une peult à l'amy de nuyct
Faire gouster l'amoureux fruit,
Maulgré son espoux & sa garde:
Et l'autre s'elle veult de iour
Peult satisfaire à son amour,
Maulgré sa parenté bauarde.*

*Et voyla la diuerfité,
Faure, de la felicité
De nostre amour encommencée,
Qui lieu ne trouuera iamais
(Par les Dieux ie te le promettz)
En nostre commune pensée.*

*Car tant que le soleil luyra,
Et que la Lune conduyra
De nuyct sa clarté renaissante,
Ie vouldray ce que tu vouldras,
Et feray ce que tu feras,
D'une amytie non perissante.*

A SES SOVSPIRS AMOVREUX.

ODE.

TRISTES *Souspirs* qui me laissez
Demy mort sans nulle esperance,
Contez tous mes traux passez,
Qui m'ont mys en tant de souffrance,
A celle qui me void mourir
Sans qu'ell' me daigne secourir.

Dites luy doucement ainsi,
Belle que tout le monde admire,
Ne donne plus tant de soucy
A celluy qui tant te desire,
Ains autant qu'il a de tourment
Donne luy de contentement.

Et si vous voiez sa rigueur
Toufiours enuers moy se poursuyure,
Sans qu'elle amollisse son cueur,
Ny qu'elle ayt soing de me veoir viure,

*Souspirs ne venez plus vers moy :
Car soudain ie mourray d'esmoy.*

*Mais s'elle ne veult par pitié
Que souffreteux ainsi ie meure,
Sans guerdonner mon amytié,
Reuenez vers moy tout à l'heure :
Car ie ne voudrois pas mourir
S'elle me daignoit secourir.*

A SES PENSERS.

ODE.

PENSERS de mon cueur soucieux,
Doux allegement de mon ame,
Qui montez si souuent aux cieux,
Chargez du beau nom de madame,
Allez sur le bord verdissant
De mon Loth lentement glissant,
Et là uolez à main fenestre
Aux lieux où madame doibt estre.

*Pensers, c'est elle en qui les Dieux
Ont mis comme en vne Pandore,
Tous les tresors plus precieux
Dequoy leur deité s'honore:
Dittes luy donc, Si Dieu vous gard,
Belle, nous venons de la part
D'vn que vous tenez en seruage
Exprez, pour vous faire vn message.*

*Il vous mande que si alors
Qu'il estoit en vostre presence,
Il sentoit pour vous les effortz
De l'amour & de sa puyssance,
Que maintenant qu'il est absent,
Plus de langueur pour vous il sent,
Plus de mal & plus de martire,
Mille fois qu'on ne sçauroit dire.*

*Soit à mynuict, soit en plain iour,
Soit qu'il se leue, ou qu'il se couche,
Il ne songe qu'en vostre amour,
Et n'a que vous dedans sa bouche:
Et bien que son corps my transy
Soit maintenant bien loing d'icy,
Si est ce pourtant qu'à toute heure
Son ame auprez de vous demeure.*

*Nous sommes comme vous voiez
Les pensers naiz dans sa poitrine,
Qu'il a deuers vous enuoyez*

*Vienne contempler mon malheur,
Mon malheur, ma peine & ma flamme.*

*Vn ennuy n'est point assez fort
Pour faire qu'un homme se meure,
Car s'un ennuy caufoit la mort
D'ennuy ie mourrois à ceste heure.*

*Voire quand ma vie deburoit
D'une autre vie estre suyue,
Mon ennuy point ne se perdrait,
Qu'en perdant l'une & l'autre vie.*

*Aussi tant & tant d'animaulx
La mer dans ses yndes n'enferme,
Comme d'angoisses & de maulx
Iour & nuict me meinent la guerre.*

*Et le soleil ne scauroit veoir
Soit au matin quand il se leue,
Ou soit quand il se couche au soir,
Vne autre tristesse plus grefue.*

*Toutesfois le temps dompte tout,
Et rien ne se veoid qu'il ne muë,
C'est pourquoy i'espere qu'à bout
Il mettra le mal qui me tue.*

*Chanson, à ce cueur endurcy,
Qui loge en madame inhumaine,
Va crier que mort, ou mercy
Soit bien tost la fin de ma peine.*

A S'AMYE.

ODE.

ANNE, ma maistresse, m'amyé,
Qui tenez ma mort & ma vie,
Pour me donner de voꝝ beaux yeux
Celle que vous aymez le mieux:
Anne, ma petite maistresse,
Voulez-vous qu'en vne destresse,
Et qu'en vn soucy tant amer
Je sois tousiours pour vous aymer?
L'aymerois mieux mourir, que faire
Vn acte qui vous peult desplaire,
Voire plustost ie me turois
Que ie ne vous offencerois.
Pourquoy donc, petite inhumaine,
Me tuez vous de tant de peine,
Et pourquoy de tant de tourment

*Vienne contempler mon malheur,
Mon malheur, ma peine & ma flamme.*

*Vn ennuy n'est point assez fort
Pour faire qu'un homme se meure,
Car s'un ennuy caufoit la mort
D'ennuy ie mourrois à ceste heure.*

*Voire quand ma vie deburoit
D'une autre vie estre fuyue,
Mon ennuy point ne se perdrait,
Qu'en perdant l'une & l'autre vie.*

*Aussi tant & tant d'animaulx
La mer dans ses vndes n'enferme,
Comme d'angoisses & de maulx
Iour & nuict me meinent la guerre.*

*Et le soleil ne sçauroit veoir
Soit au matin quand il se leue,
Ou soit quand il se couche au soir,
Vne autre tristesse plus grefue.*

*Toutesfois le temps dompte tout,
Et rien ne se veoid qu'il ne muë,
C'est pourquoy i'espere qu'à bout
Il mettra le mal qui me tue.*

*Chanson, à ce cueur endurcy,
Qui loge en madame inhumaine,
Va crier que mort, ou mercy
Soit bien tost la fin de ma peine.*

A S'AMYE.

ODE.

ANNE, ma maistresse, m'amyé,
Qui tenez ma mort & ma vie,
Pour me donner de voꝝ beaux yeux
Celle que vous aymez le mieux :
Anne, ma petite maistresse,
Voulez-vous qu'en vne destresse,
Et qu'en vn soucy tant amer
Je sois tousiours pour vous aymer ?
L'aymerois mieux mourir, que faire
Vn acte qui vous peult desplaire,
Voire plustost ie me turois
Que ie ne vous offencerois.
Pourquoy donc, petite inhumaine,
Me tuez vous de tant de peine,
Et pourquoy de tant de tourment

*Me tuez vous incessamment?
Pourquoy voulez vous que ie sente,
Dedans ma poytrine innocente,
Vne si cruelle langueur
Tuer tousiours mon pauvre cueur?
» Tousiours la mer n'est pas esmeüe,
» Et tousiours vne obscure nüe,
» Ramenant le temps pluuieux,
» Ne trouble la clarté des cieux :
Toutesfois voꝝ grandes rudesses,
Et les miserables tristesses,
Qui me font si palle & chagrin,
Ne peuuent iamais prendre fin.*

*Si l'hyuer de gresle & de pluye,
Et de froid les hommes ennuye,
Nous auons apres le printemps,
Qui nous rameine le beau temps.*

*Si le laboureur en la plaine,
Tous les iours a beaucoup de peine,
Il a pour passer ses ennuy,
Le repos de toutes les nuictz.*

*» Toutes choses ont quelque treue,
Si ce n'est l'angoisse si greue,
Par qui n'ayant plus que les os
Le pers & repas & repos.*

*Vous dictes bien que si ie porte
Pour vous vne angoisse trop forte,
Que vous portez aussi pour moy
Le faix d'un trop pesant esmoy.
Vous dictes bien si ie vous ayme*

*D'une constante amour extreme,
 Que vous m'aymez d'une amitié
 Plus forte & ferme la moytié.
 Vous dictes bien si ie desire
 De veoir finir nostre martire,
 Que comme moy vous desirez
 De ne nous veoir plus martirez.
 Vostre dire est bon, mais le faire
 Au dire tousiours est contraire,
 Et tant plus vous me promedez,
 Et tant plus vous vous dementez.*

*Il est vray qu'il est raisonnable
 Que pour auoir vn bien semblable
 A celluy que tant ie poursuis,
 On endure quelques ennuy:
 • Car c'est vne chose certaine
 • Qu'on n'a iamais du bien sans peine.
 Mais d'auoir vn mal si cruel,
 Et de l'auoir continuel,
 Le ne saiche eschine si large,
 Qui ne ployast deffouz la charge.*

*Je suis petit, & le tourment
 Si estrange & si vehement,
 Que pour vous, maistresse, i'endure,
 Est tousiours grand oultre mesure.
 Si donques iamais la pitié
 Trouua lieu dans vostre amitié,
 Et si vous auez le courage,
 Comme vous auez le visage,
 Le vous pry faictes mon esmoy*

*Deformais petit comme moy :
Ou ainſi que vous eſtez grande,
Et grand le bien que ie demande,
Faiâtes que ce bien rencontrant,
Ie puiſſe deuenir plus grand,
Afin que mieux porter ie puiſſe
Ces grans maulx en voſtre ſeruice.*

A ELLE MESME.

ODE.

FOIBLE, paſſe, ſans cueur, ſans raiſon, ſans aleine,
Anne mon cher ſupport, maugré moy ie nie trayne,
Maugré moy ie me trayne, Anne mon cher ſupport,
Malheureux & chetif n'attendant que la mort,
N'attendant que la mort, qui m'eſt iuſtement deüe,
Ayant perdu ma vie, en vous ayant perdue.

*Las ie vous ay perdue ! & ſans ſçauoir comment
Il fault que nuit & iour ie ſupporte vn tourment,
Il fault que nuit & iour vn tourment ie ſupporte,
Qui me rompt tout l'eſprit d'une rigueur ſi forte,*

*Que me seichant l'humeur des veines & des os,
l'en pers (comme l'on dict) & repas, & repos.*

*Tout ainsi qu'un oyseau aymant la nuit obscure,
le vays par lieux obscurs, tandis que le iour dure :
Puis quand le soir arriue, & que l'humide nuit
En un silence coy toutes choses reduict,
En un silence coy tout animal sommeille,
Mais pour me lamenter alors ie me refueille.*

*Ie me refueille alors, & les champs & les boys
le vays en lamentant effourdir de ma voix,
Si bien qu'on ne voit arbre, antre, roc, ny fontaine,
Qui n'entende mes cris, mon amour & ma peine,
Resonnant apres moy mon ennuy nompareil,
Qui pourroit arrester de pitié le soleil.*

*Deux fleuves de mes yeux sortent abondamment,
Un grand brazier au sein ie porte incessamment,
Ayant tousiours chez moy l'un & l'autre contraire,
Prest d'ardre & de noyer sans me pouvoir retraire,
Sans me pouvoir retraire, & sans encore auoir
Tant soit peu de desir d'en auoir le pouvoir.*

*Si ie n'escriz de vous ma plume se repose,
Si ne parle de vous ma bouche est tousiours close,
Si vers vous ie ne vays mes piedz sont ocieux,
Et si ie ne vous voy, ie sens mes pauvres yeux
Perdre toute leur force, & tousiours ie les serre,
Ou ie les tiens ouuertz pour regarder la terre.*

Quand il fait chault ce n'est que de ma grand ardeur,
Quand il faict froid ce n'est que de vostre froideur,
Quand il pleut c'est des pleurs que de mes yeux ie tire,
Quand il vente ce n'est que ce que ie souspire,
Quand il fait mauuais temps c'est quand l'ennuy vous tient,
Et quand il fait beau temps c'est quand l'aise vous vient.

Que diray dauentage? en vous seule i'adore
Les plus beaux dons des Dieux comme en vne Pandore,
Cognoissez donc en vous ces graces & beaultez,
Et ne les souillez point de tant de cruaultez,
Ains en me rapellant de ce piteux orage,
Preferuez moy pour Dieu de ne faire naufrage.

Ayant l'œil larmoyant, le genoil abaissé,
Ayant ioinctes les mains, l'esprit à vous dressé,
Ainsi que si i'estois ore en vostre presence,
Je vous requiers pardon si i'ay faict quelque offense,
Et vous pry par le traict qui de vous m'a feru
Que ie ne meure point sans estre secouru.



DEVIS RVSTIQUE.

OLIVET, IANOT.

Oliuet.

FVYEZ mon cher troupeau, fuyez ceste herbe verte,
De mes larmes couverte,
Car dedans ces pastiz les herbes & les fleurs
Que i'attain de mes pleurs,
S'enueniment soudain, tant ceste humeur trop vaine
Est d'amertume plaine.
Allez mon cher troupeau, allez tout seul pour Dieu
Paistre en quelque autre lieu :
Car songeant à mon mal il conuient à toute heure
Que ie souspire & pleure :
Vous trouuerez ailleurs paruanture les eaux
Plus cleres aux ruisseaux,
Et les prez plus herbus, & les forestz sauuages
Plus plaines de fueillages.
Quant à moy ie ne puis qu'à mon mal sans cesser
Penser & repenser,

*Reduit en tel estat par quelque destinée
Despuis vne iournée,
En laquelle mes yeux, peu caultz, oserent veoir
Ce qui me faict doulour,
Ceste fiere beaulté, dont la figure empraincte
L'ay dans mon ame attaincte,
Voire si viuement, que l'un & l'autre effort
Du temps & de la mort,
Ne feront qu'à iamais, elle ne soit trouuée
Dans mon ame engrauee.*

Ianot.

*Quel homme entens ie plaindre, à costé de ce boys
D'une si triste voix,
Faisant tous ces rochers d'une force contraincte
Retentir de sa plainte,
Et blasmant le destin, la nature, les Dieux,
Et la terre & les cieux.
Le destin pour auoir à cent maulx asseruie,
Sa miserable vie,
La Nature d'auoir infuz tant de beaulté
Dans vne cruauté,
Les Dieux pour n'auoir poinct de pitié de sa peine,
De sa peine inhumaine:
La terre pour souffrir sur son dos plantureux
Un faiz si malheureux,
Et le ciel pour auoir trop espargné sa teste
Du trait de sa tempeste.
Si ie ne me deçoy, c'est l'amoureux soucy*

Qui le faict plaindre ainſi,
Mais il ſe deult en vain, ſ'il ſ'efforce d'acquerra
En l'amoureuſe guerre,
Le tiltre par ſon plainct, de chetif langoureux
Sur tous les amoureux.
Car le Soleil ne veoid, ny veid onc creature,
Qui ſente la pointure
Et la force d'amour, plus que moy ſans repos
Juſqu'au fond de mes os.
Et qu'il ne ſoit ainſi, iamais la belle Aurore,
Ny le Soleil encore,
Soit qu'il ſorte au matin des vndes de la mer,
Pour le iour allumer,
Ou qu'il ſe couche au ſoir, laiſſant la terre ſombre
Plaine d'yne obſcure vmbre,
Ne m'ont peu iamais veoir ſans plaindre amerement
Mon amoureux tourment.
Je veux bien toutesfois plus clairement cognoiſtre
Qui l'a mis en tel eſtre:
Car i'auray grand confort en mon mal, ſi ie veoy
Qu'il en ayt plus que moy.
La donq' petit troupeau, que de luy l'on ſ'aproche
Le long de ceſte roche.
Il ſera conſolé en ſon dolent ennuy,
Si i'en ay plus que luy.
Mais ſi ie n'ay perdu raiſon & veüe enſemble
Par amour, il me ſemble
Que c'eſt cet Oliuet, de qui le bon Guylois
M'a parlé quelque fois.
Las ! c'eſt luy voirement, c'eſt luy qu'en ces montaignes,

Et parmy ces campagnes,
L'ay veu beaucoup de fois follastrant & chantant
Heureusement content.
Maintenant ie le voy pensif & solitaire
Loing de nous se retraire,
Laiſſant tout ſon beſtail errer de luy bien loing,
Sans guyde ne ſans ſoing,
Touſiours la larme à l'œil, & dans l'ame ſans ceſſe
L'angoiſſeuſe triſteſſe.
Mon compaing Oliuet, le Dieu des Amoureux
Te face bienheureux,
Et te donne bien toſt finiſſant ton martire
Ce que ton cueur deſire.
Ie te prie dy moy, dy moy à quelle fin
Du ſoir iuſqu'au matin,
Et du matin au ſoir tu ne faiſ que te plaindre,
Et ces rochers contraindre
A ſe rompre de dueil qu'ilz ne peuuent porter
T'eſcoutant lamenter,
Toy qui menois naguere vne ſi gaye vie,
Qu'on y portoit enuye.

Oliuet.

Fuy, Ianoſ, ie te pry, les pitoyables ſons
De mes triſtes chanſons.
Fuy, ſans plus t'enquerir, fuy t'en ſi tu n'as chere
Ma damnable miſere:
Car la terre n'a poinct de ſerpent, qu'à me veoir
Ie ne face douloir.

Ianot.

Fuy toy mesme, Oliuet, si tu n'as agreable
Mon estat miserable:
Car ie me faiç bien seur qu'en oyant le discours
De toutes mes amours,
Tu me confesseras que les angoisses miennes
Ont surpassé les tiennes.
Aussi i'ay veu cent fois le Soleil s'arrester,
Pour ma plainte escouter,
D'une douce pitie sentant son ame atteinte,
Tant triste estoit ma plainte.

Oliuet.

Je n'ay pas iamais veu le Soleil s'arrester,
Pour ma plainte escouter,
Mais i'ay veu mille fois, quand ie venois à dire
L'estat de mon martire,
Les plus pesans rochers, faschez de mon esmoy
S'escarter loing de moy,
Ne pouuant plus souffrir ceste complaincte vaine,
Qui descouuroit ma peine.
Vne beaulté trop grande (afin de t'exprimer
Mon ennuy trop amer)
Vne beaulté trop grande, en trop fiere tigresse,
Tient mon cueur en destresse,
Et fait que sans esprit, sans ame & sans raison,
L'erre en toute saison,

*Par ces coustaulx desertz menant ainsi ma vie,
Qui me fust ia rauie,
Sans vn destin qui faict, par vn contraire effort
Que ie viz de ma mort,*

Ianot.

*Tu es vrayement heureux, en plaignant ta souffrance
D'auoir tant de puissance,
Car t'amy ne peult si dur auoir le cueur,
Qu'à la fin de ton pleur
Tu ne le rendes mol, veu que celluy d'un arbre
Voire le mesmes marbre
Se rompt avec le temps par les gouttes de l'eau
Comme avec vn marteau :
Mais moy chetif hélas ! que faut il que i'espere
Qu'eternelle misere
Puis que ie crains si fort à descourir l'amour
Qui m'ard & nuict & iour,
Et que d'aultant que plus ie suis pres de la belle
D'aultant plus ie le celle.*

Oliuet.

*Comment compaing Ianot, est ce l'ocasion
Qui croist ta passion,
Et qui te faict ainsi maintenir que la tienne
Est autre que la mienne ?
Tu vois ta pastorelle, & reuois quand tu veulx,
Tu luy vois ses cheueux,*

Tu luy vois ses beaux yeux, & son front, & sa face,
Tu contemples sa grace,
Tu l'escoutes parler, tu l'escoutes chanter,
Et te peulx contenter
Par cent mille moyens ayant de sa presence
Ainsi la iouyssance.
Mais moy chetif hélas ! de quoy peulx-ie iouyr
Qui me puisse esjouyr ?
De quoy me paiz-ie hélas ! si ceste Marguerite
Dedans mon cueur escrite,
Celle qui tient la clef de mon cueur en sa main,
S'enfuit aussi soubdain,
Qu'elle me veoid pres d'elle ? à celle fin peult estre
De luy faire cognoistre
Quelle est la forte ardeur de ma forte amytié
Pour l'induire à pitié,
N'ayant non plus de soing de mon amour certaine
Que de ma dure peine.

Ianot.

Que me sert de goustier vne telle douceur,
S'amour ne me faict seur
Que de contentement qu'en la voyant ie sente
Elle reste contente ?
Le veoir est vn plaisir qui suruiet ainsi doux
Communement à tous,
Court, & vain, toutesfois, si le cueur de la dame
Ne sent pareille flamme :
Mais toy qui sçais au vray, que ta belle maistresse

*Se paist de ta destresse,
Tu te doibs refiouyr, & dressant l'ail aux cieux,
Rendre graces aux Dieux,
De la voir en tel point, & se plaie, & se rire
De ton triste martire.*

Oliuet.

*Elle ne fist onc cas non plus de mon esnoy
Qu'elle en a faict de moy,
Et quand bien elle auroit dans son cueur imployable
Mon tourment agreable,
Ce seroit vn confort, doublement malheureux,
A mon cueur amoureux.
Car le seruice est aspre & par trop inhumain
Lequel se faict en vain.
Mais toy qui trop à tort blasmes de ta naissance
L'estoile & l'influence,
Tu as pour luy conter tous les maulx que tu sens
Et les lieux & le temps,
Et peulx quand il te plaist la prier à ton aise
Que ton mal elle appaise.*

Ianot.

*Celluy ne sçait pas bien, son amour poursuyuant
Comme on meurt en viuant,
Ny ne sçait pas encor, quel enfer ont les hommes
En la terre où nous sommes,
S'il n'a senti premier combien deux pensemens
Aportent de tourmentz*

En vne ame amoureuse, ores d'espoir attaincte,
Et maintenant de craincte.
Je l'espreuve, Oliuet, trop miserablement,
Et te diray comment,
Ores l'espoir me dict qu'à ma dame ie dye
Quelle est ma maladie,
Et tandis il me flatte & me va promettant
De me rendre content :
Mais ie sens tout soubdain & mes os & mes veines
De glaçons toutes plaines,
Et veoy l'œil qui m'estoit au parauant si cler
Tout soubdain se troubler,
Me menassant, hélas ! pour l'espoir que i'embrasse
D'eternelle disgrâce.
Voila comment ie cours en ioye & desconfort
De la vie à la mort,
Et comme à meilleur droit plus que toy deplorable
Je suis plus miserable.
Car tu sçaiç que celluy qui son mal va contant,
Ne peult endurer tant,
Qu'un autre qui recelle en son cueur le martire
Qu'il n'ose iamais dire.
Quel autre allegement peult on trouuer aussi
En l'amoureux soucy,
Plus doux que de se plaindre, en contant à sa dame
Son amoureuse flamme ?

Oliuet.

Ne pense point, Ianot, que les champs & les boys
L'effourde de ma voix,

*Et ces coustaulx voisins, en faisant ma complainte :
Car ie tremble de craincte
Que les Dieux courroucez oyant ceste rigueur
Qui tourmente mon cueur,
Ne voulussent venger ceste fierté cruelle
Quant & quant dessus elle.
Et i'ayme mieux cent fois à la mort m'auancer,
Que de luy pourchasser
Le moindre desplaisir, dont sa seule pensée
Pourroit estre offensée.
Voyla comment ie cellè en plus d'ennuy que toy
Mon amoureux esinoy,
Esperant qu'à la fin mon feu trouuera place
Pour rompre ceste glace,
Et fera veoir encor sa dure cruaulté
Comme ma loyauté.*

Ianot.

*Le mal & le malheur ont semblé tousiours moindre
Quand on ne s'en veult plaindre,
Mais ie te tiens heureux de taire ta langueur
En si triste longueur,
Puis qu'en fin tu t'attendz veoir ta maistresse aymée
Comme toy enflammée.*

Oliuet.

*La trompeuse esperance est le premier recours,
Et le dernier secours,*

*Des tristes affligez, toutesfois ie la laisse
Comme ingrate traistresse.*

Ianot.

*Celluy ne dessert point des fructz d'amour auoir
Qui vit en desespoir.*

Oliuet.

*Cettuy la n'ayme point qui ne sçait à toute heure
Où sa dame demeure,
Et qui ne faict si bien qu'elle entende tousiours
Quelles sont ses amours,
Ce qu'il souffre pour elle, & qu'il faict, & qu'il pense,
Et qu'il dict en absence.
Et c'est pourquoy ie croys qu'amour de son beau feu
Te renflamme bien peu :
Car si tu sçauois bien qu'elle est l'ardente flamme
Qui rechaufe mon ame,
Et qu'elle eust viuement epoinçonné ton sein,
Tu r'en irois soubdain
Impatient d'ardeur vers ta Nymphete tendre
Pour le luy faire entendre.*

Ianot.

*Si ce beau feu d'amour ne me consumoit pas,
Ie fero y peu de cas
Du desdain de madame, & m'en irois sans craincte
Luy faire ma complaincte.*

Mais par ce que ie l'ayme, & que ie suis certain,
Tant i'ay le cueur haultain,
Qu'on ne peult esgaller autre amour ancienne
A l'ardeur de la mienne,
Je veux plustost mourir mon amour recelant,
Que si la reuelant,
L'aperceuois hélas ! cette face excellente
Tant soit peu mal contente.
Voila pourquoy ie pense auoir les espritz miens
Plus attainctz que les tiens,
Et comme à meilleur droit plus que toy déplorable
Je suis plus miserable.
Et pour te le monstrier, si tu l'aymois aultant
Que tu va racontant,
Il ne te seroit grief souffrir tousiours pour elle
Quelque angoisse nouuelle.
Mesmes or' que tu sçais que quand elle t'entend
Pres d'elle lamentant,
Elle fuyant soubdain, encontre toy s'irrite
Comme toute dépité,
Tu ne deburois iamais, si tu l'aymes bien fort
Luy faire vng si grand tort;
Ains te mirer en moy qui ne sçauois mieulx faire
Que d'aymer & me taire.

Oliuet.

Par ce que mon amour, passe ton amytie
De plus de la moitié,
Voire, lanot, ainsi que faict ce prochain chesne,

Ou ce pin, ou ce fresne,
Tous ces petitz buissons & ces menus ciprez
Que tu vois icy pres.
Ie ne sçaurois durer sans descourir ma peine
A ma douce inhumaine,
Me semblant trop fascheux à viure longuement
En tel aspre tourment,
Sans auoir quelque fois apres tant de souffrance
Vn peu de recompense.

Ianot.

Maint a gagné souuent le tiltre d'importun
En requerant quelcun
Trop souuent, de donner quelque chose qu'il ayme,
Et garde pour soy mesme.

Oliuet.

Cestuy la qui requiert & qui porte la peur
Trop empraincte en son cueur,
Se garde que sa craincte indigne ne le rende
D'auoir ce qu'il demande:
Car moy qui des long temps ay defferuy les biens
Qu'amour ordonne aux fiens,
Ie cherche sans repos aupres de ma mairesse
La fin de ma destresse,
Et trauaille sans fin pour sauouer les fruidz
De mes tristes ennuyz:
De façon que ie croy que pour payer l'ysure
Du tourment que i'endure,

Elle viendra bien tost toute seule vers moy
Adoucir mon esmoy,
Et cent fois plus de bien & de plaisir me rendre
Que ie n'en puis attendre.
Mais toy qui ne comprends meriter que bien peu
D'allegence à ton feu,
Qui t'est pour l'aduenir vng certain tesmoinage
De n'auoir d'auantüige,
Tu deburois auoir honte à tant parler ainsi
De ce don de mercy.
Confesse donq', qu'Amour de sa gentile flamme
Eschaufe plus mon ame,
Et qu'il poinct mon esprit & est de moy vainqueur
Plus qu'il n'est de ton cuer.

Ianot.


Je voy dedans ce val l'angelique visage
Qui me tient en seruage,
Qui ses troupeaux repeuz au village conduict,
Voyant venir la nuict.
Je m'en vaiꝝ luy conter la tristesse mortelle,
Que ie souffre pour elle,
Puis que tu blasmes tant dequoy ie cele ainsi
Mon amoureux soucy.

Oliuet.

Allez donques tous deux heureusement ensemble,
Car il faut que i'assemble

*Mes troupeaux espenduz par ces champs à lentour
Ce pendant qu'il est iour,
De peur que quelque loup fauorisé de l'ombre
N'amoindrisse le nombre:
Tu me diras demain, venant à nous reueoir,
Que r'adiendra ce soir,
Et ie te conteray si tousiours la rudesse
Loge dans ma maiſtresse.*

FIN DV QVATRIESME LIVRE.



LE CINQVIESME LIVRE
DES
ODES D'OLIVIER DE MAGNY
QUERCINOIS.

A PIERRE DE CHEVERRY,

General de Tholoufe.

ODE.



*TOUS les vers que loing du vulgaire
Je trafferois dorefnauant,
N'auroient plus la force de plaire
Comme ilz fouloient au parauant,
Et l'ardeur dont Phebus m'enflamme
Deuiendroit lente dans mon ame,*

*Et la, Muse auroit à mespris
Mon archet, mes chantz & ma lyre,
Et lors que ie vouldrois escrire
S'en iroit loing de mes escritz :*

*Bref ie penserois estre indigne
De porter iamais le laurier,
Qui est la recompense insigne
Du sçauant homme, & du guerrier,
Si ayant telle cognoissance
Que ie l'ay de ta suffisance,
Ensemble de la rareté,
De l'esprit qui dans toy repose,
Ie n'en tesmoignois quelque chose
A ceux de la posterité.*

*» La louenge est toujours aymable,
» Et pourueu que l'homme loué
» Soit loué d'un homme louable,
» Le loz est toujours aduoué.
Non pourtant si fort ie presume,
Que les'ouurages de ma plume
Soyent dignes d'un grand argument,
Mais louant ta vertu si belle,
Ie pense ma Muse estre telle
Qu'elle le fera dignement.*

*Soit en exerçant ton office
Nul ne faiet vn meilleur debuoir,
Ou soit en quelque autre exercice*

Nul n'est plain de plus de sçauoir :
 Les Muses t'ayment & honnorent,
 Les Graces t'ayment & decorent,
 Et les artz te doiuent trestous,
 Mesmes les beaux dons qui descendent
 Des astres, tous en toy se rendent
 Pour estre vn Phenix entre nous.

- C'est vne chose peu commune
- De veoir vn homme en ce temps cy,
- Riche des biens de la fortune,
- Et riche de vertuꝝ aussi.

Toutesfois la nature assemble
 Dedans toy tous les deux ensemble,
 Et nous faict cognoistre par toy,
 Comment en ta charge il fault estre
 Riche, vertueux & adextre,
 Pour seruir dignement vn Roy.

Apollon est vrayment ton pere,
 Et en ayant vn pere tel,
 Et Calliope ayant pour mere,
 Tu ne peulx estre qu'immortel.
 Quant à moy qui merque les traces
 De tes vertuꝝ & de tes graces,
 Je t'admire tant que ie puis,
 Et ces vers à ton loꝝ ie sonne,
 Tandiz qu'aux amours ie m'adonne
 Remply de mille doux ennuys.

Toujours Phebus enflammé d'ire,
La peste aux Grecz ne va iectant,
Ains quelque fois prenant la lyre
L'honneur des Dieux il va chantant:
Aussi à traicter les affaires,
Qui nous suruiennent ordinaires,
Il ne fault tousiours s'employer,
Ains parmy les soins & les peines
Dequoy les affaires sont plaines,
Il fault quelque fois s'esgayer.

C'est pourquoy ores ie r'adresse,
Ce petit liuret que voicy,
Plain des faueurs de ma maistresse,
Pour en adoucir ton soucy:
Pren le donq', & prens sa defense
Contre l'enuieuse ignorance,
Comme pour vn de mes enfans,
Qui armé du nom que tu portes,
Ne craint les menaces plus fortes
Ny de la Parque, ny des ans.



DV IOVR NATAL

De s'Amye.

ODE.

DESSVS la verdoyante riue
D'un cler ruyffelet argentín,
Vn pasteur ceint de blanche oliue
Chantoit naguieres au matin,
L'œil attentif sur son troupeau,
Et ses doigts sur son chalumeau.

Maint oyseau qui par le boufcage
De branche en branche voletoit,
Desgoisant vn plaisant ramage,
Respondoit à ce qu'il chantoit,
Et s'accordans en mesme son
Disoient ainfi ceste chanson.

O Dieu qui le monde illumines,
Apollon apparois aux cieux,

*Et faiz de tes clarteز diuines
Iouyr les hommes & les Dieux,
Vien serener ce mauuais temps,
Et nous admeine vn doux printemps.*

*Faiz que la grand mere Nature,
Liberale de son tresor,
Tapiſſe les champs de verdure,
Pour nous & nos beſtes encor:
Car ſi bien tu t'en ramentois
Paſteur on t'a veu quelque fois.*

*Sommetز des prochaines montaignes,
Et vous deſtours plus reculeز,
Vous antres, foreſtz & campagnes,
Et ruyſſeaux qui par cy coulez,
Grandز ciprez, & petitز buyſſons,
Preſtez l'oreille à mes chanſons.*

*L'aigneau deſormais en la pleine
Ne craigne la gueule des loups,
Et la terre aporte ſans peine
Ce qui fera beſoing à tous,
L'age d'or en ces iours tardifز
Reuienne comme il feut iadis.*

*De rozes vermeilles & blanches
Soyent ſemez tous ces champs voiſins,
Et ſoyent les plus ſauuages branches
Pleines de grapes de raiſins,*

*Des chesnes distille le miel,
Et la manne tombe du ciel.*

*Vienne d'une eternelle source
Le lait tout pur dans ces ruisseaux,
Et d'une autre abondante course
Le nectar vienne au lieu des eaux,
Et de mille & mille couleurs
Nayssent mille & mille autres fleurs.*

*Les fieres bestes plus cruelles
Gectent bien loing leurs aspretez,
Et les personnes plus rebelles
Gectent à part leurs duretez,
Vn chacun viue libre & seur,
Et tout par tout soit la douceur.*

*Des petitz Amours la grand'bande,
Vienne sans arc & sans brandons,
Et que plus nul d'eulx ne desbende
Les traictz & feuz dont nous arons,
Ains s'accordant aueq' le temps
Nous facent heureux & contentz.*

*Les Nymphes de leurs voix sacrées,
Chantans viennent danser en rond,
Et cueillir des fleurs en ces prées
Afin d'en coronner leur front,
Et s'esgayant à qui mieulx mieulx
Esgayent la terre & les cieux.*

Qu'il n'y ayt Sylvain qui ne rye,
Ny Faune, ny Satyre aucun,
Qu'il n'y ayt herbe en la prerie
Qui ne soit belle à tout chacun,
Et rien ne se voye aujourd'huy
Qui nous puisse donner ennuy.

Car en ceste heureuse iournée
Nasquit la diuine beaulté,
Par qui çabas est retournée
La prudence & la chasteté,
Et les vertuz en ce beau iour
Aquirent vn nouveau sejour.

Pour ceste cy dessus l'escorce
De tous ces arbres d'alentour,
L'escriz & graue à toute force
Les complainctes de mon amour,
Et pour ceste cy dans ces boys
Nuiet & iour on n'oyt que ma voix.

Il n'y a plus herbe ny plante
Qui ne soit peinte de son nom,
Ny nul oyseau qui ne la chante,
Et qui ne la mette en renom,
Tesmoignant que c'est sans nul fi
La perle de ce siecle cy.

C'est celle la qui peult tant faire
Qu'amer au goust me soit le miel,

*Et qui peult encore au contraire
Me faire doux trouuer le fiel,
C'est celle la qui met en moy,
Comme elle veult aise, ou esmoy.*

*Tant que par ces haultes montaignes
Les animaulx iront errant,
Et que par ces larges campagnes
Les eaux en mer iront courant,
Et qu'aux vignes les lymassons,
Et qu'aux eaux viuront les poissons :*

*Tant qu'entre la flamme & la glace
Viuront les amantz despourueuz,
L'honnoreray tousiours la face,
Les yeux, le front & les cheueulx,
De celle qui m'est vie & mort,
Guerre & paix, tourment & confort.*

*Chanson, tu feras ta priere
A Phebus pasteur souuerain,
Qu'à tout iamais de sa lumiere
Il rende ce iour cy serain,
Afin que le siecle auenir
Aye mieux dequoy s'en souuenir.*



SVR LE RETOVR

De s'Amye.

ODE.

E^N fin, Anne ma douce sœur,
Anne ma plus chere douceur,
En fin ie vous voy reuenüe,
Et apres vostre long seiour,
En fin avec vostre retour,
Ie me voy mon ame rendüe.

Comme vn petit fan alteré,
Long temps de sa mere esgaré,
S'esfouiſt quand il la retreuue,
Comme vn œillet qui perd son teinct,
Des rayons du soleil attainct
Se reffaiſt aduenant qu'il pleuue.

Ne plus ne moins, Anne mon bien,
Anne ſans qui ie ne puis rien,

*Ne plus ne moins ie me console,
Ie me console & m'esfouyꝝ,
Or' que de voꝝ yeux ie iouys,
Et de vostre douce parole.*

*Ores, Anne, que ie vous voy,
Ores belle que ie vous oy,
L'espreuue vne telle allegresse,
Que pour en fin la receuoir
Ie me tiens trop heureux d'auoir
Enduré si grande destresse.*

*Sans vous, Anne mon cher confort,
L'ay eu plus griefue que la mort
La vie que i'ay demenée,
Et sans vous encores les iours,
Tant fussent ilꝝ plaisans & courtꝝ,
M'ont semblé plus longs qu'une année.*

*Sans vous l'aise & le bien aussi,
M'estoyent tousiours mal & soucy,
Le repos m'estoit tousiours peine,
Tousiours amer m'estoit le miel,
Obscur tousiours m'estoit le ciel,
Et tousiours ma doute certaine.*

*Soit que le Soleil se leuast,
Ou soit qu'au soir il se trouuast
Sur le point de sa decadence,
Tousiours on me trouuoit pleurant,*

*Pleurant toujours & soupirant
Pour le regret de vostre absence.*

*Me plaignant du mal que i'auoys.
I'oyois plaindre avec moy les boys,
Les boys & les belles preries,
Et plaignant si ie larmoyois,
De l'eau de mes pleurs ie noyois
Les belles campagnes fleuries.*

*Les iardins de fleurs esmaillez,
Se sont tous de fleurs despouillez,
Quand ilz n'ont plus veu vostre face:
Et les beaux lieux où vous hantiez,
Anne, quand icy vous estiez,
Ont laissé' cheoir toute leur grace.*

*Mais ores que vous reuenez,
Avec vous vous nous ramenez
Tout bon heur & toute esperance:
Vous nous ramenez les plaisirs,
Et de noz plus ardans desirs
Nous promettez la iouissance.*

*Voyez ces arbres d'alentour,
S'esgayans de vostre retour,
Qui soubz leur ombre vous attendent:
Et voyez ces petitz ruyssaux,
Et oyez ces petitz oiseaux,
Qui mille passetemps vous rendent.*

*Les oeilletz, les fleurs & les fruitz,
Qui se sentant de noz ennuy
Auoyent leur couleur toute blanche,
Voyant passer nostre douleur,
Reprennent aussi leur couleur,
Et pour vous pendent à leur branche.*

*Maintenant ce bon heur i'auroy,
Que mon cueur ie contenteray
Contemplant vostre bonne grace :
Et si pour le contenter mieulx,
Ie pourray contenter mes yeux,
Contemplant vostre belle face.*

*Toute ma peine & mon malheur,
Et ma maigreur & ma palleur,
Ores loing de moy se retire,
Et mille ieux & passetemps,
Pour tous deux nous rendre contentz
Viennent chasser nostre martire.*

*I'auois tousiours bien attendu,
Qu'vn grand bien me seroit rendu
Après vn ennuy tant extreme :
Mais ie l'ay encores plus grand,
Pour autant qu'en vous recourant,
Ie me suis recouré moymesme.*



DE LA CONSTANCE DE SON AMOVR,

A sa Dame.

ODE.

ME monstre Amour, ou douceur, ou fierté,
Et hault, ou bas, en honneur ie demeure,
Tel que ie suis & tel que i'ay esté,
Tel ie seray iusqu'à tant que ie meure.

Je suis le rocher imployable
De foy non iamais variable,
Des ventz & des flotz tempesté,
Et face tourmente ou bonnasse
Iamais ie ne change de place,
Perdurable en ma fermeté.

Plustost les eaux peruertiront leur cours,
Et le Soleil esteindra sa lumiere,
Que mes pensers à toy n'aillent tousiours
Par le chemin de mon amour premiere.

*Voire plustost vn statuaire,
Pourra ses medailles parfaire
D'un burin de plomb ou de boys,
Que nulle occurence importune,
De l'amour, ou de la fortune,
Changent la foy que ie te dois.*

*Le r'ay donné tout pouuoir dessus moy,
Et r'ay ma foy si fermement iurée,
Qu'en nul subiect nulle meilleure foy
Plus fermement ne fut onq' asseurée.*

*Et ne fault desormais, Maistresse,
Faire ny fossé, ny fortresse,
Muraille, ne tour, ne rempart,
Pour garder qu'ell' ne soit surprise,
Car Amour l'a si bien conquise,
Qu'autre n'y sauroit auoir part.*

*Les vains honneurs, les bobances & l'or
Peuent les yeux esbloyr du vulgaire,
Mais ny cella ny plus grand chose encor
Ne me sçauroient de ton amour distraire.*

*Et fust-ce vne Venus dorée,
Qui vint de l'isle Cytherée
Vne amour durable m'offrir,
Je ne lairray iamais pour elle
Mon amour vers toy si fidelle,
Quoy que tu me faces souffrir.*

CHANSON.

Si par les champs folastrant
Je suis avec ma mignonne,
Quoy que i'aïlle rencontrant
Jamais ie ne m'en estonne:
Car ie porte dans le cueur
Le feu qui brusle la peur.

S'il me fault aller de nuit
Vers elle à l'heure promise,
Ny gueû, ny volleurs, ny bruiû,
N'empeschent mon entreprise:
Car ie porte dans le cueur
Le feu qui brusle la peur.

Si son mary despitè
Pour amour de moy la tence,
Je suis tousiours apprestè
De venger son innocence:
Car ie porte dans le cueur
Le feu qui brusle la peur.

Aussi lors que ie reçois
Quelque tort pour l'amour d'elle,

*Quelque petit que ie sois,
I'en venge bien la querelle:
Car ie porte dans le cueur
Le feu qui brusle la peur.*

*Si par quelque endroiçt il fault
Monter où la belle couche,
Tant soit le lieu droiçt & hault,
Iamais ie ne m'efarouche:
Car ie porte dans le cueur
Le feu qui brusle la peur.*

*I'en voy plusieurs pourchassans
Le bien que d'amour ie tire,
Par despit me menassans,
Mais ie ne m'en faiç que rire:
Car ie porte dans le cueur
Le feu qui brusle la peur.*

*Et bien qu'ilz soyent à les veoir
Guerriers & grans de corsage,
Si n'ont ilz poinçt le pouoir
De m'abaisser le courage:
Car ie porte dans le cueur
Le feu qui brusle la peur.*

*Les desseins auantureux,
Et les difficiles choses,
Et les lieux plus dangereux,*

*Enuers moy ne sont que rozes :
Car ie porte dans le cueur
Le feu qui brusle la peur.*

A S'AMYE.

ODE.

ET quoy, Anne, ma mignonne,
Ma Dione,
Doy-ie donc partir d'icy,
Sans que ie baise & rebaise
A mon aise
Ta bouche & tes yeux aussi ?
Veulx-tu que d'icy ie parte,
Que i'escarte
Mon œil du tien rauisseur,
Sans alleguer la destresse
Qui m'opresse,
De ta flateuse douceur.
Puis que tu sçaiç, ô friande,
La viande
Qui peult mon ame souler,

Vien avecques moy t'esbatre,
Vien follastre,
Me baiser & m'acoller.
Demy viue, demy morte,
Faiç en sorte
Que t'espreuue gayement,
Que soubz vn gentil visage,
Le courage
Est gentil également.
Le veulx que ta belle bouche
Ne rebouche
Pour fix baisers adouciç,
Ains que ta leure en soustienne
De la mienne
Six fois fix des mieulx assiz.
Le veulx que ta langue douce
Se courrousse,
Si bien que vireuoltant
Elle ouure ma bouche close
Et l'arrose
D'une manne doux sentant.
Ah petite tu me baïses,
Et apaises
La guerre de tous mes maulx :
Je sens bien ta douce aleine
De musc plaine
Adoucir tous mes trauaulx !
Je sens tes leures vermeilles
Nompareilles
Je touche ces liz bruniç,

Et quand ton œil me regarde
Il me darde
Cent mille aises infiniꝝ.
Encore vn coup ie suis riche,
Ne sois chiche
De ces dons delicieux,
Si tu me rebaisés folle
Ie m'en volle
Rauy d'aise entre les Dieux.
Estant guindé dessus l'aesle,
Rare & belle,
De ta faueur teincte en miel,
Ie sens mon cueur & mon ame,
Qui se pasme,
Ia desia montez au ciel.
Que de Dieux ! que de Deesses !
De lieffes !
De dances & passetemps
Nul en ceste troupe gaye
Ne s'esmaye,
Tous sont heureux & contens.
Soit deça, nul ie ne treuve
Qui n'espreuve
Du plaisir parfaitement,
Soit delà, nul se presente
Qui ne sente
Du parfait contentement.
Mais sans toy ie n'y puis viure,
Vien t'en suyure
Ma triste ame & mes espritꝝ.

Vien, vien t'en à ma priere
Ma guerriere,
Vien me veoir en ce pourpris.
Et quoy, belle; tu dedaignes
Ces campagnes,
Riche demeure des Dieux,
Tu feras donc à ma honte
Plus de conte
De la terre que des cieux.
A dieu donc troupe diuine,
Je chemine
Droict en bas pour la reuoir,
Ayant mieux sa douce guerre
Sur la terre,
Que paix icy receuoir.
Je ne puis estre sans elle,
La rebelle
M'a tellement enchanté,
Que sans la veoir vn quart d'heure
Je demeure
Trop aigrement tourmenté.
Je la revoy la sucrée,
Qui recrée
Mes espritz trop combatuz:
C'est l'ornement de mon cuer,
Qui descœure
Ses beaultez & ses vertuz.
Dieu te gard ma mignonette,
Je regrette
Le temps qu'ay perdu la hault:

*Puisse Amour en ta poitrine
Iuoirine
Darder son feu le plus chault.
Redressons les escarmouches
De noz bouches,
De noz bras, & de noz yeux,
En baisers, en acolades
En æillades,
Mutinez à qui mieux mieux.
Mais c'est assez, i'oy la mere,
Trop amere,
Qui deffend tout lentement :
Fuyons la fascheuse noise
Qu'ell' degoise,
Escartons nous vistement.
Voy defia comme elle espie
L'acroupie,
Vielle horrible aux plus hideux,
Elle couue dans son ame
Quelque blasme,
Pour l'esclorre entre nous deux.
Voy encor la grosse beste
Qui s'arreste
Pour vomir quelque courroux :
Le voy presque qu'elle creue
Tant est greue
L'enuye qu'elle a sur nous.
» Le bonheur vient à grand peine
» S'il n'ameine
» Vn desastre avecques luy :*

- » *On n'a point de ioye vraye,*
- » *La plus gaye*
- » *Traine tousiours vn ennuy.*

A ANNE POVR BAISER.

ODE.

ANNE, ie vous supplie à baiser aprennez,
A baiser aprennez, Anne, ie vous supplie:
Car parmy les plaisirs qu'en amour on publie
Les baisers sont diuins quand ilz sont bien donnez.

Je suis, & comme moy plusieurs sont estonnez
Ayant ainsi la bouche en beaultez acomplie,
Et de si bonne odeur l'ayant ainsi remplye,
Qu'à baiser vn peu mieux vous ne vous adonnez.

Ce n'est pas tout que d'estre ensemble bec à bec,
Les leures se pressant d'un baiser tousiours sec,
Il fault que l'une langue avec l'autre s'assemble,

Ores à son amy doucement la donnant,
Ores de son amy doucement la prenant,
La suççant, estreignant & mordant tout ensemble.

A ELLE ENCORE.

ODE.

ET quoy belle en vous apaisant,
En vous baisant & rebaisant,
Vous m'auez la langue mordüe,
La langue qui vous a rendüe
Dedans mes vers en mille lieux,
Immortelle comme les Dieux?
Et quoy petite, & quoy despite,
Est ce le guerdon que merite
Celluy qui pour vous en ennuy,
Vous tient trop plus chere que luy?
Celluy qui chante vostre grace,
Celluy qui vante vostre face,
Et qui n'est point ou peu contant
Qu'en vous vantant ou vous chantant.

Sus sus aprestez vous ingrate,
A celle fin que ie m'esbatte,
Que ie m'esbatte sans pityé

A punir vostre mauuaise.
Ah vous vous derrobez fuyarde,
Ah vous voulez fuyr mignarde,
Non non ne bougez, aussi bien
Aussi bien vous ne gaignez rien,
Car ie vous aurois aussi viste,
Tant fust vostre course subite.
Ah ie vous tiens, auous poinct peur ?
Auous encore en vostre cueur
Contre moy aultant d'amertume
Comme vous auiez de coustume ?
M'aimerez vous pas desormais ?
Me tiendrez vous pas à iamais
Dans vostre sein vostre cher hoste,
Sans qu'autre que la mort m'en oste ?
Si benigne vous le iurez,
Si douce vous m'en assurez,
Je vous luirray, petite fiere,
En vostre liberté premiere.
Mais si vous ne le consentez,
Perseuerant en voz fiertez,
Maintenant, petite farouche,
L'importuneray vostre bouche,
De la baiser & tant & tant
Que ie vous iray despitant,
Plus fort que, petite affetée,
Vous ne fustes onc despitée.



A SIRE AYMON.

ODE.

Si ie voulois par quelque effort
Pourchasser la perte, ou la mort
Du sire Aymon, & i'eusse enuye
Que sa femme luy fut rauie,
Ou qu'il entraist en quelque ennuy,
Ie serois ingrat enuers luy.

Car alors que ie m'en vois veoir
La beaulté qui d'vn doux pouuoir
Le cueur si doucement me brûlle,
Le bon sire Aymon se reculle,
Trop plus ententif au long tour
De ses cordes, qu'à mon amour.

Ores donq' il fault que son heur,
Et sa constance & son honneur
Sur mon luth viuement i'accorde,
Pinsetant l'argentine corde
Du luc de madame parfait,
Non celle que son mary faict.

*Cet Aymon de qui quatre filz
Eurent tant de gloire iadis,
N'eust en sa fortune ancienne
Fortune qui semble à la tienne,
Sire Aymon, car sans ses enfans
Il n'eust point surmonté les ans.*

*Mais toy sans en auoir onq' eu,
As en viuant si bien vaincu
L'effort de ce Faucheur auare,
Que quand ta memoire si rare
Entre les hommes perira,
Le Soleil plus ne reluira.*

*O combien ie t'estime heureux !
Qui vois les pluisirs plantureux
De ton espouze ma maistresse,
Qui vois l'or de sa blonde tresse,
Et les attraietz delicieux
Qu'Amour descoche de ses yeux.*

*Qui vois quand tu veulx ces sourciז
Sourciז en hebeine noirciז,
Qui vois les beaultez de sa face.
Qui vois & contemples sa grace,
Qui la vois si souuent baler,
Et qui l'ois si souuent parler.*

*Et qui vois si souuent encor
Entre ces perles & cet or,*

*Vn rubis qui luyt en sa bouche,
Pour adoucir le plus farouche,
Mais vn rubiz qui sçait trop bien
La rendre à soy sans estre sien.*

*Ce n'est des rubiz qu'un marchant
Auare aux Indes va cherchant,
Mais vn rubiz qu'elle decore
Plus que le rubiz ne l'honnore,
Fuyant ingrat à sa beaulté
Les apastz de sa priuaulté.*

*Heureux encor qui sans nul soin
Luy vois des armes dans le poing,
Et brandir d'une force adextre,
Ores à gauche, ores à dextre,
Les piques & les braquemars
En faisant honte au mesme Mars.*

*Mais pour bien ta gloire chanter
Je ne sçay que ie doys vanter
Ou ton heur en telle abondance,
Ou la grandeur de ta constance,
Qui franc de ses beaultez iouyr
N'as que l'heur de r'en resjouyr.*

*Tu peulx bien cent fois en vn iour
Veoir ceste bouche où niche amour,
Mais de fleurir iamais l'aleine,
Et l'ambre gris dont elle est pleine*

*Alleché de sa douce voix,
En vn an ce n'est qu'une fois.*

*Tu peulx bien cent fois en vn iour
Véoir ceste cuyffe faicte au tour,
Tu peux bien veoir encor ce ventre,
Et ce petit amoureux antre
Ou Venus cache son brandon,
Mais tu n'as poinct d'autre guerdon.*

*Puiffes tu veoir souuent ainsi
Les beaultez & graces aussi
Soit de son corps, soit de sa face,
Et puisse-ie prendre en ta place
Les doux plaisirs & les esbatz
Qu'on prend aux amoureux combatz.*

*Et tousiours en toute saison,
Puiffes tu veoir en ta maison
Maint & maint braue capitaine,
Que sa beaulté chez toy ameine,
Et tousiours, sire Aymon, y veoir
Maint & maint homme de sçauoir.*

*Et lors qu'avec ton tablier gras,
Et ta quenaille entre les bras,
Au bruiet de ton tour tu t'esgayes,
Puisse elle tousiours de mes playes,
Que i'ay pour elle dans le cuer,
Apaiser la douce langueur.*

CONTRE VN MEDISANT

De s'Amye.

ODE.

QVICONQVE sois menteur, qui blasmes
D'un langaige malicieux,
La belle qui luyt sur les Dames,
Comme la Lune dans les cieux,
La belle diç-ie, que ie porte,
D'une amytie constante & forte,
Toufiours empreinte dans mes yeux.

Si defia la courbe vieillesse
N'a faiçt ton visage rider,
Puisse elle pronte en sa foiblesse
Te venir bien tost aborder,
Et traynant la pauureté dure
Te face de ta faulce iniure
La faulte à iamais recorder.

*Tes hyuers, meschant, puissent estre
Toufours longuement ennuyeux,
Et le iour venant apparoiſtre
Soit toufours nuict deuant tes yeux,
Mesmes eſtant perſé de pluye,
N'ayes tu iamais qui t'eſſuye
Qu'vn vent qui te ſuyue en tous lieux.*

*Puis ayant en ceſte ſouffrance
Veſcu quelque temps pauurement,
Pour iuſte guerdon de l'offence
Faicte par toy meſchantement,
Puiſſes tu venir vers la belle,
Et t'agenoillant deuant elle,
Requérir pardon vainement.*

*Et tandis qu'en ceſte requête
Tu t'amuferas à parler,
Puiſſe vn tourbillon de tempeſte
T'enleuer cent brasses en l'air,
Puis te laiſſant tumber en terre,
Puiſſe ta teſte comme vn verre
En mille pieces s'en aller.*



DESCRIPTION

D'une nuit amoureuse.

ODE.

O douce aventureuse nuit,
Plus clere que le iour qui luyt,
Et dautant plus douce rendue
Qu'elle estoit lors moins attendue !

O astres aux cieux allumez,
Qui de voz raiç acoustumez
Feistes la lumiere plus brune,
Pour fauoriser ma fortune !

O fifilet & son bien heureux !
O chanson de luth amoureux
De qui le bruiçt & l'harmonie
Esueilla le cueur de m'amy !

O porte müette où i'entray
Quand la belle ie rencontray,
Porte si doucement desclofe
Que nul n'en sceust aucune chose !

O esprit vague qui doubtoit
Du bon heur qui se presentoit,
Et qui presque encor ne veult croire
D'avoir eu si belle victoire !

Main qui me tiras apres toy !
Pied qui t'en allas deuant moy !
Et toy belle odorante chambre
Remplie d'eau de Nasse & d'ambre !

O bras doucement acouplez !
O embrassemens redoublez,
Plus estroictement que l'hyerre
Vn vieil edifice n'enferre !

Belle bouche d'où sort ce ris
Qui fait aises les plus marris !
Douce langue qui ressasies
Mille espritz de mille Ambrosies !

Aleine si douce à sentir,
Que ie ne sçauois consentir
Que l'Inde ou la Sabée apporte
Vne douceur de telle sorte !

O liât tesmoing de mes plaisirs,
Qui as contenté mes desirs
D'yne felicité si belle
Qu'il n'en sera iamais de telle !

O liât qui mes trauaulx passez
As dignement recompensez,
Changeant en soulas la destresse
Que i'endurois pour ma maistresse !

Quantesfois ceste nuit soubz nous,
En noz passetemps si tresdoux,
Criquetant d'un plaisant murmure
Tesmoignas-tu mon auanture.

Iamais ne soit qu'en mes chansons
La nuit, les astres & les sons,
La porte & les espritz encore,
Les mains & les piedz ie n'honore.

Et iamais ne puisse aduenir
Que i'oste de mon souuenir
La bouche, la langue & l'aleine,
Qui ont recompensé ma peine.

Mais sur tout ie n'aillé au tombeau
Sans auoir vanté le flambeau,
Qui de sa clarté fauorable
Feit ceste nuit tant agreable.

*Permeſtant que de ces beautez,
De ces diuines nouueautez,
De quoy ma maiſtreſſe eſt pourueue,
Le peuſſe contenter ma veüe.*

*O flambeau digne & precieux,
Flambeau digne de luire aux cieux,
Mieux que celluy qui fut la guide
Du pauvre iouuenceau d'Abyde!*

*C'eſt toy qui bien heureuſement
Redoublas mon contentement,
Ne ceſſant toute nuit de luire,
Pour mieux aider à me conduire.*

*Les biens d'Amour en telz effectz
Ne ſe peuuent dire parfaictz,
Et n'en eſt poinct la ioye entiere,
Les prenant de nuit ſans lumiere.*

*Et combien alors vault il mieux
De pouuoir contempler les yeux,
Les ſourciſ, le front & la bouche
De la dame avec qui lon couche?*

*En mordant ces beaux cheueux d'or,
En ſuççant ces roſes encor
Deſſus ces leures corallines,
Sans peur d'y trouuer des eſpines.*

*Veoir apres ces membres poliz
Parsemez d'oilletz & de liz,
Et iuger en la voyant telle
Que c'est quelque chose immortelle.*

*Ores en chatouillant ce flanc
Et ores ce beau coul si blanc,
Et tastant ceste cuyffe ronde
Prendre tous les plaisirs du monde.*

*Bref alors il ne fault laisser
Chose que lon puisse penser
Quelque doux passetemps nous rendre,
Sans le trouuer & sans le prendre.*

*Mais pourquoy les fruietz amoureux
Sont ilz si courtz & sauoureux?
Et pourquoy encores se passe
Ce plaisir en si peu d'espace?*

» *O Dieu toute chose a son tour,
» La nuit suit par ordre le iour,
» Le plaisir la douleur ameine,
» Et le repos traine la peine.*

» *Nul iamais a peu viure tant
» Qu'il ayt esté tousiours content,
» Et qu'il n'ayt apres la lieffe
» Senti quelque peu de tristesse.*

*Mais ialouze Aurore pourquoy
Te despites-tu contre moy?
Pourquoy de ta clarté nouvelle
Me fais-tu partir de la belle?*

*As-tu si tost assez dormy,
Le n'ay pas encor à demy
Sauouré le fruit qu'amour donne,
Et tu veux que ie l'abandonne.*

*Alors que mon esprit conçoit,
Seulement le fruit qu'il reçoit,
Dont il n'a gousté que l'escorce,
Lors tu me fais leuer par force.*

*Si Titon t'a voulu fâscher,
Si tu dedaignes de coucher
Avec sa vieillesse peu gaye,
Fault il que l'vsure i'en paye?*

*Si Cephel qui pour sa Procris
Remplit le ciel de tant de cris,
Ne t'ayme d'amour asses forte
Fault il que la peine i'en porte?*

*Si le vaillant Theſſalien
Occit ton filz au camp Troyen,
Eſt ce la raiſon que i'endure
Pour toy telle malaventure?*

*Sors donc Nymphé indigne d'aymer,
Sors donc ingrate de la mer,
Si tu veux sortir en la sorte
Et le iour nouveau nous apporte.*

*Tu n'es pas digne de nous veoir
Telz contentemens recevoir,
Et ne merites ce me semble
De veoir deux telz amys ensemble.*

*Puiffes tu deormais trouver
Quand tu viendras à te leuer,
Toufiours quelque nouvelle nue
Qui t'obscurciffe à ta venue.*

*Cephal encor te soit toufiours
Froid & retif en tes amours :
Et Tithon beaucoup mieux te plaise
Puis que i'ay pour toy ce malaise.*

*Car on ne peult penser combien
Tu as faict de mal à mon bien,
Ayant ma lieffe empêchée
Pour t'estre si tost descouchée.*



SVR CE MESME PROPOS.

ODE.

QVAND ie sens dedans vn liât mol
Ma mignonne pendre à mon col,
Et de sa langue & de sa bouche
D'vn feu qui iusqu'au cueur me touche,
Dedans ma poytrine enflammer,
Mille appetitz du ieu d'aymer,
Alors fretillant ie me glisse
Dessus l'albastre de sa cuysse,
Et folastrant en mille tours
L'estein ce nouveau feu d'amours.
Mais si par fois elle se pasme
Du plaisir qu'elle a dans son ame,
Et que ie tienne souz les draps
Son corps mourant entre mes bras,
Lors, d'vne douce mignardise,
Dedans sa poytrine i'atise
Ie ne sçay quel feu, qui la faiât
Reuiure en son aise parfaiât.

*Aussi quand mourant ie me treuve
Par le grand plaisir que i'espreuve,
Et qu'elle tient deffouz les draps
Mon corps mourant entre ses bras,
Lors d'une mignardise douce
Dedans ma poitrine elle pousse
Ie ne sçay quel feu, qui me faict
Reuiure en mon aise parfaict.*

*Et voila comme ma mignonne
Mes sens égarez me redonne,
Et comme ie rendz en vigueur
Toutes les forces de son cueur,
Alors que son ame transie,
Alors que la mienne saisie
D'un plaisir si grand & si doux
S'en vollent ce semble de nous.*

*Puis quand nostre amour embrasée
Est si doucement apaisée,
Adonc pour refolast rer mieux
Ie baise & rebaise ses yeux,
Ie baise sa bouche vermeille,
Sa gorge à l'iuoir pareille,
Et sur sa poitrine de lait
Ce petit tetin rondelet.
Tandis la petite folastre
De sa petite main d'albastre
Me pinse le flanc doucement,
Me chatouille mignardement,*

*Et pour mignardement s'esbatre
Se prend doucement à me battre,
Or' doucement se courroussant,
Ores doucement repoussant
Ma folle main, quand moins modeste
Le tastonne & pinse le reste.*

*Et par fois alors que ie tens
A quelque plus doux passetemps,
Cette mignonne pour me rendre
Plus ardent encor d'y pretendre,
D'un petit atrayant refus
S'efforce à me rendre confuz,
Et de sa parole atrayante
Et de sa langue begueyante,
Retiue à ces plaisans combatz,
Me paist de mille autres appastz,
Si bien que moy qui ressasie
Mon cueur d'une telle ambrosie
A peu pres ie me treuue aultant
De l'un que de l'autre contant.*

*Ce temps pendant si la petite
Par un doux sommeil qui l'incite
Vient à s'estendre lentement,
Elle adonc couche doucement
Le coral de la leure sienne
Pour s'endormir dessus la mienne,
Puis m'embrassant d'un bras moins fort
Tout bellement elle s'endort,*

*Ressemblant presque à demy morte,
Et lors ie m'endors en la sorte
Iusqu'à tant que l'un d'entre nous,
Sortant de ce sommeil si doux,
Follastre, le premier resveille
L'autre qui doucement sommeille :
Puis bien heureusement contens,
Nous renforçons nos passetemps,
Iusqu'à tant que le iour nous presse
De finir si douce allegresse,
Et sortant de ce mol seiour
Aller aux affaires du iour.*

A S'AMYE.

ODE.

CESTVY la qui desire amonceler de l'or,
Et veult plus loing borner ses campagnes encor,
Fende toutes les mers, auare en son voyage,
Et des guerriers combatz s'enflamme le courage.

*Que le somme coulant doucement en ses yeux
Luy soit interrompu du tonnerre des cieux,
Et son liét soit tousiours sur les vndes marines,
Ou dans vn camp armé, tout parsemé d'espines.*

Quant à moy plus contant de mon estre si bas,
Le demeure en tout temps oisif entre les bras
De la dame que i'ayme, & des sons de ma lyre
Apaisant son ennuy i'apaise mon martire.

Estimant aussi cher nostre commun repos,
Et l'aïse que tous deux prenons en noz propos,
Qu'un Roy tient chèrement les despouilles conquises,
Et qu'un riche marchand prise ses marchandises.

O bien heureux ceux la qui en l'age premier
Voyoient soudre le lait d'un soursgeon coustumier,
Et des chesnes le miel distiller aux montaignes,
Pour arrozer les fleurs des prochaines campagnes.

Les coustumes estoient pareilles, & les loix
Ne sortoient point encor de la bouche des Roys
Ny le bon homme aux champs, de sa courbe faucille
Ne couppoit les moissons pour nourrir sa famille.

Toufiours souz vn printems le Soleil esclairoit,
Et d'un mesme rayon au matin redoroit
Les sommetz des coustaux, & d'ordre la nuit sombre
Venoit apres le iour & le iour apres l'ombre.

L'aigneau parmy les loups demouroit en seurte,
Tous animaux estoient alors en liberté,
Et les esclairs encor', le fouldre & le tonnerre,
Iupiter ne dardoit sur les flancz de la terre.

*Les ventz estoient encor en leur cauerne enclos,
La mer ne tempestoit les riuës de ses flotz,
Et le nocher encor n'alloit en contréchange
Achepter du brezil en quelque terre estrange.*

*L'esprit de l'homme adonc le soucy ne mordoit,
L'un avec l'autre alors doucement s'acordoit,
Et le Dieu des guerriers laissant rouiller ses armes,
Ne se mettoit encor au danger des alarmes.*

*Dessus l'armet encor le tymbre menassant
Ne faisoit reculer l'ennemy pallissant,
Et le genet d'Espaigne & sans selle & sans guide
N'auoit encor appris à remascher sa bride.*

*Sans plus sa propre terre alors on cognoissoit,
Sans tant de diuers metz à l'heure on se païssoit.
Le pommier de son gré portoit tousiours ses pommes,
Et le cep verdiſſant les vendenges aux hommes.*

*Le foupleur en ce temps les raisins ne fouloit,
Car le vin de son gré par les treilles couloit,
Et le pressoir encor n'estant mis en vsage
Ne donnoit comme il faict la boisson du mesnage.*

*Le pescheur d'une ligne & d'un croche hameſſon
Ne deceuoit adonc dans les eaux le poisson,
Et le veneur encor dans les forestz espees
Ne tendoit point aux cerfz des filetz & des lesses.*

*Ceste rage d'amour dont forcene mon cueur
Le cueur des amoureux ne tenoit en langueur,
Et l'enfant de Venus d'une caulte surprise
Ne captiuoit encor des hommes la franchise.*

*Mais qu'ay-ie dict Amour ! ton ardeur en ce temps
N'estoit rien que bon heur, douceur & passetemps,
Et cette passion qui doucement enflamme
De soy mesmes adonc s'engendroit en nostre ame.*

*Chacun auoit le sein de l'amour enflammé,
Par un brandon égal doucement alumé,
Et la peur, le dedain, l'ire & la ialousie
N'occupoient des amantz encor la fantasia.*

*Les pleurs & les sospirs, les plainctes, & le dueil,
Ne sortoient poinct du sein, de la bouche & de l'œil
De l'amant affligé, ains sans nulle souffrance
Il auoit de sa dame adonc la iouissance :*

*Ore en un bois, & ore en un val escarté
Tenant, baisant, tastant, l'amy en liberté,
Et de mille plaifirs sans peur & sans enuye
Bien heurant en ce poinct leur amoureuse vie.*

*Viuons donques, maistresse, & faisons entre nous
Reuenir le bon heur de ce siecle si doux,
Et ne craignons la mort : car quoy qu'elle deuore
Si Tibulle ne ment, nous aymerons encore.*

A MONSIEVR DVTHIER,

CONSEILLER DV ROY, SECRETAIRE D'ESTAT

& de ses finances.

ODE.

CEST vne fort louable chose
A celluy qui des vers compose,
Que de chanter les gens de bien,
Qui portent blanche la poitrine,
Et qui plains de bonne doctrine
S'effayent de n'ignorer rien.

*I'ay mis sur le front de mon liure
Vn beau nom pour le faire viure
D'age en age eternellement,
Et ores qu'à la fin i'arriue
Il fault qu'un beau nom i'y soubzcriue
Digne d'un tel commencement.*

*Et c'est pourquoy ayant cogneüe
De long temps ta vertu chenue,
Digne d'un eternel renom,
Pour faire qu'au front de mon œuvre,
La fin pareille se descœure,
La fin i'honnore de ton nom.*

*Ton nom & ta vertu si rare,
Que le ciel aux autres auare
Verse en toy liberallement,
Avec ta prudence & ta grace,
Meritent certes qu'on te face
Viure au monde immortellement.*

*Ton esprit & ta vigilance,
Ton sçavoir & ta suffisance,
Si bien cogneuz de nostre Roy,
Et cogneuz de la France encore,
Meritent certes qu'on t'honnore
Et qu'on parle à iamais de toy.*

*Pour les secretz d'un Roy entendre,
Et pour ses affaires comprendre,
Et les traicter d'un sain esprit,
Nul n'en est plus que toy capable,
Et nul n'est à toy comparable
A les mectre bien par escript.*

*S'on peignoit la langue dorée
Pour son eloquence honorée*

*A Demosthene, à meilleur droit
Il fault que ta plume lon dore,
Qui meriteroit bien encore
De luyre au ciel en quelque endroict.*

*Par tout où ton chemin s'adresse,
L'ingratitude & la paresse
Et le vice tousiours te fuit :
Et tout par tout la courtoisie,
La musique & la Poësie,
Et la vertu tousiours te suit.*

*Iamais personne tu n'abuses,
Vfant des courtizanes ruzes
D'un qui rien que pour soy ne faict,
Ains franc, liberal & adextre,
Quoy qu'il tarde, apres le promedre
Tu nous fais apparoir l'effect.*

*Tu fais apparoir veritable
Cette sentence si notable,
» Qu'on ne naist pour soy seullement,
» Mais bien que lon naist en partie
» Pour les parens, pour la patrie,
» Et les amys semblablement.*

*Car non content que ta main face
Mille bien à ceulx de ta race,
En les aduançant tous les iours,
Mille moyens encor tu donnes*

Pour auancer mille personnes
Qui vers toy s'en vont à recours.

Pour faire donner vn office,
Ou faire auoir vn benefice
A quelque pauure homme sçauant,
A qui la fortune est contraire,
Nul mieulx que toy ne le peult faire,
Ny mieulx le pouffer en auant.

On a beau puyser & beau boire
A grandz traictz en l'eau de ton Loire,
Ton Loire va pourtant tousiours,
Et tousiours quelque temps qu'il face
S'il n'est arresté de la glace,
Il poursuit brauement son cours:

Aussi pour les largeesses tiennes
Et les biens que tu nous moyennes
Si voluntiers enuers le Roy,
Ta liberalité ne cesse,
Ains quelque plus grande largesse
Tousiours vient & s'attend de toy.

Quant à moy i'en sçay bien que dire,
Qui de toy tous les iours retire
Mille faueurs & mille biens,
Pource que plus tu m'en pourchasses,
Et moins ie veoy que tu t'en lasses,
Sans que ie le merite en riens.

*O Dieux vengeurs de noz offences,
Si iamais voz iustes vengences
Punirent vn ingrat çabas,
Dardez ie vous pry sur ma teste
Vostre plus ardente tempeste,
Dardez, & ne m'espargnez pas.*

*Ne m'espargnez en nulle sorte,
Si iamais dans mon cueur ie porte
Ny le blasme, ny le soupçon
D'estre ingrat des biens que ie tire
De mon DVTHIER que tant i'admire,
Et mon Mecenas AVANSON.*

*Et vous seurs filles de Memoire,
Si de vous ie tiens quelque gloire
Entre ceux la de mon mestier,
Rendez ceste gloire si grande
Qu'immortelz encor' elle rende
Mon AVANSON & mon DVTHIER.*

FIN DES ODES D'OLIVIER DE MAGNY



TABLE

LE TROISIESME LIVRE DES ODES.

	Pages.
A Madame Diane de Poytiers, duchesse de Valentinois.	
<i>Si i'osois au retour de la nouvelle année.</i> . .	1
A elle mesmes, luy presentant les louenges du iardin d'Ennet.	5
Les Louenges du iardin d'Ennet.	7
A Madame la vicomtesse de Gordon, Marguerite de Cardaillac	13
Le Polypheme, à Monsieur du Thier, conseiller du Roy, secretaire d'Estat & de ses finances. .	14
Sur la prise de Calays.	24
A Berenguier Portal, tresorier de France.	32
A Guillaume Blanchy	35
A Pierre Gilbert, Tholosan	39
Contre aucuns malueuillans d'un sien grand amy.	41
Au petit enfant de sa dame	47

	Pages.
L'hymne de Bacchus, à Pierre de Ronfard Vandois	52
A Bacchus encore, pour punir vn gourmand de raisins	57
Vœu à Pan.	59
Vœu à Pales	60
Vœu à Bacchus.	61
Vœu à Mercure.	62
Vœu à Venus.	63
A sa demeure des champs	64
A Michel de Magny, son pere, mourant	66
Sur le tombeau de Marguerite de Parra, sa mere.	67
A François Pefloe, sur la mort d'une sienne sœur.	69
Sur la mort de Mellin de Saint Gelays.	71
De la condition de la vie des hommes, à Jan Castin	74
A Jaques Guyon	77
Sur la mort d'un petit chien.	79
A Jaques de Touteins	87
A Guillaume du Buys	88
A Nicolas Denisot, comte d'Alfinois.	90
Discours en inconstance d'Amour, à François de Charbonier	96

LE QUATRIÈME LIVRE DES ODES.

A Laurens d'Auanfon, seigneur de Vaulferres.	105
De sa nouvelle amour, à Jean d'Illiers	107
Des qualitez de son amour, à sa dame.	108

	Pages.
Des graces & perfections de s'amyé, à Ioachim du Bellay Angeuin	111
De la cognoiffance de fon amour, à Remy Belleau. Chanfon,	115
<i>Je fers vne maiftrefse.</i>	119
A la Colombe de Ian de Pardeillan, prothonotaire de Pangeas.	122
A s'amyé, <i>Quelle ardeur chaftelement diuine</i>	123
A elle mefmes, <i>Quand ie te vois au matin.</i>	126
De fon amour enuers deux dames.	128
D'aymer en plufieurs lieux, à Guillaume Aubert.	133
A s'amyé, <i>Puis que la faifon du printemps.</i>	135
Plaincte d'amour à Venus, à Iaques Bizet	138
D'une deuife que luy donnas'amyé dans vn anneau.	141
A s'amyé en luy difant adieu.	143
A elle encore fur ce mefme propos	144
De l'abfence de s'amyé, à Maurice Seue Lionnois.	146
Elegie à fa dame	148
De l'extremité de fes paffions, à Gabriel du Fauffard.	151
A s'amyé, <i>Elle eft à vous, douce maiftrefse.</i>	156
Sur vn defpit qu'il print avecques s'amyé. . . .	158
Palinodie.	161
De fes defirs à s'amyé	162
Des contraires effects de fon amour, à Iehan de Iehan	165

	Pages.
De la diuerfité de fon amour, à lean de Faure . .	166
A fes fouspirs amoureux	169
A fes penfers.	170
Chanfon,	
<i>Amour qui ſçaiç quelle eſt ma foy.</i>	173
A ſ'amyé,	
<i>Anne, ma maiſtreſſe, m'amyé.</i>	175
A elle meſme,	
<i>Foible, paſſe, ſans cuer, ſans raiſon, ſans haleine</i>	178
Deuis ruſtique. Oliuet, Ianot	181

LE CINQVIESME LIVRE DES ODES.

A Pierre de Cheurry, general de Tholouſe . . .	197
Du iour natal de ſ'amyé	201
Sur le retour de ſ'amyé	206
De la conſtance de fon amour, à ſa dame. . . .	210
Chanſon,	
<i>Si par les champs folaftrant</i>	212
A ſ'amyé,	
<i>Et quoy, Anne, ma mignonne.</i>	214
A Anne pour baiſer	219
A elle encore,	
<i>Et quoy belle en vous apaiſant.</i>	220
A ſire Aymon.	222
Contre vn medifant de ſ'amyé	226
Description d'une nuit amoureuse	228
Sur ce meſme propos.	235

Pages.


A s'amyé,

Cestuy la qui desire amonceler de l'or 238

A Monsieur Duthier, conseiller du Roy, secretaire

d'Estat & de ses finances. 242





BIBLIOTHÈQUE D'UN CURIEUX


Volumes in-12 écu, imprimés sur papier de Hollande.
Chaque volume: 5 fr. & 7 fr. 50.

-
- Les Contes de* POGGE, traduits par M. RISTELHUBERT. 1. volume (épuisé).
- FERRY JULYOT. *Les Élégies de la belle fille lamentant sa virginité perdue*, avec introduction & notes par E. COURBET. 1 vol. (épuisé).
- Poésies diverses attribuées à Molière ou pouvant lui être attribuées*, recueillies & publiées par le BIBLIOPHILE JACOB. 1 vol. (épuisé).
- Les Dialogues de* TAHUREAU, avec notice & index par F. CONSCIENCE. 1 volume . . . 7 50
- Les Gayetez d'*OLIVIER DE MAGNY, avec notice par E. COURBET. 1 vol. (épuisé).
- Les Contes & facéties d'*ARLOTTO, avec introduction & notes par RISTELHUBER. 1 vol. . 5 »
- Les Quatrains de* PIBRAC, avec notice & notes par JULES CLARETIE & E. COURBET. 1 vol. 7 50
- Les Serées de* GUILLAUME BOUCHET, avec notice & index par ROYBET. 5 vol. chaque vol. 5 »
Quatre volumes sont en vente.
- Le Cymbalum mundi* par BONAVENTURE DES PÉRIERS, avec notice & notes par FRANK. 1 vol. 7 50

EN PRÉPARATION:

- Les Comptes du monde aduantureux.*
- Les Matinées de* CHOLIÈRES.
- Contes & joyeux Devis* par BONAVENTURE DES PÉRIERS.

Il est tiré quelques exemplaires de cette collection sur papier de Chine, au prix de 25 fr. le volume.



PQ
1629
M3A7
1876
t.2

Magny, Olivier de
Les odes

PLEASE DO NOT REMOVE
CARDS OR SLIPS FROM THIS POCKET

UNIVERSITY OF TORONTO LIBRARY

